

**Institvtiones historico-physicae regni vegetabilis pralectionibvs
academicis accommodatae / D. Christiani Gottlieb Lvdwig.**

Contributors

Ludwig, Christian Gottlieb, 1709-1773

Publication/Creation

Lipsiae : Apud I.F. Gleditsch, 1757.

Persistent URL

<https://wellcomecollection.org/works/dcf9e5hc>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.





Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



34314/A

u2†





D. CHRISTIANI GOTTLIEB LVDWIG

ANAT. ET CHIRVRG. P. P. O. COLLEGII B. M. V.
h. t. PRAEPOSITI ACAD. REG. BORVSS.
SCIENT. ET SOC. FLORENT. BOT.
SODALIS.

INSTITVTIONES
HISTORICO PHYSICAE
REGNI VEGETABILIS
PRAELECTIONIBVS ACADEMICIS
ACCOMMODATAE.



EDITIO ALTERA AVCTA ET EMENDATA.

LIPSIAE,
APVD IOH. FRIDERICVM GLEDITSCH.
MDCCLVII.

303630





PRAEFATIO AD BOTANOPHILOS.



Medicamentorum simpli-
cium accuratam explica-
tionem in materia medi-
ca tradendam, et medico
curationes morborum exercenti quam ma-
xime utilem, ab eo suscipi non posse, nisi
studium historiae naturalis et physices praemittatur, iure meritoque affirmatur. Quan-
quam enim medici, ex insigni corporum
naturalium copia, quaedam tantum in suos
usus conuertunt, haec tamen ex reliquis de-
ligere, cum illis comparare et eorum natu-

P R A E F A T I O.

ram et indolem curatius examinare tenentur. Ab eo igitur tempore, quo botanicae rei operam dedi, semper in eo elaboravi, ut prima historiae aequa ac scientiae naturalis fundamenta, et ipse diligentius perquirerem, eaque Auditoribus meis succincte exponerem, et ita eos ad materiam medicam cum fructu tractandam manuducerem.

Ad hanc autem cognitionem acquirendam historica et physica, non vegetabilis tantum, sed animalis et mineralis quoque regni consideratio requiritur, quam, aliorum exemplo excitatus, in compendio tradere et praelectionibus academicis aestiuis et hybernis accommodare etsi aliquoties decreui: tamen laboris magnitudo studiique historiae naturalis vastissimus ambitus, me in animali et minerali regno non satis versatum, monuerunt, ne aliam praeter regni vegetabilis accuratiorem disquisitionem susciperem. Et hoc eo lubentius exegi institutum, quia cognoueram, apparatus materiae medicae magis ex regno vegetabili, quam animali et minerali desumi. Aphorismos

P R A E F A T I O.

rismos igitur botanicos, anno 1738 cum botanophilis communicatos, in lectionibus priuatis primum explicaui, postquam autem perspexi, eos nimis breues esse, nec docenti amplam satis de rebus differendi exhibere materiam, anno 1742 institutiones historico physicas regni vegetabilis Auditoribus meis proposui et in scholis priuatis usque ad annum 1747 explicaui. Cum autem eo tempore optimi praceptorum
WALTHERVS et PLATNERVS Viri illustres et de academia nostra totoque orbe litterario optime promeriti, quorum memoria nobis semper carissima erit, nostrae academiae praematura morte eriperentur, ad alia studia ductus, botanicas praelectiones non amplius continuare potui, Viri itaque excellentissimi mihiique amicissimi
BCEHMERVS et, hoc in vicinam Wittebergensem academiam euocato, BOSIVS scholas botanicas aperuerunt, et institutiones has praelectionibus suis quoque accommodatas inuenerunt.

Studii autem botanici incrementum, hoc ipso seculo a praestantissimis viris maximo

P R A E F A T I O.

feruore adiutum, variis in libello hoc emendationibus locum dedere. Nam et ipse et modo nominati amici, in cultura horti, ab Ill. WALTHERO mihi relicti, rem herbariam pari studio coluimus variasque animaduersiones collegimus, ad has institutiones perficiendas pertinentes. Cum igitur iam dudum et multi Fautores et Amici et ipse bibliopola nouam editionem urgerent, praecedente quidem anno de ea cogitare coepi, sed aliis negotiis distractus in hunc usque annum protrahere coactus fui. Multa igitur correxi, alia expunxi, alia addidi, definitiones in primis accuratiores proposui, additis insuper subinde notulis, quibus discrimen subtilius determinaretur et ita, quod spero, libellum hunc praelectionibus academicis magis accommodatum reddidi. Ordinem tractationis ipsius semel probatum immutare nolui, sed eam retinui capitum seriem, quam antea proposueram, cum nihil inuenerim, quod noui capitatis adiunctionem necessum redderet.

Exhibui igitur primo principia methodi, ad omnia naturae regna accommodata, quibus

P R A E F A T I O.

bus nimirum historiae naturalis studium dirigitur et perficitur. Definitiones partium plantae summa cum cura concinnandae erant. In tanta enim rerum varietate verae ideae in generibus et speciebus plantarum cognoscendis et distinguendis effingi nequeunt, nisi in illis certi quidam limites figantur. Quilibet igitur, qui plantarum contemplationem suscipit, primo in vulgo cognitis versetur, quo postea rariores, recens inuentas et oblatas dijudicare discat: Semper vero definitiones partium rite attendat, ut naturae varietatem, in partium, quoad essentialia inter se conuenientium, fabrica perspiciat et ita ad generum atque specierum definitiones concinnandas eo certius ducatur.

Ipsa quidem methodus etsi studii facile addiscendi optimum adminiculum est: numerus tamen methodorum in dies auctus studium botanicum difficile reddere videtur. Quod si vero methodorum artificialium ratio accuratius disquiratur, facile patebit, varietatem in denominandis generibus superioribus neminem, ad plantarum examen

P R A E F A T I O.

attentum, confundere posse. Cognitis enim vocabulis, quibus partes plantae indicantur, cuiuslibet methodi clavis sine labore deprehenditur, et ad disquisitionem plantarum apta redditur. Indicauimus ergo omnes ferme botanicos, qui methodi leges sequuti sunt, eorumque scripta citauimus, quo ex his praestantissima eligi et rationes diuersae dispositionis diiudicari queant. Licet enim quilibet botanicus unam tantum methodum sequatur et suam faciat, in studio tamen colendo minime versari, nec scripta botanicorum intelligere potest, nisi voces usu receptas intelligat et praecipuas dispositiones methodicas historice perquirat, quo generum inferiorum conuenientiam melius intelligat.

Simili prorsus modo et generum et specierum constituendarum ratio et nomina his imponenda disquirenda sunt. Fateor equidem, de his non nisi praestantissimorum virorum et in studio nostro exercitatiissimorum iudicium valere: fundamenta tamen huius doctrinae et tironibus propoundeda sunt, quo limites generum et specierum

P R A E F A T I O.

cierum et nomina plantarum ipsa aliquo
cum iudicio addiscant. Specimina gene-
rum et specierum, a nobis exposita, non
quidem ex omni parte absoluta, ita tamen
comparata sunt, ut his perspectis quilibet
vel in officinalium plantarum examine sub-
sistere, vel in omnem rei herbariae campum
excurrere queat.

Alteram quoque, hoc est, physicam
institutionum nostrarum partem medicinae
cultoribus variis de causis cognitu necessa-
riam esse existimo: hi enim intimam cor-
poris animalis fabricam considerantes, et
vegetabilium structuram accurate disqui-
rentes, vel ad harum analogiam cum cor-
pore animali respicere, vel vires, quas
plantaे in vegetationis mutationibus ac-
quirunt, et postmodum in corpore huma-
no exercent, melius perpendere possunt.
Prior consideratio actiones in mutatione
humorum, per vasa sua ductorum, magis
explicat, et ad physicam uniuersalem cor-
porum naturalium intelligendam facit; po-
sterior autem eos ad delectum simplicium
medicamentorum in materia medica insti-

P R A E F A T I O.

tuendum, ad notas bonitatis in variis plantarum partibus, ad opportunum eas colligendi tempus et conseruationem in usus pharmaceuticos magis attentos reddit et eos omnino iuuat, si ab operationibus naturae, in corporibus naturalibus obseruatis, ad eorum analysin chemicam apte fuscipiendam ducuntur.

Etsi vero botanophilorum studia in academicis exercitationibus hoc libello adiuuare animus tantum fuerit, summo tamen exercitatissimorum quoque botanicorum, eorum praecipue, qui doctrinam botanicam in academiis explicant, iudicio hos meos labores submitto, et ab eorum humanitate atque eruditione id peto, ut quicquid adhuc in tradendis botanicis principiis deficiat, vel aptius certiusque exponi queat, beneuole adiiciant. Equidem nullum alium finem in his institutionibus conscribendis mihi proposui, quam ut botanices cultoribus viam facilem et breuem ostendam, qua ad historicam pariter ac physicam vegetabilium cognitionem peruenire possint, certoque confido,

in

P R A E F A T I O.

in diiudicandis rebus mediocriter exercitatum tenue hoc scribendi genus facile assecutum esse, in primis, si natura duce plantarum examen crebrius suscipiat. Magis tamen proficere poterunt botanophili, si duce quodam adscito, varia adhuc percipient monita, quae occasione harum institutionum proponi et optimis exemplis illustrari poterunt.

Ego vero, qui magnam laborum meorum academicorum partem in studio rei herbariae addiscendo, excolendo et ad artem salutarem applicando consumsi, in eo tamen ornando et perficiendo parum omnino praestare potui, cum alii academici labores et praxeos clinicae occupatio omne prope tempus mihi eripuerit. Fractae etiam iam per negotiosam vitae rationem vires non permittunt, ut in posterum studium rei herbariae, quod adeo amavi, et quod fortunae praesentis praecipua existit occasio, debita cum cura excolam.

Atta-

P R A E F A T I O.

Attamen cum oblectamentum sene-
tutis imminentis in cultura et contem-
platione plantarum indigenarum et exoti-
carum magnum fore sperem , et in hor-
to et bibliotheca haud contemnenda ha-
beam adiumenta , omni occasione id agam,
ut animi Commilitonum honoratisimo-
rum ad studium hoc , in academia nostra
cum fructu tractandum et excolendum,
excitentur. Dabam Lipsiae d. i. Martii
A. O. R. MDCCLVII.



CONSPE-

CONSPPECTVS
Institutionum regni vegetabilis.

PROLEGOMENA.

Cap. I. De tribus naturae regnis in genere.

Cap. II. De methodo in omni historia naturali in
genere.

PARS I.

Consideratio vegetabilium historica.

Cap. I. Definitiones partium plantae.

II. De diuersis plantarum methodis.

III. De generum constitutione et nominibus
genericis.

IV. De Specierum constitutione et nominibus
specificis.

V. Specimen methodi plantarum ex structura
floris desumptae.

PARS II.

Consideratio vegetabilium physica.

Cap. I. De consideratione vegetabilium physica
in genere.

II. De partibus vegetabilium solidis.

III. De partibus vegetabilium fluidis.

Cap. IV.

CONSPECTVS.

Cap, IV. De motu fluidorum per solida in plantis.

V. De partibus vegetabilium compositis nutri-tioni inferuentibus.

Sect. 1. De radice.

2. De caudice.

3. De foliis.

VI. De partibus vegetabilium compositis gene-rationi inferuentibus.

Sect. 1. De flore.

2. De fructu.

3. De germine.





PROLEGOMENA.

§. 1.

Dum considerationem regni vegetabilis suscipimus et hanc historiae naturalis et physices partem, tironibus medicis prae reliquis utilem, declaramus, ab initio pauca de tribus naturae regnis in genere praemitte-re, et fundamenta methodi historiae naturalis expli-care e re nostra esse intelligimus, cum per tra&tan-dorum ratio ex his egregie patescat.

C A P V T I.

DE TRIBVS NATVRAE REGNIS IN GENERE.

§. 2.

Ex elementis mixta, ex his aggregata et porro quo- que composita, oriuntur corpora, quae creatio-ne omnipotenti producta, et in uniuerso disposita, naturalia dicuntur. Cum enim haec per naturam, scilicet per nexus causarum, a summo creatore sta-bilitum, oriuntur, suo quidem modo perdurent ite-rumque pereant et destruantur, ideam uniuersi, hoc est, corpora naturalia coexistentia fistunt.

A

§. 3.

§. 3.

Si vero a corporibus uniuersi in historico-physica consideratione ad globum nostrum terraqueum regredimur, in eodem naturalia et artificialia corpora contemplamur et distinguimus. Illa generatione continua per naturae operationes prodeunt, haec ex arbitrio hominum per compositionem variarum partium, ex naturalibus desumptarum, ad varia vitae commoda assequenda, effinguntur.

§. 4.

In definiendis autem corporibus naturalibus ad generationem praecipue respicimus, cum peculiaris corporum, in producendis nouis corporibus, concursus, qui in generationis negotio obseruatur, in animalibus semper, et nunc quoque per accuratas obseruationes in vegetabilibus cognitus sit; forte etiam hic non sine fundamento ad mineralia transferri posset; diuersarum enim partium determinatam coalescentiam in unum corpus, v. c. in salibus, genesis appellare solemus.

§. 5.

Insignis corporum naturalium varietas quamlibet, quae inueniri posset, diuisionis methodum mancam reddit. Quod si enim ab irregulari masse terrestris coalitu per omnia corpora usque ad hominem, ceu perfectissimum animal, progrediamur, innumera ferme et inter se discrepantia comprehenduntur corpora, quae in certam et definitam seriem vix deducenda sunt; videamus tamen, an a veteribus assumta trium naturae regnorum distinctio fundamento satis firmo innitatur.

§. 6.

§. 6.

Ad differentiam corporum naturalium attenti, in quibusdam semper eandem formam, ex figura, situ, nexu et proportione partium definitam, conspicimus, in aliis vero hanc formam non semper obseruamus definitam, sed indolem eorundem ex mixtione partium tantum determinare cogimur. Illa vegetabilia et animalia dicuntur, et ex semine et ouo prodeunt, haec mineralia appellantur et per coalitum particularum, variis ex causis concurren-
tium, exsurgunt.

§. 7.

Cum semen ouum vegetabile dici queat, differ-
entia nunc adducta vegetabilia et animalia non satis
distinguit; in eo tamen eidens differentia posita
esse videtur, quod illa facultate locomotiva desti-
tuantur, hoc est, per propria organa e loco in lo-
cum non transferri queant; haec vero per partes,
ipsis proprias, definitos motus exercere valeant,
ita, ut, si etiam quiescant, dispositionem tamen ad
motus suscipiendos in variis membris obseruemus.

§. 8.

Corpora naturalia, quae eandem semper for-
mam obtinent §. 6, et facultate locomotiva praedi-
ta sunt §. 7, animalia appellantur, ut musca, perca,
passer, canis, quae porro et praecipue ratione or-
ganorum, quibus motum progressuum excent,
in insecta, pisces, aues, et quadrupedia distingui-
tur, licet limites, has differentias ostendentes, sae-
pius incerti deprehendantur. Doctrina de animali-
bus dicitur zoologia.

§. 9.

Corpora naturalia, quae eandem semper formam obtinent §. 6, et facultate locomotua destituuntur §. 7, vegetabilia siue plantae appellantur, ut fungus, gramen, tulipa, tilia. Doctrina de vegetabilibus botanica siue phytologia dicitur. Nos, cum origo vocum conueniat, primum, quod ubique ferme receptum est, vocabulum alteri p[re]ferimus.

§. 10.

Corpora naturalia, quae diuersam formam obtinent §. 6, et, licet interna mixtione saepius conueniant, ratione fabricae externae tamen differunt, mineralia appellantur, ut lapis, sal, sulphur, antimonium, plumbum. Doctrina de mineralibus, mineralogia appellatur. Hoc naturae regnum saepius fossile dicitur, quoniam plurima corpora huc pertinentia ex terrae gremio effodiuntur; non nulli auctores lapideum appellant, quia pars maxima corporum, huc pertinentium, lapidea quasi basi firmatur: cum aliis vero minerale diximus, quoniam recens inuentum minerae vocabulum corpus, ex particulis terreis, accessione particularum varie mixtarum coalitum, indicare videtur, et ut generale omnino assumi meretur.

§. 11.

Corpora mineralia (lapidea) crescere, vegetabilia crescere et viuere, animalia crescere, viuere et sentire LINNAEVS afferuit * et fundamentum divisionis trium naturae regnorum inde petiit; sed incrementi, vitae et sensus notiones, ex effectibus corporum deductae, non ubique apte satis declarari possunt.

* vid. Philosophia Botanica. §. 3. p. 1.

possunt. Vita enim et incrementum plantarum in uno eodemque motu fluidorum per solida consistit, et sensus, qui corporibus, quatenus ab obiectis externis mouentur, conceditur, simili ratione per definitas mutationes fluidi, in vasis moti, declaratur.

§. 12.

Non defunt alia diuisionis trium naturae regnum fundamenta. Fabrica similaris in congregatiōne particularum mineralibus propria est, tela cellularis motum succōrum in vegetabilibus, et fabrica vasculosa eundem in animalibus dirigit et perficit; porro quoque mineralia mouentur igne, vegetabilia aere per ignem animato, animalia spiritu proprio: Hae tamen differentiae, ut diuisionis fundamentum, non assumendae sunt, cum in cognitione difficiles, in limitibus autem constituendis vagae deprehendantur.

§. 13.

Concedimus quidem et nos differentias, supra propositas, in limitibus suis saepius non satis circumscriptas esse; urticae enim marinae et alia similia zoophyta, transitum ex animalibus ad vegetabilia, et musci, lichenes, lithophyta et crystalli progressum ex vegetabilibus ad mineralia dubium redundunt. Quoniam vero praecipuae corporum naturalium classes inde satis certo definiri possunt, in iis subsistimus et dubia oborta ex cuiuslibet methodi fundamentis specialibus diiudicamus.

§. 14.

Ex hac etiam varietate factum est, ut non nulli historiae naturalis scriptores corporum naturalium limites ulterius extendant, et praeter animale, ve-

getabile et minerale regnum, aqueum * et simili ratione igneum ** quoque addant. Cum vero obiecta, ad haec regna relata, vel ad congressum elementorum in mixtione perficienda, vel, si in corpora vera coeunt, partim ad minerale regnum, ut ignis fatuus, partim ad arte facta, ut liquores spirituosi fermentatione parati, referri et ex consideratione chemica melius intelligi queant, nos, intra limites praefixos detenti, a distinctione ubique recepta non recedimus.

* vid. IOH. GOTTSCHALK WALLERII Hydrologia eller Wattu-Riket. Stockholm, 1748. 8vo.

** vid. IOH. DANIEL DENSO in Praef. versionis germanicae dicti libri. Berolini, 1751. 8vo.

§. 15.

Circa considerationem corporum naturalium dupli modo versamur; aut enim ad superficiem externam tantum respicimus, proprietates corporeas sensibus, in primis visui, obuias perpendimus, et ex his distributionem in genera et species instituimus; aut fabricam internam dissecando vel resoluendo partes, corpora constituentia, rimamur et inde generationem et mutationes deducimus. Prior cognitio est historica siue historia trium naturae regnorum, naturalis vulgo dicta; altera est scientifica siue physica trium naturae regnorum.

§. 16.

In his vero sedulo indagandis, generalia logices atque physices principia presupponuntur, ex quibus nimirum omnia, quae in historica et physica corporum naturalium doctrina expoundenda sunt, diiudicantur. Physica autem cognitione fabricatione indaganda anatome siue dissectione partium,

partium, ratione mixtionis particularum analysi chemica, adiuuatur. His adminiculis neglectis, arbitriae diuisiones et inde pendentes denominatio-nes historiae naturali, experientiae imaginariae et explicationes per qualitates occultas scientiae natura-li, maxima damna inferunt.

§. 17.

Quicunque internas corporum partes perlustrare et actiones, per illas praestandas, examinare suscipit, externas formas ante omnia disquirat: Is enim, qui historicam cognitionem physicae praemittit, affinitate corporum, ex signis externis cognita, compendium disquisitionis habet, et ex his coniunctis usum corporum in vita communi et medicum et oeconomicum eruere et diuersimode applicare discit.

C A P V T II.

DE METHODO IN OMNI HISTO-
RIA NATVRALI IN GENERE.

§. 18.

Ad methodum, ut fundamentum historiae natu-ralis, stabiliendam primo proprietates corpo-rum examinandae postea characteres ex illis ita de-ducendi sunt, quo subordinatio in species et gene-ra, tanquam norma idearum, ad quam in conside-ratione corporum naturalium ducimur, inde pate-scatur, et accurate disponatur.

8 PROLEG. CAP. II. DE METHODO

§. 19.

Proprietates corporum naturalium, quae sensibus nostris percipiuntur, non tantum ideam rei praesentis excitant, sed etiam, si ulterius considerantur, signa exhibent, quibus res perceptae inter se distinguuntur. Haec vero characteres seu notae characteristicae dicuntur, in eum finem colliguntur ac per vocabula apta exprimuntur, quo per illa ideam corporis naturalis eiusdemque definitionem cum aliis quoque communicare queamus.

§. 20.

Historia naturalis est cognitio corporum naturalium, per characteres externos, in illis obuios, acquisita. Nos quidem non latet, alios significacionem huius vocabuli ulterius et ad cognitionem physicam usque extendere; ex differentia tamen, superius indicata §. 15., cognitionem historicam corporum ex eorundem externa superficie acquirimus, et exinde definitionis, distributionis et denominations fundamenta eruimus.

§. 21.

Quoniam sensus visus in consideratione corporum proprietates per figuram, situm, nexum, numerum et proportionem partium siftit, et ita claras et distinctas ideas excitat, reliqui vero sensus vix claras, sed obscuras magis producunt, nos characteres, qui visu cognoscuntur, per externos vel in superficie obuios in primis indicare voluimus, et eos, qui per reliquos sensus acquiruntur, in dignoscendis corporibus vel nunquam, vel rarissime, admitti posse contendimus.

§. 22.

§. 22.

Figura est limes extensi. In figura igitur describenda limites per lineas indicentur, et vocabulis aptis declarentur; licet enim in hac corporum proprietate disquirenda accuratae et geometricae dimensiones vix ubique adhiberi possint, ad hanc tamen normam, uti foliorum exemplo patebit, primario respiciendum erit. A similitudine cum aliis corporibus fallaces saepe petuntur ideae, licet corpora, cum quibus partes corporum naturalium comparantur, ubique cognita sint, uti ex methodi Tournefortianae consideratione apparebit.

§. 23.

Situs est ordo rerum coexistentium, nullo respectu habito, an continuae, an contiguae sint. Praesupposita igitur accurata partium definitione, optimi inde characteres petuntur; v.c. a situ pinnarum in pscibus, a situ staminum in calyce, petalo et thalamo.

§. 24.

Nexus est ordo rerum coexistentium, quatenus continuae sunt, et immediata partium constitutum productione copulantur. Hic cum situ quidem conuenire videtur, quoniam rerum coexistentium ordo in utroque casu adest; nexus tamen, praeter definitam partium coordinationem, earundem quoque coalitum euoluit; coalescentia unguium in petalis, antherarum et filamentorum in staminibus, digitorum in auibus palmipedibus, euidentes exhibet characteres.

§. 25.

Numerus est unitatum multitudo, seu partium similium relatio ad unitatem. Exempla characte-

10 PROLEG. CAP. II. DE METHODO

rum inde petitorum in omnibus ferme historiae naturalis methodis inueniuntur, v. c. diuisiones calycis, petala, stamina, styli in floribus; pedes, dighi, alae, pinnae et dentes in variis animalibus, si numerum eorundem respicias, haud negligenda distinctionis sunt fundamenta.

§. 26.

Proportio comparatione quantitatum dignoscitur, vel, ut accuratius dicamus, est quantitas partis, quatenus cum alia vicina comparatur. Exempla petantur ex proportione petalorum inter se, lacinias calycis et petalorum, staminibus et petalis, staminibus et stylis in vegetabilibus, capitis et caudae ad corpus, vel alarum et pinnarum inter se in animalibus.

§. 27.

Si partes corporis singulae vel in se considerantur, vel cum aliis comparantur, in qualibet proprietates nunc expositae locum inueniunt: ex omnibus igitur partibus characteres, ad corporum differentiam definiendam, desumi possunt. v. c. folium, caulis, flos eiusque partes in planta; pes, pinna, ala in animalibus, figura, situ, nexu, numero et proportione differunt, et characteres distinctioni aptos exhibent.

§. 28.

Experientia ostendit, unam partem aut partis proprietatem altera magis variare: in metodo igitur constituenda illae partes illaeque proprietates eligendae sunt, quae minus variant. Sic florum partes in vegetabilibus, pedes, pinnae, rostra in anima-

animalibus, in proprietatibus expositis constantiores esse solent; porro figura et numerus illarum partium magis variare solent, quam situs, nexus et proportio: ergo ex his, si fieri potest, characteres in primis eruantur.

§. 29.

In dispositione corporum naturalium, ex his principiis stabilienda, nihil magis confundit, quam summa, quae tamen creatoris sapientiam et omnipotentiam prodit, varietas: cum corpora varia in essentialibus proprietatibus omni modo definita, in accidentalibus saepe per causas occasionales mutentur. Hinc omne studium in eo collocandum est, ut naturae indagatores omnes quidem sub examen reuocent proprietates, ex his tamen certissimas eligant.

§. 30.

Insignis corporum disquirendorum copia exigit, ut in iis dignoscendis plures characteres colligamus, et ex his, apte subordinatis, differentiam et convenientiam corporum eruamus. Vbiique igitur, in primis ubi plurima corpora, plurimis proprietatibus inter se conuenientia, distinguenda sunt, certiores et euidentiores characteres feligantur: Si enim pauciora corpora inter se comparanda restant, characteres adducti distinctioni facile sufficiunt, et generum et specierum confinia non nunquam arbitria sunt.

§. 31.

Antequam vero hac in re pertractanda ulterius et speciatim ad vegetabilium disquisitionem progressiamur, ordinem corporum in generibus, speciebus, varieta-

12 PROLEG. CAP. II. DE METHODO

varietatibus et individuis, quatenus ex primis cognitionis nostrae fundamentis patet, eruamus, quo leges methodi generales ex dictis stabiliantur.

§. 32.

Quodlibet corpus naturale ab omnibus simul conspicuis ita differt, ut tanquam individuum seu singulare considerari queat, v. c. canis, passer, perca, musca, tulipa, tilia, adamas, nitrum sunt corpora, quae in se et sine relatione ad alia vicina considerari possunt, quoties nobis obvia inueniuntur.

§. 33.

Individua, saepius et sub aliis corporum series considerata, similitudinis et pluralitatis ideam simul inferunt; similitudo igitur multorum individuum speciem sistit, ad quam haec individua cuncta ob characterum quorundam conuenientiam referri possunt. Sic plures tulipas et tilias in horto simul conspicimus, sic canes et muscae saepius occurunt.

§. 34.

Nunquam vero duo corpora in omnibus partium proprietatibus sibi similia obseruantur, ideoque idea speciei nunquam oriri posset, nisi primo essentiales characteres ab accidentalibus distinguerentur, et in his porro ad quosdam variantes respiceretur. Notae igitur characteristicae accidentales, quae interdum in una specie, per causas quasdam accessorias, non semper et necessario in corpore naturali praesentes variant, varietates constituunt, quae cum speciebus confundendae non sunt. Sic canes plures speciem animalis constituunt, tulipae speciem

speciem plantae sistunt, colorum autem differentia, in his obseruata, specierum varietates exhibet.

§. 35.

In variis speciebus accurate distinctis, non nulli tamen characteres similes deprehenduntur, qui ideam generis pariunt, quod est similitudo specierum, ex conuenientia non nullorum characterum, in variis corporibus unius speciei definita. Ex variis plantis, quae vernali tempore in pratis nostris conspicuntur, et quas ob folia varie incisa vel etiam integra, tanquam veras species, consideramus, corolla pentapetala, stamina et styli plurimi et nectaria ad unguis petalorum, unicum ranunculi genus efficiunt et, ut characteres conuenientes, in tot diuersis plantis occurunt.

§. 36.

Similitudines innumeros ferme gradus admittunt; dantur ideo genera summa, media et inferiora, quae, licet ex arbitrio definientis pendeant, ita tamen disponenda sunt, ut ordinem, naturae conuenientem, referant. Hanc tamen doctrinam nunc uberius declarare vix possumus, sed eandem et quidem potissimum ad historiam vegetabilium applicatam, in tractatione ipsa fusius exposituri sumus.

§. 37.

Ex his, quae summatim proposuimus, abunde intelligitur, quo modo ordo corporum naturalium inueniendus et proponendus sit. Per considerationem enim individuorum ad species et genera progressi sunt inuentores et nunc etiam similem viam eligunt omnes, qui cognitionem corporum naturalium

lium perficere tentant. Inuentum hunc ordinem a generibus summis ad media et inferiora, immo ad species regrediendo proponunt exercitatissimi viri, eundemque captui discentium magis accommodatum sistunt.

• 38.

Methodus est ordo corporum naturalium ex conuenientia characterum, in ipsis corporibus inuenientorum, constitutus. Si igitur, vel ex conuenientia nominum assumtorum, vel ex regionis et loci naturae differentia, corpora naturalia ordine alphabetico vel alio disponuntur, vera et naturae conueniens methodus dici non potest, sed arbitraria est, quae discentes saepe confundit.

§. 39.

Quae nunc in genere de corporibus trium naturae regnum eorumque dispositione methodica proposuimus, fundamenta quidem omnis doctrine, in posterum declarandae, exhibent; nos vero, qui amplissimam animalium et mineralium disquisitionem historico-physicam aliis relinquimus, nunc ad vegetabilium tantum considerationem progredimur, in prima parte historicam, in altera physicam plantarum considerationem suscepturn.



P A R S I.

CONSIDERATIO V E G E -

T A B I L I V M H I S T O R I C A .

§. 40

Si cuncta, quae a variis historiae naturalis scriptoribus circa regnum vegetabile proposita fuerunt, in hac tractatione exponere vellemus, ea nimis ampla foret; in libello igitur hoc, praelectionibus academicis accommodando, ratione considerationis historicae, definitiones partium plantae praemittimus, methodorum, hactenus inuentarum, fundamenta declaramus, quo modo genera et species constitui et diiudicari debeant, exponimus, et specimen methodi, ex partibus floris deductae, subiungimus.

C A P V T I.

DEFINITIONES P A R T I V M PLANTAE.

§. 41.

Partes corporum definire, est earundem compositionis modum breuissimis indicare. Tanta vero in fabrica corporum eorumque partium occurrit varietas, ut perdifficile sit, distinctas semper et aequatas partium definitiones eruere. Cum vero voces, quibus characteres vegetabilium declaramus, hinc deducendae sint, in iisdem definiendis attenius versari oportet, si methodum, ad quam plantae examinandae et disponendae sunt, accuratius stabilire suscipimus.

§. 42.

§. 42.

In definitionibus igitur partium plantae ador-
nandis characteres, in qualibet parte plantarum de-
prehendendos, colligimus. Praecipui ex his in omni
planta, cui haec pars competit, similes, alii vero in
variis plantis variantes, deprehenduntur. Illi essen-
tiales, hi vero accidentales dicuntur: v. c. anthera
puluerem habet et filamento insitit, porro figuram
definitam obtinet et vel ex una, vel ex dupli, la-
mina constat; priores characteres in omni anthera
deprehenduntur, posteriores in variis variant.

§. 43.

Characteres essentiales definitionem partis ipsius
ingrediuntur, v. c. puluis in anthera, vel adhaesio hu-
ius ad filamentum. Alii vero characteres, qui parti,
in se spectatae, quidem accidentales sunt, uni ta-
men vel alteri plantae essentiales inueniuntur, defi-
nitionem plantae ipsius ingrediuntur: v. c. coale-
scientia antherarum in flosculis, ex quibus flores
compositi constant.

§. 44.

Cum ea definitio, quae duobus vel tribus voca-
bulis differentiam specificam, in definitione quae-
rendam, exprimit, optima dicatur, in charaeteri-
bus adducendis selectus instituendus est. Etiam si
vero in elaborandis definitionibus omnis cura atque
attentio adhibetur, raro tamen ab omni exceptio-
ne liberae sunt; nemo itaque in his formandis ac-
curate versari poterit, nisi easdem saepius ad plan-
tas diuersissimas applicet, atque ita in disquirendis
et diiudicandis partibus, egregia varietate ludenti-
bus, habitum acquirat.

§. 45

§. 45.

Concedendum interim est, tot et tam varia corpora disquarenti, si definitionem, suo modo limitandam, interdum ut uniuersalem assumit, et exceptionem, rarius occurrentem, negligit. Eo tamen respiciendum est, ut, dum veteres atque recentiores scriptores in partibus definiendis et nominibus imponendis, uti exemplo germinis et pericarpiae apparebit, interdum varient, ad rei naturam magis, quam ad assumta variorum auctorum vocabula respiciamus, si definitiones accuratas eruere fuscipimus.

§. 46.

Characteres in definitionibus partium construendis, vel a situ v. c. pistilli in medio flore, vel a fabrica v. c. membranacea petali, vel ab alia quadam proprietate, sensibus obuia, v. c. liquore in nectario desumi possunt; minus apte vero illi a figura, quae in omnibus ferme corporibus eorumque partibus variat, vel ab usu, qui in physica doctrina demum declaratur, repetuntur. Quod si tamen usus euidens sit, et primo intuitu cognosci possit, v. c. in filamento staminis, quod antheram sustinet, reliquis viis paeclusis, ad eum respici potest.

§. 47.

Experientia discimus, partem plantae, sub terra latitatem, radicem, ab hac sursum extensam caudicem, caulem scilicet vel truncum, eius diuisiones ramos et annexas membranaceas partes folia appellari. Porro quoque cognoscimus, partem quandam fabrica peculiari et colorum varietate insignem, florem, aliam vero ex hac oriundam fructum nun-

cupari. Ex his ubique receptis partium praecipuarum plantae denominationibus ceu ideis claris, distinctiores, quantum fieri potest, efformandae sunt. Quia etiam in omni perfectioni methodo ad partes floris in primis respicitur, hae prae reliquis nostram exposcunt attentionem.

§. 48.

Vegetabilia siue plantae §. 9. a non nullis botanicis in arbores, frutices, suffrutices et herbas dispescuntur. Haec distinctio ex idea vulgi enata methodo quidem apta non est, hae tamen voces ideo definiendae sunt, quo generalis plantae consideratio, ante quam ad partium definitiones accedimus, quodam modo clarior reddatur.

§. 49.

Arbor est planta, quae truncum simplicem et lignosum habet: quaedam ex his in summitate ramos seu partes trunco similes, sed semper minores emittunt, ut tilia etc. quaedam tantum folia maiora frondosa obtinent, ut palmae. Frutex est planta, quae truncum multiplicem et lignosum fistit et ramos undique emittit. Haec distinctio naturae non semper respondet, quoniam non nullae plantae cultura ex fruticibus in arbores mutantur v. c. salix, nemorium, aliae in naturali quoque constitutione ut arbores et frutices apparent. v. c. lentiscus.

Differentiam arboris et fruticis in eo ponit LINNAEVS Philosoph. Bot. §. 78. p. 37. quod arbor gemmas ferat, frutex vero non, ipse tamen monet hos limites ratione plantarum exoticarum exceptiones admittere.

§. 50.

§. 50.

Suffrutex, ob similitudinem cum fruticibus, dicitur planta durioribus et quodam modo lignosis caulis donata, qui vero singulis annis pereunt et tempore vernali ex radice denuo protruduntur; herba appellatur planta, quae caulis tenerioribus atque succulentis instructa est. Exposita haec et ubique recepta distinctio, fallax et vaga est, substantia caulinum enim insigniter variat; quod si autem suffruticem in radice, herbam non nisi in semine perennare dixeris, haud certior erit distinctio, exemplis enim ex plantis domesticis potissimum desumptis, facile ostenditur et climatum et culturae mutationes has differentias maxime incertas reddere.

§. 51.

Vegetabilium historica consideratio uniuersalis botanica vel phytologia, arborum et fruticum dendrologia, suffruticum et herbarum botanologia nuncupata fuit, id, quod ex vocum origine facile quidem declaratur, minime autem certiori, quam praecedentes distinctiones, innititur fundamento. Nos ideo superius §. 9., quo pars physica simul comprehendatur, generalem definitionem exhibuimus.

§. 52.

Radix est pars plantae, quae terrae innascitur. Haec itaque et plantam facultate loco motu destitutam figit, et succos nutritios praecipue admittit. Licet vero in plantis parasiticis, qualis nostra cuscuta est, in muscis, lichenibus et plantis variis submari-
nis, nec non in lenticula radices terrae non innasci videantur, attamen cum eae in aliqua parte figantur, et saepius terrae quaedam portio intercedat, li-

mitatio addita definitionem uniuersalem parum restringit.

§. 53.

Fibrilla est pars praecipua et essentialis omnis radicis, cum eius ope planta terrae innascatur. Haec nunquam deficit, musci enim, lichenes et submarinae plantae in lamellis earumque striis, quibus suppositis corporibus adhaerent, aliquam analogiam fibrarum, in plantis plurimis praesentium, ostendunt.

§. 54.

Ex fibrilla sola differentiae radicis non desumuntur, sed semper ad basin caudicis seu partis ex radice productae eiusque nexus cum fibrillis respiciendum est. Hac vero ratione consideratae radices caudice vel tenuiores vel crassiores sunt. Priores fibrosae dicuntur, posteriores, quae multis modis differunt, generali nomine tuberosarum designari possent. Nos itaque ex hoc fundamento differentiam radicum ulterius explicabimus.

§. 55.

In radice fibrosa, quae sub terra nunquam caudice crassior euadit, hic vel aequalibus ramis diuiditur et in fibrillas usque continuatur, quo in casu radix ramosa, et si substantiam consideras, in nostris potissimum arboribus lignosa dicitur; vel ea pars, quae caudicem sifit, ex paruo nodo vel basi caulis plurimas fibrillas ramosas et non ramosas emittit, et radix capillacea appellatur v. c. in non nullis graminibus; vel ex caudicis quasi in terram dimissi ambitu ad nodos varie distantes plurimae fibrillae oriuntur, ut radix verticillata dici queat v. c. in aquaticis et palustribus plurimis.

§. 56.

§. 56.

In radicibus tuberosis generatim nobis dictis §.
54. partes in terram descendentes et fibrillas dimit-
tentes caudice crassiores sunt; in his vero fibrae vel
sparsim in omni superficie adhaerent, ut in caulescen-
tibus et nodosis, vel ex parte sessili siue caudici op-
posita deducuntur, ut in transuersis et bulbosis, vel ad
caput radicis carnosae ex nodo, inter caudicem et
radicis crassorem partem formato, exeunt, quas co-
mosas dicere liceat.

§. 57.

Caulescens radix in eadem cum caudice directio-
ne constituta est, ita, ut ab hoc sursum directo radix
ad perpendiculum quasi iterum descendat. Haec in
suprema parte paulo crassior est, et in caudam quasi
attenuata producitur, fusiformis ideo a non nullis
dicta, v. c. in dauco et scorzonera. Nodosa vero
vel strictiore sensu tuberosa dicta radix figuram va-
riam refert, saepius enim globosa, saepius autem
tuberculis referta conspicitur et vere nodosa dici
meretur, ut in solano et chrysanthemo tuberoso.
His fibrae sparsim adhaerent.

Caulescentes vix non semper cultura crassiores reddun-
tur, ut in cichoreo hortensi videmus, saepe in no-
dosas mutantur, ut in rapa et umbelliferis non nul-
lis, in his etiam interdum radix descendens carie
corrumpitur, fibris in capite copiosius excurrentibus
v. c. in radicibus praemorsis.

§. 58.

Quando autem fibrae in parte sessili adhaerent,
aut transuersa aut bulbosa dicitur radix, illa nodosae
similis est, sed in terram non descendit, ramis potius

transuersim dimissis ad latera excurrit et ideo quoque horizontalis dicitur, ut in iride et imperatoria. In altera scilicet bulbosa radice fibrae a nodo siue basi caudicis, cui pulposae partes in ambitu adhaerent, descendunt. Ex parte pulposa ulteriores bulbosae radicis distinctiones in squamosam, tunicatam et solidam deducuntur, quae lilii, tulipae et croci exemplo declarantur.

Partes hae pulposae seu carnosae, rotundum et sursum acuminatum corpus efficientes, gemmam radicalem constituunt, quoniam vero cum parte carnosa tuberosarum radicum ratione collectionis succi nutritii conueniunt, ad radicis definitionem apte satis referri possunt.

§. 59.

Carnosa talis massa variae figurae in non nullis plantis radicem ut in nodosis constituit, fibrae vero superius comae instar adhaerent, ut in orchidibus, aro et moschatellina, quae a nobis comosae dictae fuerunt, et a figura partis carnosae testiculatae, palmatae et squamosae appellantur.

§. 60.

Licet praeter has adductas et exemplis illustratas radices non nullae peculiaris prorsus fabricae inueniantur, quae vel exceptionibus vel nouis diuisiobibus ansam praebere videntur, tamen cum rarius occurrant et ad propositas differentias facile reduci queant, in speciali plantarum doctrina optime declarantur v. c. articulata et squamis sparsis praedita squamariae et martiniae, caulescens composita asphodeli radix etc. Plana radix in plantis marinis potissimum conspicua, quae loco fibrillarum lami-

nam

nam format, forte his subiungi et a reliquis distingui posset.

§. 61.

Ex parte principe radicis caudex oritur, qui vario modo versus superiora extenditur et in ramos seu partes minores, ut plurimum tamen parti principi similes, vel parum ab eius fabrica recedentes, diuiditur, quo reliquas plantae partes eo aptius emittere et sustinere queat.

§. 62.

Et haec pars pro insigni plantarum varietate mira variat, ideoque diuersis etiam nominibus insignita fuit; dicitur enim truncus, caulis, scapus, culmus siue calamus, frons, stipes, pedunculus, petiolus. Nos caudicis nomen ut genericum assumimus §. 61. et specierum definitiones licet saepius ambiguas inuentas, ex idea vulgi et assortitis quorundam botanicorum definitionibus subiungimus.

§. 63.

Caudex lignosus durior in arboribus et fruticibus truncus appellatur, mollior et saepe herbaceus in minoribus plantis caulis dicitur, sed limites omnino incerti sunt. §. 49. 50. In his rami assumuntur, scapus autem caudicem non ramosum sifit in palma, tulipa etc. Caudex cauus, in graminibus et graminifoliis plantis in primis conspicuus, calamus siue culmus et plantae ipsae calamiferae siue culmiferae nuncupantur, sed cavitas caudicis in his aliisque plantis, ut in parte physica ostensuri sumus, a continuata vegetatione dependet.

Folia composita ramis quasi similia in palmis et filicibus frondis nomine insigniuntur, et stipes basis frondis dicitur. vid. LINNAEVS in Phil. Bot. p. 42.

§. 64.

Petioli siue pedunculi sunt teneriores caulis et ramorum partes, quae vel sparsim inde producuntur, vel ramorum ultimas diuisiones fistunt et folia, flores et fructus sustinent. Licet vero haec vocabula synonymice adhiberi queant, haud incongruatamen est distinctio, qua petiolus folia, pedunculus autem flores et fructus sustinere dicitur. Si pedunculus vel petiolus deficit, pars crassior, ex qua folium vel flos producitur, basis dici potest.

§. 65.

Differentiae caudicis, prout vel ratione figurae vel ratione superficiei consideratur, innumerae ferme sunt et aptis ubique vocabulis declarantur, in primis autem ad modum crescendi respicimus, scilicet quatenus caudex ab ortu in radice diuersimode extenditur, hinc plantae repentes, scandentes, volubiles, caulis ipse erectus vel diffusus etc. appellantur. Si caudex vel deficit, vel, quoniam breuissimus est, deficere videtur, planta acaulos appellatur.

§. 66.

Planta in radice vel caudice inde expanso conspicua, ex his partibus varias nouas emittit, quae processuum instar prodeunt et fabrica sua differunt. Has omnes primo complectitur germen siue collectio partium plantae euoluendarum. Hoc vel nudum est vel squamis cinctum et tectum, quo in casu speciatim gemma dicitur. Nos, qui in partium plantae euolutarum consideratione nunc ulterius progredimur, differentiam germinis et euoluendi rationem, quoniam ad partem historicam non preesse spectat, ad partem physicam remittimus.

§. 67

§. 67.

Partes ex germine prodeentes et plantam constituentes, vel simplices processus variae figurae exhibent, ex quibus folia praecipua sunt, vel magis composita et eleganti fabrica conspicua organa in flore et fructu sistunt. De illis nunc primo agamus et stipulas, bracteas, capreolos, spinas, pilos et glandulas tanquam his analogas subiungamus.

§. 68.

Folia sunt processus plantae fibroso cellularis, variae figurae, ut plurimum in plana membranacea extensi. Haec folii definitio, ex idea vulgi enata et ob insignem foliorum varietatem imperfecta visa in parte physica, ex interna fabricae consideratione ulterius declarabitur. Ex foliis vero alia sunt primaaria hoc nomine tantum insignita, alia accessoria, quae vel petiolos succingunt vel colore viridi non conspicua sunt, et ideo bracteae vel stipulae dicuntur, exempla in faba et tilia occurunt.

§. 69.

Si petiolus vel basis folii §. 64. simplex est et in membranacea folii parte, maxime quidem in medio, at variis ramificationibus factis ulterius quoque excurrit, folium simplex dicitur; si vero petiolus ipse, ante quam ad membranaceam folii partem accedit, diuiditur, tunc folium compositum appellatur. Folia minora, compositum folium constituentia, foliola nuncupantur.

§. 70.

Ea petioli vel baseos folii productio, cui in compositis foliola adhaerent, costa dicitur, ea vero, quae

26 PARS I. CAP. I. DEFINITIONES

in membranosa folii parte excurrit, neruus, ab aliis minus apte vena appellatur*. Neruus vel in medio folii maxime conspicuus est, et tunc quoque non nullis costa dicitur, vel ad ingressum in partem folii membranaceam in duas, tres, quinque, septem vel plures partes diuiditur. In omnibus tandem ulteriores neruorum ramifications et coniunctiones animaduertuntur.

* Neruus forte eminens costae diuisio, vena vero costae diuisio pellucens dici posset.

§. 71.

In differentia simplicium foliorum et foliolorum in compositis explicanda, ad situm, figuram et substantiam respiciendum est. Distinctiones a situ defumtae ut plurimum quidem certiores sunt, cum tamen ad definiendas plantarum species raro sufficiant, figuram et substantiam quoque attendere tenemur, licet non negandum sit, folia per varias in evolutione successiva occurrentes mutationes in his binis proprietatibus, quam maxime mutari.

§. 72.

Ratione situs foliorum respicimus; 1) ad partem plantae, ex qua oriuntur; 2) ad modum cohaesione cum caudice vel alia plantae parte; 3) ad modum cohaesione petioli, vel baseos folii cum membranacea folii parte; 4) ad ordinem, quo folia caudici apponuntur; 5) ad directionem, quam respectu partis, cui adhaerent, in primis caudicis feruant.

§. 73.

Folia, quae in principio vegetationis, ex semine euoluuntur, seminalia dicuntur. Folia porro in planta

ta euoluta radici, caudici et eius partibus siue ramis adhaerent, et ideo radicalia, caulina et ramea appellantur. Tandem folia flori emergenti pressius apposita floralia nuncupantur.

§. 74.

Ratione modi cohaesioneis cum caudice folia, vel mediante petiolo §. 64. cum radice et caudice eiusque diuisionibus cohaerent, et petiolata dicuntur, ut in pyro aliisque vulgaribus plantis conspicimus, vel basis folii sine euidenti petiolo in membranaceam partem expanditur, quae sessilia nuncupantur et tunc demum eo nomine veniunt, si basis folii tantum, sine ulla membranacea expansione, apposita est, ut in zizipho.

§. 75.

Pressius vero ad caudicem apposita folia, quae generatim sessilia dici possent, multis adhuc modis variant; sunt enim 1) continuata, si ipsa substantia caudicis in folio continuatur, ut in non nullis fico-dis speciebus; 2) decurrentia, si membranacea pars caudicem ad caudicem decurrit, et caudices tunc appellantur alati, ut in non nullis cardui speciebus; 3) vaginaria, si membranacea pars caudicem inuoluit, et instar vaginae cingit, ut in graminibus; 4) amplexicaulia, si ambitum caudicis ad locum insertionis, vel aliqua ex parte vel integre cingunt, ut in dipsaco et perfoliata. Huc itaque referri quoque possunt connata et perfoliata folia.

§. 76.

Plurima quidem folia petiolum in inferiorem partem membranaceae expansionis insertum habent, suat

funt tamen non nulla, quorum petiolus in inferiorem superficiem inseritur et haec peltata dicuntur ut in ricino et acriuiola. Articulata dicuntur folia, quando unum ex altero producitur, distinctionis nota tamen praesente, ut in cacti variis speciebus, si vero unum folium in foueam alterius quasi immittitur, pyxidatum appellari posset, ut in equiseto et ephedra.

§. 77.

Ratione ordinis, quo folia caudici adhaerent, illa sunt: 1) sparsa, si nullum ordinem seruant, et quidem conferta dicuntur, si densius posita sunt, ut ordo cognosci haud possit, imbricata vero, si unum alteri squamarum, vel imbricum in modum impositum est, exempla exhibit tilia, erica et cupressus; 2) alterna, si per gradus vel oppositis caulis lateribus, vel spiraliter ascendendo adhaerent, ut in alaterno et polygonato; 3) opposita, quae e regione sibimet opponuntur, ut in serpillo et lychnide. Haec, licet ut plurimum cum foliis sequentis ordinis alternatim in caule collocentur, rarius tamen oppositis semper lateribus caudicis vel ramorum accrescunt, et distycha dicuntur, ut in abiete; 4) verticillata, si plus, quam binario rumero uni caudicis peripheriae adhaerent, ut in gallio; haec stellata quoque dicuntur; 5) fasciculata, quae ex uno caudicis tuberculo, vel ex una gemma in fasciculum collecta oriuntur, ut in larice.

Notandum omnino est sparsa, alterna et opposita folia non nunquam in una eademque planta variare.

§. 78.

Tandem etiam folia, dum a caudice et ramis, quibus adhaerent, discedunt, diuersos angulos efficiunt,

ciunt, et ideo appressa, erecta, expansa, reclinata, reuoluta, dependentia etc. appellantur, quae tamen differentiae saepius magis accidentales, quam essentiales inueniuntur. Interdum petiolus cum membranacea parte folii non in eadem directione excurrit, sed articulum format et angulum, id quod in non nullis abutili speciebus et in compositis foliis mimosae declaratur. Ala folii dicitur angulus, qui a caudice vel ramo et folii petiolo, vel parte membranacea adhaerente formatur.

§. 79.

Diuersissimi figurae foliorum limites aliquo modo definiuntur, si 1) volumen siue totum corpus folii; 2) circumferentiam siue circumscriptionem limitum; 3) marginem in se consideratum; 4) superficiem; 5) apicem, et 6) tandem similitudinem cum aliis corporibus naturalibus vel arte factis spectamus.

§. 80.

Plurima quidem folia ratione voluminis in membranam expansa sunt, uti in definitione §. 68. monuimus, non tamen semper plana, sed interdum concava, interdum conuexa inueniuntur; si vero carnosa sunt, crassa et succulenta, saepius teretia, saepius trigona vel triquetra vel alias figurae deprehenduntur.

§. 81.

Folia autem membranacea potissimum ob insignem, quam in illis obseruamus, varietatem ratione circumferentiae lineis circumscriptae considerari merentur. Hoc in casu alia lineis regularibus absque partibus prominentibus et depresso circumscribuntur,

tur, alia et prominentes et depresso^s partes obtinent, et integra et dissecta folia dicuntur, quae differentiae nunc ulterius explicandae sunt.

§. 82.

In priori casu folia dicuntur integra, et sunt 1) orbiculata siue rotunda, quorum margo circulo ex centro ducto circumscribi potest, ut in hydrocotyle; 2) oblonga, quorum diameter transuersalis minor est longitudinali, superior tamen et inferior pars aequalis sunt latitudinis, ut in polygonato; 3) ouata si diameter longitudinalis maior est transuersali, inferior tamen extremitas amplior est superiore, ut in salvia, si vero sub eadem conditione extremitas inferior angustior est superiore, tunc inuerse ouatum nuncupatur, ut in cotino; 4) linearia, si una vel utraque extremitas folii cuspidata, laterales lineas quasi rectas excurrentes ostendit, ut in rosmarino, pinu et graminibus.

His differentiis generali^s expositis plures aliae subiungi possent, sed in vegetationis varietate aliqua obseruatur inconstantia, quae, ut nobis videtur, nimia diuisione et nominum copia cognitu difficilior redditur.

§. 83.

In posteriori casu folia dicuntur dissecta; segmenta vero tum demum considerantur, quando profundius penetrant, alias enim tanquam marginis inaequalitates assumuntur, de quibus separatim agendum erit. Folia vero dicuntur 1) angulosa scilicet triangula, quinquangula, multangula, si partes cuspidibus suis prominentes insignes sunt, ut in acere et hedera; 2) lobata his proprius accedunt et tunc demum distinguuntur, si segmenta foliorum ambitum

bitum aemulantur, et quasi coalita inter se foliola fistunt, biloba, triloba etc. v. c. in hepatica; 3) palmata, si segmenta in una serie posita proportionata magnitudine a medio, ad latera semper minora euadunt, ut in hellebori specie; 4) pinnatifida, si segmenta a latere utrinque fere ad neruum medium penetrant, ut in foliis pinnatis compositis, exemplo sit polypodium; 5) sinuata, si segmenta ad lineam curuam decurrunt, ut in sonchi speciebus; 6) diuisa scilicet bifida, trifida, multifida in segmenta acuta sunt, ut in non nullis erysimi speciebus; 7) laciñiata, si segmenta nouis segmentis distincta sunt, ut in aconito.

§. 84.

Ratione marginis folia sunt 1) integerima, ubi nulla nec minutissima crena in ambitu conspicitur, ut in tulipa et buxo, quo in casu interdum fere cartilagineum marginem fistunt, ut in maurocenia; 2) dentata, si incisuræ rotundiores sunt; 3) crenata, si incisuræ minores, sed acutæ sunt; 4) ferrata, si incisuræ maiores et acutæ sunt; 5) ciliata, si incisuræ filamentosae sunt, ut in berberi; 6) spinosa, si eminentiae rigidae et distinctæ marginem ornant; 7) undulata, si in ambitu, quodam modo latiore non nihil sursum deorsumque flexa sunt, ita, ut in minori flexu repanda, in maiori autem et copiosiore crispa dicantur, ut in brassicae et maluae speciebus.

§. 85.

Ratione superficiei folia sunt tomentosa, vel lanigera, si intertextum, quasi et varie complicatum filamentosum opus conspicitur, ut in iacobaea marina et non nullis aliis plantis maritimis dictis; 2) hirsuta,

ta, pilosa, villosa, hispida, aculeata, spinosa, papillosa, scabra, rugosa, plicata, si variae eiusmodi eminentiae conspicuntur; 3) carinata, si longus et profundus sulcus in folio decurrit, ut in iridis speciebus, si vero plures et minores sulci inueniuntur, tunc sulcata vel canaliculata folia dicuntur, ut in veratro; 4) splendentia, glabra, unctuosa, punctata, varie colorata, glauca, viridia, nigricantia, marmorea, deargentata, deaurata, quae omnia, et plura alia cum his conuenientia sine ulteriori definitione, ex cognita ubique vocabuli significatione innotescunt.

§. 86.

Non nunquam ad apicem folii sigillatim respicitur, cui vel aliquid demitur vel additur: in priori casu truncata, retusa, praemorsa, emarginata etc. in altero cirrhosa, vel clauiculata acuta et sic porro appellantur.

§. 87.

Tandem etiam a figura aliorum corporum, vel naturalium vel arte factorum omnibus cognita foliorum figura definitur: Sunt enim folia cordata, reniformia, lunata, sagittata, lanceolata, hastata, subulata, capillaria, cuneiformia, deltoidea et sic porro, haec vero similitudo saepe nimium extenditur v. c. in acinaciformibus, cucullatis, dolabriforibus foliis etc.

§. 88.

His situs et figurae differentiis amplius expositis, non nullae etiam substantiam foliorum definientes addi poterunt, alia enim folia carnosa et succulenta, alia exsuccea appellantur. Porro quoque folia, quae neruos crassos et ultra superficiem eminentes obtinent

nent, neruosa dicuntur; venosa forte dici possent folia, quae neruos habent non eminentes, sed tantum pellucentes §. 70. Fistulosa tandem sunt folia, quae in medio vel simplici vel multiplici canale excavata deprehenduntur, et interius vel cellulosa vel tomentosa tela a substantia folii diuersa replentur, ut in cępa et iunco.

§. 89.

Variae differentiae, in foliis simplicibus nunc expositae, in foliolis compositorum locum quoque inueniunt, attentendum vero simul est ad distinctiones, ex ipso compositionis modo pendentes. Si nimirum 1) apici petioli duo, tria vel plura foliola inter se non coalita adhaerent, binata, ternata et digitata dicuntur, ut in lathyri, trifolii et quibusdam potentillae speciebus apparat; 2) si foliola costae utrinque vel plura vel pauciora, vel opposita, vel alterna, adhaerent, pinnata siue coniugata dicuntur; in his costa vel apice simplici vel cirrho vel foliolo reliquis simili terminatur, et exempla haud pauca in tetrapetalis irregularibus siue papilionaceis plantis occurrunt; 3) si plurima foliola minora, petiolo in ramos varie diuiso, adhaerent, folia ramosa dicuntur, quorum exempla in plantis umbelliferis potissimum conspicuntur. Notandum insuper est, ex modo commemoratis ulterioris compositionis varietates definiri posse: v. c. duplicato vel triplicato pinnata.

§. 90.

Fusius paulo hanc doctrinam, quam in denominandis speciebus maximi usus esse cognouimus, pertractare suscepimus, eandem etiam, quo eo commodius et unico quasi intuitu perspiciatur, sequenti

tabula exhibemus. Diuersam quodam modo ab hac nostra et magis subtilem foliorum distributionem LINNAEVS exhibuit *, quae omnino conferri meretur, quo diiudicari queat an ulterior elaboratio speciebus definiendis aptior euadat.

* Philos. Botan. §. 83. p. 42 seqq.

§. 91.

Folia §. 68. sunt

I SIMPLICIA §. 69. quae differunt ratione

A. SITVS. §. 72. qui consideratur respectu

1. partis plantae, ex qua oriuntur §. 73 *seminalia, radicalia, caulina, ramea, floralia.*

2. modi cohaesionis ad plantam §. 74. 75. *petiolata et sessilia, ac porro continuata, decurrentia, vaginantia, amplexicaulia.*

3. insertionis petioli in membranaceam partem
§. 76. *peltata, articulata, pyxidata.*

4. ordinis, quo folia caudici adhaerent. §. 77.
sparsa, alterna, opposita, verticillata, fasciculata.

5. directionis, comparata cum parte, cui adhaerent. §. 78. *appressa, erecta, expansa*
etc.

B. FIGVRAE §. 79. quae consideratur respectu

1. voluminis §. 80. *plana, conuexa, concava, teretia, triquetra.*

2. circumferentiae §. 81. dicuntur enim

a) *integra*, quae lineis regularibus circumscribuntur. §. 82. *orbiculata, oblonga, ovata, linearia.*

b) *dissēcta*, quae partes prominentes et depresso obtinent. §. 83. *angulosa, lobata, palmata, pinnatifida, sinuata, divisa, lacinata.*

3) mar-

- 3) marginis §. 84. *integerrima, dentata, crenata, serrata, ciliata, spinosa, undulata, repanda, crispa.*
4. superficiei §. 85. *tomentosa, lanigera, hirsuta, pilosa, villosa, hispida, aculeata, spinosa, papillosa, scabra, rugosa, plicata, carinata, sulcata, splendentia, glabra, unguosa, punctata, colorata etc.*
5. apicis. §. 86. *truncata, retusa, praemorsa, emarginata, cirrhosa, acuta.*
6. figurae similis. §. 87. *cordata, reniformia, lunata, sagittata, lanceolata, hastata, subulata, capillaria, cuneiformia, deltoidea.*
- C. S V B S T A N T I A E §. 88. *carnosa, succulenta, exsucca, neruosa, venosa, fistulosa.*
- II. COMPOSITA. §. 69. 89. *binata, ternata, digitata, pinnata, ramosa, duplicato vel triplicato pinnata.*

§. 92.

Capreoli sunt processus plantae filamentosi, quibus illa vicinis corporibus alligatur, clauiculae, vitiuli, cirrhi sunt synonyma capreolorum; quamuis enim hi interdum simplices, interdum ramosi, interdum conuoluti, interdum fibrosi quasi radicati apparet, et ex caudice, ramis et foliis ipsis prodeant, differentiae tamen allegatae, synonymis expositis definiendis vix sufficiunt.

§. 93.

Spinae sunt processus plantae breues et acuti, qui ex basi latiore in cuspidem attenuatum desinunt. Hae in omnibus plantae partibus, haec tenus descriptis, inueniuntur et interdum ex ipsa substantia plan-

36 PARS I. CAP. I. DEFINITIONES

tae oriuntur, ubi illis spinarum nomen in specie tribuunt, aculeum vero processum acutum, cortici tantum adhaerentem, appellant *.

* vid. LINNAEI Philos. Bot. §. 84. p. 50.

§. 94.

Pili sunt filamenta tenuia, flexilia, variae figuræ, ex superficie plantæ producta; glandulae vero dicuntur tubercula humore exfudante conspicua. Est in his ratione humoris excernendi aliqua conuenientia ratione figuræ tamen summa discrepantia, in quam G VETTARDVS potissimum inquisiuit*.

* vid. Hist. de l' Acad. Roy. des Sciences, ad annum 1745. Edit. parif. 1749. 4to. Mem. p. 261. seqq. Tab. VI et VII. et in seqq. Voluminibus passim, et Observations des plantes. Paris. 1747. 12. Tom. I et II. tabulae quatuor.

§. 95.

Hactenus expositae partes plantam quasi totam sistunt, accedit tamen temporis successu alia, colorum elegantia et peculiari fabrica ab omnibus reliquis diuersa, quae futuri fructus rudimenta continent et flos dicitur, qui ideo est pars plantæ filamentosa et membranosa, quae a reliquis colorum elegantia et subtiliori fabrica in vulgus distinguitur. In limine tractationis de flore constitutus, alia non inuenio, quae definitionem perfectiorem reddere possent, sufficit tamen descriptio exposita, per quam ad considerationem partium ducimur, quibus sigillatim cognitis floris definitio et differentia perfectior reditur.

§. 96.

§. 96.

Modus florendi est ordo florum, in planta dispository, vel enim caulis et ramorum summitas, vel minores non nullae caulum et ramorum diuisiones siue pedunculi §. 64. florem sustinent. Licet vero haec dispositio maxime diuersa sit, eam tamen doctrinae gratia ad aliquot capita referri posse credimus, si solitarios, spicatos, verticillatos et umbellatos flores sigillatim consideramus.

§. 97.

Flos solitarius stricte sic dicitur, si unicus est in planta, et tunc in summitate caudicis disponitur, ut in tulipa; si vero multi flores sparsim in planta dispositi, vel in apicibus ramulorum, vel in alis foliorum, vel rarius in foliis ipsis haerent, solitarii tamen dici possunt, ut in ranunculo, cichorio et rusco conspicimus.

§. 98.

Spica dicitur, si pedunculi florum caudicis vel ramorum extremitatibus copiosius apponuntur, ita, ut inferiores flores primum, superiores successive post inferiores efflorescant, uti in veronicis spicatis, verbasco et secali conspicimus. Pedunculi ut plurimum simplices sunt, raro tamen, in primis inferiores, ramosi existunt et tunc thyrsum aemulantur. Spica seminum, umbellae similis, fasciculus, globosa, capitulum florum dicitur, ut in nonnullis dianthi speciebus et gomphrena appareat.

§. 99.

Verticillus dicitur, si pedunculi florum vel simplices vel ramosi, ex nodis caudicis orti, circa eundem

dem interpositis interuallis nudis disponuntur, ut in salvia et mentha. Verticilli collecti saepe spicam referunt, et in spica et verticillo flores vel densius vel laxius, interdum etiam in uno latere caulis tantum, interdum in oppositis lateribus disponuntur, hinc spica densa, laxa, homomalla siue secunda et tandem distycha; verticillus etiam densus, laxus, et in unum latus reflexus; haec in salicaria, marrubio, stachyde, hyssopo et plurimis plantis, ex monopetalorum irregularium classe petitis, cognoscuntur.

§. 100.

Vmbella dicitur, quando plures pedunculi, ex summitate caudicis et ramorum oriuntur et a se inuicem in umbonem secedunt, ut in allii speciebus et astrantia; Si vero iterum plures minores pedunculi, quibus tandem flos insit, ex pedunculi maioris apice tanquam ex centro oriuntur, tunc umbella composita seu striete sic dicta appellari possit, ut in dauco, foeniculo etc. Si pedunculus irregulariter ramosus est, tunc vel umbellae formam sifit et corymbus dicitur, ut in viburno, vel ad spicae formam proprius accedit, et thrysus vel racemus appellatur, v. c. lilac. Huc quoque pertinere videtur iuba vel panicula, in milio et graminibus conspicua, quae tamen quodam iure ad flores solitarios sparsos referri posset.

§. 101.

In quolibet flore ad tres potissimum partes respi-
cimus, inuolucrum scilicet, stamen et pistillum. Et
stamen quidem et pistillum essentiales partes dici de-
berent, quia flos illis carere nequit, inuolucrum ta-
men paucissimis deest. Notandum hic est, stamina
et

et pistilla non semper in uno, sed in diuersis quoque inuolueris collocari.

§. 102.

Ante quam vero in harum partium consideratione ulterius progrediamur, thalamus considerandus est, qui nisi saepissime cum inuolucro coniunctus esset, quarta floris pars appellari posset. Est vero thalamus pars fungosa, ex expansa pedunculi summitate producta, ut plurimum in centro calycis hærens. Haec floris pars ut plurimum plana est, non raro tamen quodam modo excrescit et sub columnulae forma se sistit, ut in euphorbia et granadilla cognoscimus, nomine tamen peculiari tunc insignire superfluum duco, quoniam ouarium et stamina sub hac quoque forma sustinet.

§. 103.

Thalamum hanc partem dicimus, quia ~~T O V R -~~
~~N E F O R T I V S~~ hac voce in compositis usus est, et structura in reliquis floribus ferme similis deprehenditur. Placentam alii receptaculum floris appellant, cum autem non semper crassa et pulposa sit, cum etiam vere ut pars floris considerari queat, his denominationibus inhaerere noluimus.

§. 104.

Inuolucrum est membrana, quae stamina et pistilla florum tanquam praecipuas eorundem partes, cingit et suscipit. Hoc raro simplex est, sed varie dividitur, saepius enim ex duplicibus vel multiplicibus laminis componitur, quae tamen vel inter se coniunctae, vel serie concinna dispositae inueniuntur, et floris tenuiores partes et defendunt et ornant.

§. 105.

Inuolucrum vel calyx vel corolla dicitur. Non quidem affirmo, inuolucrum in calycem et corollam diuidi, licet in pluribus plantis id ita obseruetur, sed tantum ostendo, inuolucrum pro situ suo et differentia fabricae, his nominibus, a botanicis ubique distinctis, insigniri.

§. 106.

Calyx siue perianthium est membrana exterior floris. Haec interdum simplex est et varie diuisa, interdum vero ex laminis inter se distinctis constat. Quoniam vero haec membrana non raro deficit, et ita definitio non satis accurata videtur, characteres alii in subsidium ducendi sunt; sic enim calycem, ut plurimum colore viridi conspicuum et pedunculo continuum, raro contiguum esse, experientia edocti assumimus.

Cum in sequentibus saepe verbo continuus et continuus utamur, monendum hic esse censemus, dari quidem omnimodam continuitatem in omnibus floris partibus, contiguas tamen appellamus partes, quae facile defluunt, exsiccatis nimirum filamentis quibus cohaesio partium efficiebatur.

§. 107.

Haec calycis descriptio nunc exposita in multis plantis ab ea differt, quae a TOVRNEFORTIO assumta fuit; hic enim partem pistilli, ovarium scilicet calyce arte comprehensum, cum calyce ipso coniungit et ita confundit, eius tamen asserto non subscribere possumus, cum pars inuoluens ab essentiali, quam comprehendit, omnino distinguenda sit.

Conf. PONTEDERA in Anthologia. Lib. I. cap. 5 seqq.

§. 108.

§. 108.

Insignis differentia, quae in calycum fabrica obseruatur, vix permittit, ut calycom tanquam genus et reliquas tanquam species subiiciamus, membrana potius est vel integra vel varie in segmenta, plus minus profunda, diuisa, vel ex quibusdam membranis distinctis componitur. Calyx praeterea in multis plantis persistens, in nonnullis deciduus est, ita, ut hae ipsae differentiae in generum et specierum examine sigillatim examinandae sint.

§. 109.

In quibusdam tamen plantarum classibus et generibus peculiaria nomina, ut species calycis, a botanicis assumta sunt, quae a nobis nunc commemoranda sunt. Spatha est calyx, vaginam longitudinaliter fissam referens, ut in narcisso et palma. Gluma est calyx rigidior cerealium et graminum, et laminas sifit, vel muticas vel aristatas, hoc est, filamento rigidiore vel destitutas vel instructas. Amentum est series squamarum, filamento centrali adhaerentium, ut in corylo. Calyptra est calyx in muscis, volua in fungis conspicua.

§. 110.

Folia floralia §. 73. v. c. in anemone, pulsatilla, nigella et multis umbelliferis in efflorescendi principio florem quoque inuoluunt, pro calyce tamen assumi nequeunt, quoniam folia plantae in gemma idem saepius praestant, ut in cerafo et pyro. In exemplis etiam adductis elongatio caudicis et petioli calycis ideam saepe extinguit. Idem quoque tantum est de membranulis, quae pedunculo florrum eodem modo, ut petiolis foliorum, adsident

et bracteae dicuntur § 68. ut in fumariae speciebus. Quaecunque igitur inuoluera a flore, in perfectione constituto, longius distant, ad calycem referri nequeunt; si vero thalamo in perfectione floris adhaerent, vera sunt inuoluera, quae calycis nomen merentur.

§. III.

Corolla est membrana interior floris. Haec interdum ex unica membrana constat, interdum ex pluribus componitur; in priori casu petalum cum corolla conuenit, in posteriore pars corollae siue floris folium dici meretur. Quoniam vero calyx interdum deficit et definitio proposita minus accurata videtur, corolla ut plurimum colore, a planta diuerso, insignis est, et partibus, quibus adhaeret, contigua, raro continua deprehenditur. Hinc TOVRNEFORTIVS petalum siue corollam nunquam in inuolucrum fructus siue pericarpium mutari affirmat.

Corollam cum staminibus situ alterno, cum perianthio autem opposito gaudere, tanquam fundamentum distinctionis corollae et calycis assumit LINNAEVS Phil. Bot. §. 90. p. 57. quod in non nullis omnino conceditur, an vero in omnibus et dubiis potissimum valeat, aliis dijudicandum relinquimus.

§. II.

Figura corollae diuersissima est, ita, ut TOVRNEFORTIVS, a similitudine corollae cum quibusdam arte factis corporibus et floribus ubique cognitis methodum suam deduxerit, et RIVINVIS quoque in regularitate atque irregularitate numeroque petalorum definiendo totus fuerit. Haec exemplis non nullis declarari et in methodi consideratione amplius

amplius illustrari poterunt, quaedam tamen corollae partes nunc accuratius describendae sunt.

§. 113.

Vngues sunt partes inferiores petalorum, quibus thalamo vel calyci adhaerent; hi vero tunc demum distingui solent, quando vel limbo petali superiori angustiores deprehenduntur, ita, ut pedunculi petalorum dici queant, vel colore, a petali colore diuerso, insigniuntur.

§. 114.

In corolla, ex unico petalo constante, interdum tubum et limbum distinguimus. Tubus est pars cylindracea et inferior corollae, quae thalamo vel calyci adhaeret, limbus est pars superior expansa, non raro in varia segmenta diuisa, quae consueto vocabulo laciniae dicuntur. Interdum tamen, ut in monopetalis irregularibus, limbus in labium superius seu galeam, et inferius seu barbam dispescitur, et divisiones ulteriores specialius examinantur. Interdum petala plura in corolla ita disponuntur, ut tubum et limbum efficiant, ut in lychnidibus.

§. 115.

Orificium etiam tubi, quo in limbum patet, et quod non nullis faux dicitur, attendendum est. Hoc saepius apertum deprehenditur, non raro tamen vel squamulis connuentibus tegitur, vel squamulis siue denticulis erectis vel membrana circulari coronatur, ut in boragine, cynoglosso, narciso et in non nullis pentapetalis v. c. lychnidibus cognoscimus. Si vero in floribus monopetalis bilabiatis labia ita connuent, ut iis tantum diductis orificium tubi

tubi conspicatur, tunc rictus dicitur et flos ringens appellatur, ut in anthirrino. In corollis quibusdam petalum unum, vel plura interdum in tubum coecum finiuntur, qui calcar dicitur et fere semper ad nectarium referri solet, ut in aquilegia.

§. 116.

In corollis tetrapetalis irregularibus papilionaceis dictis petala singula propriis suis nominibus insignuntur. Supremum enim latius et amplius vexillum, duo lateralia alae, et inferius plicatum carina dicitur, quae differentia in non nullis pentapetalis irregularibus quoque assumenda est, in quibus nimis carina ex duplice petalo componitur.

§. 117.

In plantarum superficie non nunquam glandulae, quae humorem exfudant deprehenduntur §. 94. Simili modo et in flore, potissimum quidem in petalis et thalamo, sed et in aliis florum partibus transfundantem humorem aquosum vel unctuosum interdum, quoque coloratum inueniri, experientia docuit. Locus, ubi talis humor in flore exfudat et conspicitur, nectarium appellatur. Interdum vel petalum unum, ut in meliantho, vel omnia, ut in petilio siue corona imperiali, interdum petala minora accessoria, ut in nigella et asclepiade, tali liquore madent.

§. 118.

Si petalum unum nectarium efficit, a reliquo rum petalorum numero non est eximendum, sed nectariferum dicendum, ut in orchide, sic plura quoque petala nectarifera cum aliis non nectariferis in aquilegia deprehenduntur, Simili modo in aliis floribus,

floribus, squamae et glandulae nectariferae, calcaris fulci et pori nectariferi nomen apponendum est, quo idea disquirenti facilior reddatur.

§. 119.

Cum ex praesentia liquoris, in definita, quadam floris parte exsudantis, siue a nectarare, nectarii denominatio petatur, non quamlibet squamulam aut eminentiam, in flore conspicuam et partibus variis annexam, nectarium appellamus, sed illae tantum partes, in quibus praesens liquor ostenditur, hoc nomine insigniendae sunt; Si enim coronam medianam in narcisso, et denticulos, in orificio corollae lychnidis positos, nectararia appellare vellem, squamulae, in orificio tubi borraginis positae, idem nomen mererentur. In fundo florum saepius ex poris minutissimis haud distinguendis liquor exsudat.

§. 120.

Stamen est pars floris interior, quae ex anthera et filamento constat. Vi vocis stamen omne filamentum, ex colo deductum vel telae intextum, designat, et ita tantum filamenta, quibus antherae innituntur, exprimeret, sed nos ideo pro toto assumimus, quoniam denominatio ab omnibus botanicis assumta est, et diuisio apposita ideam ulterius illustrat.

§. 121.

Anthera est ea pars staminis, quae a filamento sustinetur et pollinem tenuissimum continet et dimittit. Praestantiores quidem notas antherae inuenire non potui, cum situs, figura et reliqua, innumeros modis differant. Licet igitur in principio spongiosa, crassa et pellicula cincta videatur, in floris

tamen

tamen perfecta euolutione, puluerem ex pelliculis euolutis dimittit, et ita optime cognoscitur. Fabrica huius partis in physica tractatione plenius explicabitur.

§. 122.

Anthera interdum apex, interdum summitas dicuntur, haec tamen vocabula minus determinata, sed maximè generalia sunt, quae etiam stigma, ut apicem et summitatem styli, declarant. Cum etiam interdum anthera medio filamenti adhaereat, vel sulcus filamento insculptus puluerem dimittit, ut in asaro conspicimus, denominatio haec valere vix poterit.

§. 123.

In multis floribus antherae adeo exiles sunt, ut figura non semper sat certo definiri queat, quando tamen illa nudo oculo cognoscitur, egregios characteres exhibit. Sic enim lamellae, ex quibus antherae constant, loculos formant, puluerem varie condentes, ipsae etiam antherae globosae, sagittatae, cornutae et sic porro deprehenduntur, in primis vero in simplices vel distinctas et in cylindrum coalitas dispescuntur.

§. 124.

Numerus antherarum ob coloris differentiam in minimis saepius flosculis accurate distingui potest, hinc in distribuendis generibus plantarum apte assumentur. Non nunquam quidem ea oritur difficultas, ut cum antherae saepius imperfectae sint, et numero filamentorum non respondeant, accurate numerari nequeant, ad vera tamen corpuscula, puluerem continentia, in numero definiendo respiciendum est, ut in gratiola, verbena, salvia, in quibus duae

duae antherae sunt, licet plura filamenta numerentur.

§. 125.

Filamentum est pars staminis, quae antheram sustinet. In quibusdam prorsus deficere videtur, ut in aristolochia, in aliis denticulus subtilissimus apparet, ut in boragine etc. in plurimis tamen floribus sub fili tenuissimi figura se sistit, unde nomen ortum fuit. Filamentum pro ratione magnitudinis floris interdum crassius et latius deprehenditur, interdum etiam petalis adhaeret, et in illis decurrit, hinc filamentum a solo modo sustinendi antheram definitur.

§. 126.

Quoniam vero filamentum interdum deficit, vel potius, cum minimum sit, deficere videtur, in charactere floris, ex stamine desumendo, antherae potissimum habeatur ratio, hinc planta optime monanthera, dianthera et sic porro nominatur. Coalescentia filamentorum in quibusdam classibus et generibus plantarum v. c. in maluaceis et tetrapetalis irregularibus siue papilionaceis, utpote saepissime constans, attendi meretur. Proportio filamentorum saepius vera, non raro tamen fallax est, quoniam inter illa, quae proportionem seruant et non seruant, limites definiri nequeunt.

§. 127.

Filamenta thalamo, calyci et petalo adhaerent, et situs ratio bene attendenda est, licet in minutissimis floribus plura saepius, ex fundo prodeuntia, filamenta vix rite distingui queant. An stamina pistillo adhaereant, merito dubitamus, inferiore enim pistilli partem infra ouarium positam, cui stammina

mina in granadilla adhaerent, thalamum columnarem diximus.

§. 128.

Pistillum est pars interior et media floris, quae ex ouario et stylo componitur. Pars, ex centro florum erecta, non raro instrumenti, quo in mortarium ingesta solidiora corpora contunduntur, figuram habet, ut in lilio, hinc nomen pistilli deductum fuit. Licet vero in omnibus plantis similis figura non deprehendatur, tamen, cum generale nomen totius partis mediae floris requiratur, aliud, quam cognitum, assumere noluimus. Nota igitur characteristica pistilli in situ centrali posita est, cum hic exceptio vix ulla deprehendatur. Diuisio etiam in ouarium et stylum, ut ex sequentibus patebit, in omnibus plantis valet.

§. 129.

Ouarium est pars pistilli inferior, quae futuri fructus delineationem sifit. Ouarium in animalibus ea dicitur pars, quae foetus futuros aut delineatos continet, aut delineationem suscipere potest. Cum igitur haec pars futura semina plantarum, et in his plantulae seminalis delineationem, vel iam contineat, vel suscipere possit, nomen hoc ipsi imponere non dubitauimus.

§. 130.

Rudimentum fructus immaturi in flore LINNAEVS germen appellavit *, quam denominacionem tamen assumere nolui, quoniam plantula, ex semine

* Phil. Bot. §. 86. p. 53.

semina et gemma prorumpens, ita nuncupatur *. Vteri synonynum nec satis conueniens nec usu receptum iudicatur. Si vero fructus unicum semen continet et ouarii nomen in hoc casu minus aptum videtur, tunc ouarium ouum potius, quam embryonem appellarem, ut in tractatione physica ulterius declarabitur.

* Germinis denominatio, a nobis assumta, et in parte physica ulterius declarata, consensu omnium ferme botanicorum confirmata deprehenditur, ex quibus ANDR. CAESALPINVM de Plantis, Lib. I. cap. 3 et seqq. adducere liceat, LINNAEVS itaque, qui alium significatum vocabulo tribuit, pro germine aliorum auctorum declarando nouum nomen hyber-naculi inuenit. Phil. Bot. §. 85. p. 50.

§. 131.

Ouarium non semper centro floris aperti insiste-re videtur, sed interdum calyci arête includitur, ut in rosa, vel etiam in non nullis plantis profundius situm est, ut in croco et colchico; manet tamen idea, in definitione proposita, quoniam stylus ad ouarium usque dicitur, et ita disquirenti viam monstrat. A figura et structura ouarii vix idea distincta erui posset; illa enim nimium variat, haec in minimis diffi-cile cognoscitur.

§. 132.

Stylus est pars pistilli, ex ouarii centro produc-ta. In multis plantis haec definitio dubia non est, et exceptiones, in aro vel aliis plantis admissae, in quibus nimirum partes fructificationis aliter collo-cantur, uniuersalitatem definitionis minime infringunt, sed aliquo saltim modo limitant. Stylus enim semper ouario insitit, vel, si ouula plura ouarium D efficiunt,

efficiunt, ex interstitiis corundem emergit, v. c. in tetraspermis et polyspermis plantis. Stylus vero simplex, duplex, triplex et sic porro deprehenditur, hinc plantae monostylae, distylae etc. dicuntur.

§. 133.

Stylus, in basi simplex, non raro diuiditur, haec stylorum diuisiones non nullis tubae dicuntur, in primis, si quodam modo productae et longiores sunt. Summitas stylorum vel eius diuisionum stigma dicitur, in examine autem ante omnia ad inferiorem partem stylorum respiciendum est, quae, si integra deprehenditur, monostyla dicitur planta, licet superius saepius in plures partes diuidatur, ut in maluaceis plantis.

§. 134.

Stylus interdum breuissimus est et deficere videatur, quo in casu, si numerum definire velis, ad stigmata sola respicias, ne dubia maneat floris definitio. Licet autem stigma stylo crassius in primis attendatur, tamen in omni stylo apex eiusdem distinguiri et vocabulis aptis declarari potest, in primis, si differentiae, a stigmate desumptae, in generibus inferioribus tantum attenduntur; sic enim stigma appellatur peltatum, stellatum, obtusum, acutum etc.

§. 135.

Partibus igitur his cognitis et per exempla illustratis, definitio floris seu amplior descriptio naturae accommodata tradi poterit. Est enim flos pars plantae, quae stamina et pistilla in inuolucris conuenientibus continet. Conuenientibus dico, quoniam rarissime, calyce et corolla deficiente, folia plantae, vel inu-

inuoluera alia floris partes essentiales contegunt, ut in saururo.

§. 136.

Si inuolucrum vel simplex vel multiplex stamina et pistillum simul continet, tum flos dicitur perfectus et respectu habito ad sexum hermaphroditus: Si vero inuoluera vel stamina vel pistilla tantum continent, tunc flos dicitur relatiuus, quia unus, in se consideratus, totam essentiam floris non absoluit, sed aliud florem exigit, cum quo coniunctus totam ideam floris exprimit. Hoc in casu flos, qui stamina tantum continet, stamineus, qui vero pistilla tantum continet, pistillatus dici potest; ille, respectu habito ad sexum masculinus, siue flos mas, hic femininus, siue flos foemina dicitur. Ille etiam interdum sterilis, hic fertilis nuncupatur; ille tamen potissimum sterilis dicendus esset, qui corollam solam, nec staminibus nec pistillis refertam sifit, et eunuchus seu neuter appellatur.

§. 137.

In marcescente flore inuoluera, in primis vero corolla, nec non stamina et styli exsiccantur et saepius decidunt, ouarium solum crescit et extenditur, nisi illud ab aliis causis imperfectum et ad nutritiōnem ineptum inueniatur, quo in casu flos abortiuus dici posset. Ovarium, mole auctum et extensum, fructus dicitur, et sicut ovarium diuersissimae erat formae, sic fructus etiam fabrica sua diuersissimus deprehenditur.

§. 138.

Experientia docet, in omni fructu esse unam vel plures partes, ex quibus terrae immisis nouae

plantae oriuntur; semen itaque est apparatus eorum, quae ad producendam nouam plantam requiruntur. Cum enim figura, situs et reliquae seminis proprietates innumeris modis varient, idea ab experientia, in agricultura obueniente dedueta et definitione expressa, nunc valeat et sufficiat, donec accuratior structurae seminis delineatio in parte physica exhibeat.

§. 139.

Semen essentiam fructus constituit, ex accidentibus ergo proprietatibus differentias eius eruimus. Hinc praecipue semina in nuda et tecta distinguimus, et ideo plantas gymnospermas et angiospermas nominamus. Necessarium quoque videtur, de fructu, semina diuersimode suscipiente, paulo accuratius agere, quoniam in methodo nostra, cap. VI. exhibenda, in inferioribus generibus ad differentiam fructus omnino respiciendum esse credamus.

§. 140.

Semen nudum stricte loquendo vix deprehenditur, et si unquam in quibusdam tantum cerealibus seminibus v. c. secali et tritico assumi posset, omne tamen semen nudum nobis dicitur, quod per se membrana propria inuolutum vel solitarium vel iuxta alia positum existit; tectum vero tunc demum dicitur, quando semina duo vel plura, propriis membranis praedita, communi adhuc integumento inuoluuntur. Nudum igitur in ranunculo et saluia, tectum vero in papauere et solano conspicitur.

§. 141.

Semen nudum per anatomen optime cognoscitur, quia vero descriptiones nostras ex habitu exter-

no tantum dijudicare licet, sequentibus forsitan dubia remouebimus. Maximum ex his nobis videtur, si, praeter teneram seminis membranam, aliud adhuc integumentum deprehenditur, hoc in casu, si integumenta haec accessoria semper arcte adhaerent et simul, cum semina decidunt, nudum dicitur semen; si vero saepius semina bina vel plura sub accessorio integumento, nunquam dissidente, deprehenduntur, tunc semen tectum appellari meretur: prius valet in ialappa, cynoglosso et congeneribus, alterum in agrimonia examinari potest.

§. 142.

Sed in illis quoque, quae unicum semen comprehendunt, integumentis aliqua distinctio locum habet. Si semina haec integumentum integrum deponunt et fissura incerta gaudent, nuda adhuc dici merentur, si vero integumentum fissura certa gaudet, illud capsulam constituit, licet unicum tantum semen comprehendat; in primo casu semina non nullarum umbelliferarum, in posteriori trifolia non nulla, et plantae ex tetrapetalis regularibus siliquosis monospermae examinentur.

§ 143.

Determinationes autem, nunc adductae, in casu dubio tantum allegandae sunt. Eximendus itaque est casus, ubi nux vel sicca, vel pulpa cincta unicum semen continet, v. c. in amygdalo et pruno, in quibus nimirum et congeneribus integumentum seminis, satis conspicuum, ad varias fructuum species inferius declarandas, referri potest. Si tamen in disquisitionibus plantarum hae definitiones non sufficiunt, ad congeneres plantas respicimus v. c. in cram-

be capsulam admittimus, licet fructus semini nudo similis videatur, id, quod non adeo confundit, cum in generibus inferioribus plantarum ad fructum tandem respiciendum esse arbitremur.

§. 144.

Figura seminum ex differentia foliorum superius §. 69. seqq. exhibita diiudicari et vocabulis aptis explicari potest, liceat tamen seminum nudorum ornamenta vel accessorias partes subiicere; coronas scilicet membranosas in scabiosa, denticulos in bidente, alas in umbelliferis, v. c. laserpitio, pilos in iacea et tragopogone; hinc semina coronata, denticulata, alata et pilosa dicuntur. Semen vero in summitate pilosum, ut plurimum papposum dicitur, et pappus vel ex pilis copiosis in summitate constitutis componitur, vel ex stipite seu petiolo seminis corona radiata papposa producitur.

§. 145.

Semina nuda, thalamo insidentia vel libera nulloque inuolucro cincta sunt, ut in anemone et ranculo, vel membrana quadam cinguntur et in situ suo retinentur, licet eadem non ex omni parte contingantur, hoc vero vel in pericarpio vel in cono fieri solet.

§. 146.

Pericarpium dicitur calyx, vel immutatus persistens vel post floris secessum mole auctus, qui fructum cingit, ut in pulmonaria et lychnide. Licet autem hoc vocabulum, vel de omni integumento seminum, vel de pulposo tantum assumptum esse sciām, in dubiis tamen et vagis auctorum definitionibus pericarpii conuenientiam cum perianthio agnosco, et

et in cassida et alkekengi exempla in primis euidentia inuenio, et hancce definitionem eo confidentius assumo, cum cognoscam, nos per pericarpium vi vocis id, quod circa fructum est vel eundem cingit, minime vero id, quod inuoluendo semina fructum constituit, intelligere.

§. 147.

Conus est ea fructus species, quae semina in commissuris squamarum, thalamo elongato affixarum, continet, a non nullis etiam, et forte aptius, strobilus dicitur. Conus autem a figura, in variis plantis inuenta, ita appellatus, calyx quasi est, qui antea sub forma amenti pistilla in squamis suis retinebat, et nunc quoque inuolucrum quasi seminum manet. Cum hoc modo semen ferendi thalamus, squamis distinctus, in non nullis compositis floribus v. c. in heliantho obuius, nec non fructus coni formam habentes, in liriodendro, protea siue carpodendro et similibus exoticis conuenire videtur, definitio tamen non accurate quadrat.

§. 148.

In fructu, seminibus tectis constante, summa varietas integumenti seminum, tum ratione substantiae tum figurae deprehenditur, quae talem diuisiōnem, in qua limites certi poni possunt, vix admitit, tentandum tamen est, an differentia haec quodam modo limitibus suis circumscribi possit, cum non nulla vocabula, a botanicis assumta, certas definitiones admittant.

§. 149.

Integumentum seminum commune membranōsum est, membrana tamen telam cellulōsam vel sic-

cam vel pulposam comprehendit: in priori casu capsula vel vasculum seminale, in altero bacca appellari solet v. c. in papauere et ceraso. Negandum quidem non est, telam cellulosa et siccata et pulposam in fructibus tales differentias ostendere, quae vix definiri possunt, cum fructus pulposus saepius ita exsiccatur, ut, quod antea bacca erat, nunc capsula fieri videatur, assumta tamen ab omnibus vocabula retinenda, et, quantum fieri potest, limitibus suis circumscribenda sunt.

§. 150.

In casu itaque dubio occurrente ad sequentia forte respiciendum erit. Si fructus primum pulposus in maturitate exsiccatur et fissura certa et definita dehiscit, tunc capsula dicatur, si vero fissura minus certa vel definita est, tunc baccae nomen ipsi conuenit, asphodelus et nymphaea utriusque differentiae exempla exhibent. Quod si vero integumentum vel nunquam vel rarissime dehiscit, tunc adhuc dubia res est, nisi interius sub cortice duriore multa pulpa inueniatur, vel semina ipsa pulpa tecta sint, ut in cucurbita et granato. Hoc in casu etiam ad congeneres attendendum esse arbitramur, cum solani et alkekengi species plurimae baccam habeant, pauciores in maturitate exsiccantur. Si tandem thalamus, vel receptaculum seminum, maxime quidem pulpa scatet, semina tamen in eius superficie haerent, tunc semina nuda, nec baccae inclusa dici possunt, ut in fragaria.

§. 151.

Septum est paries intermedius, qui cauum capsulae, semina suscipiens, in caua minora siue loculos distin-

distinguit, valuae autem dicuntur partes, in quas paries exterior siue membranaceum inuolucrum, capsula in constituens, finditur, dum in maturitate exsiccatur et vel ex parte vel ex toto dehiscit. Sutura est linea, quae fissurae, in maturitate succedentis, vestigia ostendit.

§. 152.

Valuae ut plurimum secundum fructus longitudinem dehiscunt, interdum tamen horizontales sunt. Ex illis capsula uniualuis appellatur, si uno tantum in loco dehiscit et reuoluitur, ut in apocyno, bivaluis autem, triualuis etc. dicitur, si in binas vel plures partes dehiscit v. c. chelidonium, viola, ketmia etc. Valua horizontalis est, si superior pars capsulae circulari linea ab inferiori dehiscit, quo in casu operculum capsulae horizontaliter secedere dicitur, ut in hyoscyamo. Si apex capsulae tantum dehiscit, non semper certus est fissurarum numerus, ut in lychnide.

§. 153.

Capsula, semina recondens et uni flori succedens, non semper simplex est, sed interdum duae, tres vel plures prorsus inter se distinctae deprehenduntur, ut in apocyno, delphinio cet. hoc igitur in casu capsula dicitur duplex, triplex cet. Quando exterius exigua tantum suturarum vestigia apparent, vel capsula quodam modo, non tamen ad fundum usque, diuisa est, tunc ad septa, cavitatem distincta respicimus; si illa integra sunt, et loculos seminibus condendis aptos formant, capsula unilocularis, bilocularis cet. appellatur; si vero septa integra non sunt, sed aliquam tantum capsulae partem

D 5

distin-

distinguunt, planta ad uniloculares refertur. v. c. papauer.

Ad integratatem septorum quam maxime respiciendum est, fructus enim daturae in medio horizontaliter dissectus quadrilocularis appareat, cum tamen, si in fructu siccо apicem fissum consideras, bilocularis tantum sit.

§. 154.

Ex his definitionibus capsulae seminalis structura et differentia satis intelligitur; in biualibus autem unilocularibus et bilocularibus denominationes quaedam specialiores et certae occurrunt. Si enim in tali capsula semina uni suturae adhaerent et altera opposita facilius dehiscit, legumen appellatur, ut in tetrapetalis irregularibus papilionaceis dictis; si vero in tali capsula semina vel suturis utrinque vel septo ipso membranaceo et fungoso adhaerent, tunc, si maior et longior est, siliqua, si minor et breuior est, silicula dicitur, ut in tetrapetalis regularibus, cruciatis dictis.

§. 155.

Baccae §. 149. non raro interius septis diuisae sunt, ut capsulae, ideoque uniloculares, biloculares cet. appellantur, saepissime tamen ad seminum, quae hoc in casu arylli et non nullis quoque acini dicuntur, numerum respiciunt botanici. Licet enim non omnia semina matura fiant, vestigia tamen immaturorum non nunquam numerari possunt, hinc itaque baccae monopyrenae, dipyrenae cet. dictae fuerunt. In monopyrenis vero et interdum quoque in aliis nux, siue ossiculum, tanquam inuolucrum seminis durius deprehenditur, quod semen, nucleum hoc in casu dictum, continet.

§. 156.

§. 156.

Baceas, si in limitibus describendis errores evitare velimus, ulterius vix distinguere possumus. Acini dicuntur minores baccae, in primis, si plures in unum corpus coaceruatae sunt, ut in rubo; vel si plures pedunculo communi, vel simplici vel corymboso et racemofo, adhaerent, ut in berberi et sambuco. Poma dicuntur baccae maiores, in primis, si calyce coronantur, ut in pyro et granato; vel, si semina, in loculis peculiaribus posita, pulpa cinguntur, ut in cucurbita, fallaces tamen saepius sunt adductae distinctiones, magnitudinis nimirum differentia vix limitibus certis circumscribitur et calyx coronatus loculique interni distincti, in maiori et minori fructu pulposo deprehenduntur, licet in minoribus non nisi accurato examine suscepto pateant.

§. 157.

Inter baccam quoque et drupam limites difficulter definiuntur, licet baccam succulentam, drupam vero coriaceam et densam appellare vellemus, ut in pruno et iuglante. Nec certior esset distinctio, si baccam semina siue aryllos, drupam nuces, continere diceremus, ut in solano et cerafo, quoniam semina etiam minora interdum duriora et ossea inueniuntur. Et quae tandem differentia inter nuces callosas et osseas ponи posset?

LINNAEVS Phil. Bot. §. 86. p. 53, drupam dicit pericarpium fareatum eualue, quod nucem continet. Forte fructus pulposus ita distingui posset, ut drupa nucem, pomum cartilaginea loculamenta, bacca semina sparsa offerat, sed et hic incerti sunt limites.

§. 158.

§. 158.

Sufficient haec de partibus vegetabilium earumque definitionibus dixisse, impossibile enim est, omnia vocabula, in methodos varias introducta, breuibus exponere verbis; non nulla, quae methodum nostram pressius spectant, et alia, quae internam partium fabricam definiunt, in sequentibus tractationibus explicabuntur, reliqua vero minus usitata passim in scriptoribus botanicis euoluenda sunt. Lexicon botanicum omnes voces, variosque earundem significatus in compendio sistens res ardui laboris est, si omnes auctores inter se conferre et ex imperfectis descriptionibus definitiones certas eruere vellemus. Summorum botanicorum auctoritas hac in re multum valet, dum modo naturae respondeat denominatio.

C A P V T III.

DE DIVERSIS PLANTARVM
METHODIS.

§. 159.

Scriptores botanici omnes in describendis plantis ordinem quandam eligunt; nos vero illos tantum methodicos §. 38. dicimus, qui plantas ex characteribus, in corpore vegetabili ipso deprehendendis, dijudicant et dispositionem ex his instruunt. Hoc nomine itaque insigniendi non sunt, qui ordinem alphabeticum, vel alium arbitarium, eligunt, licet catalogos plantarum, ordine alphabetico conscriptos, interdum in commoda horticulturae adornatos, admittamus.

§. 160.

§. 160.

Multi quidem botanicorum, qui seculo decimo sexto vixerunt, ordine arbitrario in disponendis plantis usi fuerunt, non nulli tamen plantas, habitu externo conuenientes, coniunxerunt, et ita genera quaedam naturalia stabiliuerunt. CASPAR BAVHINVS itaque, qui eorum labores in pinace theatri botanici * adumbravit, et in theatri botanici editio- ne ** plenius sistere incepit, gramina, graminibus affines et bulbosas plantas, olera et sic porro coniunctim tradidit. Similem ferme dispositionem methodicam tentauit ADAMVS ZALVZIANSKY ***.

* Phytopinax seu enumeratio plantarum ab herbariis nostro seculo descriptarum, cum earum differentiis Basileae 1596. 4to. It. Pinax Theatri botanici. Basileae 1671. 4to.

** Lib. I. edit. cura I. c. BAVHINI Basileae. 1658. fol. c. f.

*** Methodi herbariae lib. III. Pragae, 1592. 4to.

§. 161.

Non defuerunt quidem hoc ipso seculo botanici, qui ad floris et fructus fabricam et differentias pa-
lo attentius respexerunt, et ita posteros excitarunt,
ut praecipuas has et methodo aptas plantae partes
accuratius attenderent, ex quibus prae reliquis CON-
RADVS GESNERVS * nominari meretur, cui
etiam FABIUS COLVMNA ** addendus est.

* Opera botanica per duo secula desiderata Pars I. edit.
a C. CH. SCHMIEDEL. Norimbergae, 1753. fol.
c. fig.

** Phytobasanos seu plantarum aliquot historiae. Neapo-
li, 1592. 4to. c. f. Edit. Nov. cui accessit vita au-
toris et annotationes, Auctore IANO PLANCO.
Florentiae, 1744. 4. mai. c. fig. it. Minus cognita-
rum rariorumque nostro coelo orientium stirpium
ekphrasis. Pars I et II. Romae, 1616. 4. c. fig.

§. 162.

§. 162.

Primus vero, qui methodicam plantarum dispositionem indicare annis fuit, est ANDREAS CAESALPINVS*: hic enim assumta veterum distinctione in arbores, frutices, suffrutices et herbas ad ortum plantulae seminalis et fructus differentias maxime respexit, de flore autem obscurius differuit, methodum, vero, quam ipse non delineauerat, LINNAEVS accurate excerpit et proposuit**.

* De plantis libri XVI. Florent. 1583. 4to.

** in Classibus plantarum Lugd. Bat. 1738. 8vo. in quibus praecipuarum, a nobis indicandarum, methodorum tabulas edidit.

§. 163.

Circa medium seculi decimi septimi ROBERTVS MORISONVS*, primus methodum formauit et ad habitum plantae et fructus differentiam, a scriptoribus praecedentibus quodam modo propositam, accuratius respexit, nullum tamen certum methodi fundamentum proposuit, sed differentias plantarum, ex habitu externo desumptas, in scandentibus, asperi foliis, umbellatis definiuit, de seminibus et floribus hinc inde quaedam exposuit, umbelliferas potissimum ex seminis figura diiudicauit, interdum quoque virtutes plantarum v. c. in mollientibus, in auxilium duxit, hac vero tractatione assumta, anomalias haud paucas cuilibet ordini iungere coactus fuit.

* Plantarum Historiae uniuersalis Oxoniensis Pars I. quae arbores complecti debebat, nunquam prodiit. Pars II. quae herbas continet prodiit. Oxonii, 1680. et 1715. fol. Pars III. a JACOBO BOBARTIO, edita prodiit Oxonii, 1699. fol. c. f.

§. 164.

§. 164.

IOHANNES RAIUS*, qui eodem tempore vixit, methodum plantarum magis emendauit et genera naturalibus simillima formauit, genera nimirum summa ex diuisione in herbas et arbores, nec non in monocotyledones et dicotyledones instituit, reliqua ex proprietate quadam uniuersali, sensibus maxime obuia, coordinauit, inde factum est, ut in quibusdam generibus subordinatis, in quibus nimirum partium floris et fructus accurata conuenientia est, egregia praestaret, in aliis tamen haud paucas anomalias relinqueret. Inuenit autem praestantissimos sectatores, qui in perficienda methodo occupati fuerunt.

* Inter varia scripta ab eo edita videatur potissimum Methodus plantarum emendata et aucta Londini. 1703. 8. et Historia plantarum species hactenus editas aliasque nouas complectens. Londini, 1686-1704. fol. Tom. III.

§. 165.

Ex his fuit CHRISTOPHORVS KNAVTHIVS*, qui praeter fructus differentias corollae proprietates assumpsit, et IOHANNES IACOBVS DILLENIUS**, qui multa noua genera proposuit, species plurimas addidit et accuratius descripsit, praecipue tamen in muscis *** aliisque imperfectioribus plantis characteres accuratius digessit et perfecit.

* Enumeratio plantarum circa Halam Saxonum etc. sponte prouenientium. Lipsiae, 1687. 8.

** Catalogus plantarum sponte circa Gissam nascentium. Francof. ad Moen. 1719. 8. c. fig. in primis in appendice.

*** Historia Muscorum. Oxonii. 1741. 4. mai. c. f.

§. 166.

Et LAVRENTIVS HEISTERVS *, qui Raianam methodum sequutus est, specimen emendationis exhibuit, praecipue vero ALBERTVS HALLERV^S** in perficienda hac methodo occupatus fuit, et floris et fructus praestantiores diquisitiones, cum naturali plantarum dispositione coniunxit, genera inferiora accurate disquisiuit, non nulla noua subiunxit et species studiose examinavit.

* Systema plantarum generale ex fructificatione. Helmstadii, 1748. 8.

** Enumeratio methodica stirpium Helvetiae indigenarum. Gottingae, 1742. fol. c. f. item Enumeratio plantarum horti regii et agri Gottingensis. 1753. 8.

§. 167.

PAVLVS HERMANNVS quoque post RAIUM Morisoniane methodi emendationem suscepit et ad fructum praecipue respexit, nouam itaque proposuit methodum, quae CAESALPINI meditationibus magis respondet et fructum vel nudum vel tectum in gymnospermis et angiospermis disquisiuit, cum vero ipse accuratam methodi delineationem non exhibuerit, LOTHARIUS ZUMBACH * eandem ex mente Praeceptoris delineauit.

* Florae Lugduno-Batauae flores. Lugd. Bat. 1690. 8.

§. 168.

HERMANNVS BOERHAAVEN * praecipue quidem Raianam et Hermannianam methodum coniungere annis fuit, et ideo nouam quasi dispositio-
nis plantarum ideam abumbravit, eam tamen in
gene-

* Index alter plantarum horti Lugduno-Bataui, P. I et II. Lugd. Bat. 1720. 4. c. f.

generibus inferioribus ideo perfectiorem reddidit, quod in definitionibus propositis structuram floris **EX MALPIGHII ET TOVRNEFORTII** scriptis adduxit, et characteres accuratius digessit. Hunc sequutus est **IOHANNES BAPTISTA MORAND** **, paucis quoque mutatis huic methodo inhaesit **ARTHURVS CONRADVS ERNSTINGIVS** ***.

** *Historia botanica practica Mediolani* 1744. fol. c. f.

*** *Prima principia botanica, Anfangs - Gründe der Kraeuter - Wissenschaft. Wolfenbüttel,* 1748. 8. in delineatione methodi plantarum uniuersalis a fructu p. 402. seqq.

§. 169.

Alii methodici florum in primis rationem et fabricam perlustrarunt, et dispositionem plantarum accuratori huic diuisionis fundamento superstruxerunt. Quidam ad inuolucra, calycem scilicet et corollam, tanquam partes florum euidentiores, respexerunt; alii interiores et exiguae saepe floris partes, stamina nimirum et pistilla, perlustrarunt et methodo apta reddiderunt; non nulli ex his in generibus inferioribus fructus quoque differentias assumerunt.

§. 170.

A V G V S T V S Q V I R I N V S R I V I N V S ad corollam potissimum respexit, et ex regularitate et irregularitate limbi in primis, postea a numero petalorum, tandem ex structura fructus et numero seminum differentias plantarum definiuit. Cum vero ille quasdam tantum classes ad leges methodi disponuissest *, **I O H . H E N R I C V S H E V C H E R V S** ad eius ductum totum systema delineauit **.

* Ordines plantarum Lipsiae in fol. c. f. flore monopetalo irregulari 1690. flore tetrapetallo irregulari 1691. flore pentapetallo irregulari 1699. ex hexapetalis irregularibus non nulla specimina.

** Index plantarum horti medici Wittenbergensis 1711. 4. et Noui prouentus Hort. Med. Witt. ibid. eod. item 1713

§. 171.

Hanc methodum post ea varie auctam et emendatam tradiderunt HENRICVS BERNHARDVS RUPPIVS*, qui non nullas in primis compositarum plantarum classes accuratius disposuit, et CHRISTIANVS KNAV TIVS **, qui numerum petalorum regularitati anteposuit, flores apetalos ad monopetalos potissimum reduxit, et semenibus nudis capsularum monospermharum etc. nomen substituit.

* Flora Ienensis sive enumeratio plantarum circa Jenam vicinisque locis nascentium. Francof. et Lipsiae 1726. 8. c. f. Item Flora Ienensis aucta et emenda ta ab ALBERTO HALLERO. Ienae 1745. 8. c. f.

** Methodus plantarum genuina. Halae, 1716. 8.

§. 172.

Succinctam et in tabulis traditam delineationem methodi Riunianae exhibuit IOH. ERNESTVS HEBENSTREIT *, nos etiam eandem cum scriptis recentiorum botanicorum contulimus, et genera et characteres accuratius disponere tentauimus **, repetitis postea laboribus staminum et pistillorum considerationem, ex methodo Linnaeana iunximus ***. Methodum hanc secuti sunt IOH. WOLFGANG WEDEL † et GEORGIVS RYDOLPHVS BOEHMER ‡.

* Diff.

- * Diss. sistens Definitiones plantarum; Resp. Christian August Ebersbach. Lipsiae, 1731. 4.
- ** CHRISTIANI GOTTLIEB LUDWIG, Definitiones plantarum. Lipsiae, 1737. 8.
- *** Eiusdem Definitiones generum plantarum auctae et emendatae, Lipsiae, 1747. 8.
- † Tentamen botanicum, cum praefatione G. E. HAMBERGERI. Ienae, 1747. 4.
- †† Flora Lipsiae indigena. Lipsiae, 1750. 8.

§. 173.

JOSEPHVS PITTON TOVRNEFORTIVS*, veterum distinctionem plantarum generalem in arbores et herbas retinuit, numerum praeter ea petalorum assumit, magis tamen figuram corollae in methodo sua examinavit; ad situm fructus, vel, ut ille loquitur, mutationem calycis vel pistilli in fructum quoque respexit et genera inferiora limitibus circumscripsit. Ideam huius methodi in tabulis exposuit CRISTOPH BERNHARD VALENTINI**.

* Institutiones rei herbariae Edit. 3 Appendicibus aucta ab ANTONIO DE IVSSIEV. Tom. I. II. III. Parisiis, 1719. 4. c. f.

** TOVRNEFORTIVS contractus. Francof. ad Moen. 1715. fol.

§. 174.

Methodo Tournefortiana usus est CAROLVS PLVMIERIVS*, diligens plantarum Americana- rum obseruator; in compositis autem floribus definiendis et generibus ordinandis accuratius versatus fuit SEBASTIAN VAILLANT **, haec quoque et alia genera magno cum studio disquisiuit, et descripsit IVLIVS PONTEDERA ***. Noua porro genera addidit et in muscis, lichenibus, fungis aliis-

que plantis imperfectis ad methodum reducendis,
occupatus fuit PETRVS ANTONIVS MICHE-
LIVS †.

* Noua plantarum americanarum genera. Parisiis,
1703. 4. c. f.

** Histoire de l' Academie Royale des sciences de Pa-
ris. Edit. Amstelodamensis, 12. an. 1718. p. 181. an.
1719. p. 365. an. 1720. p. 357. an. 1721. p. 227.
c. f.

*** Compendium Tabularum botanicarum Patav. 1718.
4. mai. it. Anthologia siue de floris natura lib. III.
acc. Eiusdem Dissertationes XI. Patav. 1720. 4.
c. f.

† Noua plantarum genera iuxta TOURNEFORTII me-
thodum disposita. Florentiae, 1729. 4. mai. c. f.

§. 175.

Methodum Tournefortianam cum Riuniana
coniunxit IOH. GEORGIVS HENRICVS KRAMER*, qui insigni labore methodum hunc sistentes
tabulas adornauit. Tandem quoque nominandus
IOH. FRANCISCVS SEGVIERIVS**, qui vestigiis
methodi Tournefortianae insistens non nulla cor-
rexit et auxit.

* Tentamen botanicum. Dresdae. 1728. 8. mai. Idem
emendatum et auctum. Viennae Austriae, 1744. fol.
c. f.

** Plantae Veronenses Vol. I et II. Veronae, 1745. 8.
c. f. et Vol. III. siue supplementum. ibid. 1754. 8.
c. f.

§. 176.

PETRVS MAGNOLIVS * genera Tournefor-
tiana inferiora maximam partem retinuit, sed genera
summa a calyce definiuit, et ita nouam plane me-
thodum exhibuit, quam a reliquis botanicis ferme
negle-

neglectam LINNAEVS **, perficere et multis modis
emendare annis fuit.

* Nouus caracter plantarum Op. posth. Monspelii.

1720. 4.

** In Classibus plantarum, p. 404. seqq.

§. 177.

CAROLVS LINNAEVS neglectis ferme flo-
rum inuolucris ad stamina et pistilla horumque nu-
merum, proportionem et situm praeципue respexit,
et cum has partes in generatione plantarum maxi-
me attendendas esse cognosceret, methodum sexua-
lem proposuit, eamque in generibus et speciebus il-
lustratam et perfectam exhibuit *. Hunc praeter
alios pressius sequuti sunt IOH. FREDERICVS
GRONOVIVS **, DALIBARD † et IOH. HILL ††,
qui tamen in fungis, muscis et plantis submarinis
plurima genera noua condidit.

* Ex multis Auctoris huius scriptis videatur in primis
Systema naturae. Edit. VI. Holmiae, 1748. 8. c. f.
Genera plantarum, Edit. V. aucta Holmiae, 1754. 8.
Species plantarum. Tom. I et II. Holmiae, 1753. 8.

** Flora virginica. Lugd. Bat. 1743. 8.

† Florae Parisiensis prodromus. à Paris, 1749. 8.

†† A general natural history. Vol. II. a history of
plants. London, 1751. fol. c. f.

§. 178.

ADRIANVS VAN ROYEN * genera Linnaeana
inferiora retinuit, sed aliam dispositionem methodi-
cam elegit, quae a calyce et staminibus maximam
partem desumpta est, et Auctori ad naturalem me-
thodum, cuius fragmenta LINNAEVS dedit **, proxi-
me accedere videtur. Hanc methodum in dispo-

nendis plantis sequutus est. IOH. GEORGIVS GME-
LINVS †.

* Flora Leydensis prodromus. Lugd. Bat. 1740. 8.

** In classibus plantarum. p. 484.

† Flora Sibirica Tom. I. 1747. Tom. II. 1749. Pe-
tropoli, 4. c. f.

§. 179.

Nouam etiam methodi delineationem exhibuit EVERHARDVS IACOBVS VAN WACHENDORF*, qui inuolucrum primum, post modum stamina et pistilla, sed maxime in proportione et situ, tandem etiam fructus differentias disquisivit et assunxit. IOH. GOTTLIEB GLEDITSCH ** easdem ideas de situ et nexu staminum in thalamo, calyce, petalis et pistillo selegit et methodo adaptauit, tandem ad petalorum differentiam respexit. Nunc etiam FRANCISCVS DE SAVVAGES *** relictis hactenus inuentis et accuratius elaboratis methodis, ex foliorum differentiis classes plantarum instruere suscepit.

* Horti Ultraiectini index, Traiecti ad Rhenum 1747. 8.

** Histoire de l'Academie royale des Sciences et belles lettres. à Berlin, an. 1749. 4. p. 109. seqq.

*** Methodus foliorum seu plantae florae Monspeliensis iuxta foliorum ordinem digestae. Hagae Com. 1751. 8.

§. 180.

Praeter methodos partiales, quarum passim in antecedentibus mentionem iniecimus, non tantum JOSEPHVS MONTIVS * graminum dispositionem methodicam edidit, sed IOH. SCHEVCHZERVS ** metho-

methodum graminum, a R A I O olim propositam, subtilissime pertractauit. Fungos praecipue modo laudatus GLEDITSCHIUS *** ex fructificatione et forma externa, IOH. ANTONIVS BATTARRA † ex habitu tantum externo methodice disposuerunt. IACOBVS THEODORVS KLEINIVS ‡ plantas submarinas ex habitu externo in methodum digessit, ex partium vero fructificationis accuratiore disquisitione classes et ordines disposuit VITALIANO DONATI ‡‡‡.

* Catalogi stirpium agri Bononiensis prodromus, graminea ac huiusmodi affinia complectens. Bononiae, 1719. 4. c. f.

** Agrostographia siue graminum, iuncorum, cyperorum et cyperoidum iisque affinium historia. Tiguri, 1719. 4. c. f.

*** Methodus fungorum Berolini, 1753. 8. c. f.

† Fungorum agri Ariminensis historia Fuentiae, 1755. 4. c. f.

‡ Versuche und Abhandlungen der Naturforschenden Gesellschaft in Danzig. I Theil. Danzig, 1747. pag. 346 seqq.

‡‡ Della storia naturale marina dell Adriatico saggio in Venezia. 1750. 4. c. f.

§. 181.

Ex haec tenus propositis Auctorum methodis satis superque appareat, quanta sit vegetabilium, et a parte floris et fructus tantum consideratorum, varietas; quo modo methodica contemplatio ideas euoluat, et eos, qui exercitati hanc varietatem asse-
quuntur, aptos reddat, ut de plantarum conuenientia et discrepantia iudicium ferre queant, ex qua cognitione naturalis aliqua methodus exsurgit.

§ 182.

Nos, qui haec breuiter tantum indicauimus, in methodis ipsis diiudicandis sigillatim versari non possumus, quo vero illi, qui post acquisitam multarum plantarum cognitionem methodicam, quoque dispositionem et verum in generibus et speciebus ordinem attingere cupiunt, fundamenta diiudicationis intelligent, nunc quoque, antequam methodi nostrae delineationem exhibeamus, de generum et specierum constitutione, nec non de aptis his imponendis nominibus, succinete agamus.

C A P V T III. DE GENERVM CONSTITVTIONE ET NOMINIBVS GENERICIS.

§. 183.

Diffensus botanicorum in generibus constituendis nominibusque imponendis maximam parit difficultatem, quae quidem aliqua ex parte tollitur, si de legibus, ex quibus et limites generum et nomina his imposita diiudicantur, solliciti sumus. Summatim autem tantum primariae methodi accuratioris fundamenta enucleabimus et controuersas Auctorum sententias breuissime indicabimus, ne discentes difusiore tractatione defatigentur.

§. 184.

In dispositione vegetabilium ad summa, media et inferiora genera respicimus §. 33. Genera summa sunt ideae uniuersales, ex quarum conuenientia vegetabilia in certas classes disponimus, media clas-

ses formatas ulterius distinguunt; inferiora tandem conuenientiam plurium specierum, in definitis characteribus positam, ostendunt. Sic scrophularia ad methodum nostram examinata est planta flore perfecto irregulari monopetalo ex genere summo; tetranthera monostyla ex genere medio, ouario in frustum bilocularem mutato ex genere inferiore.

§. 185.

Vti vero in constitutione generis summi et medii multae ideae sibimet inuicem coordinantur, sic in inferiori, in primis si multae adhuc plantae inter se distinguendae occurrunt, maior adhuc characterum copia, usque ad infima genera, quae speciebus proxima sunt, subordinanda et rite disponenda est. Cum scrophularia scilicet nunc proposita, pedicularis, rhinanthus, euphrasia, odontites, linaria, antirrhinum et alia genera inferiora concurrunt, quorum non nulla a quibusdam auctoribus adhuc generice, ab aliis specifice tantum distinguuntur.

§. 186.

Genera summa classes, media ordines, inferiora genera striete sic dicta a non nullis appellari solent; quoniam vero generum subordinatio pro ratione copiae vegetabilium, ad varias classes et ordines reducendorum, insigniter variat, et ideo dispositio, quatenus vel uniuersam vegetabilium seriem vel partialem quandam familiam consideramus, varia quoque est, nomina generum vocabulis appositis distincta assumere placuit. Sic v. c. planta, quae florem pentapetalum, quinque stamina, stylos duos, semina duo habet et in umbella composita floret, nostram considerationem per genera summa, media et inferio-

ra dicit, sed genus nostrum est umbella striete sic dicta §. 100. quod multa adhuc genera sub se comprehendit, antequam ad infima, scilicet ad limites specierum, pertingimus, ergo in umbellis iterum analogum quoddam generum summorum, medium et inferiorum assumendum erit.

§. 187.

Limites generum ob characterum varietatem vix certo definiri possunt, et in primis in inferioribus arbitrarii esse videntur; quilibet igitur methodi Author primum genera summa et media ex characteribus assumtis definiat et postea inferiora ex illis diuidet. Quod si in generibus mediis pauciores plantae inueniuntur, tunc in his subsistere possumus; a sarrum v. c. est planta apetala trifida, staminibus duodecim praedita, nec alia similis inuenta fuit, hinc subsistit dispositio et genus medium quoque est inferioris: Si vero multae plantae disponendae restant, ut in monopetalis irregularibus tetragymnospermis, umbellis et aliis plantarum familiis amplissimis, tunc genera inferiora, novo quodam diuisionis fundamento assumto multiplicentur.

§. 188.

Non tantum genera summa, sed media quoque et inferiora, in diuisionibus assumtis characteres duos oppositos sstant, quo eo melius dignosci queant, nec signum in una familia assumatur, quod in altera quoque occurrit. Flos petaloideus et apetalos sibi inuicem oppositi sunt, et differentia, posita petali definitione, facile appareat; flores monopetali regulares, staminibus quinque et stylo simplici insignes vel thalamo vel calyce fructifero praeditae sunt.

§. 189.

§. 189.

Si characteres optime subordinari possunt, ut in numero fieri solet, tunc omnis error evitatur, licet diuisionis fundamentum implicite tantum exprimatur, hinc plantae mono-di-tripetalae, mono-di-triantherae in variis methodis non confundunt, sed apte admittuntur, monopetalos enim flos dipetalo, tripetalo et sic porro opponitur.

§. 190.

Ex crebra obseruatione conuenientiae et differentiae characterum dispositiones generum natae fuerunt, repetitum itaque characterum examen in qualibet methodo dispositiones generum perficit, et uti tirones a generibus superioribus ad inferiora ducuntur, sic exercitatores botanici, in accurato specierum examine versantes, inde ad inferiora, media et superiora ducuntur, et methodos artificiales, in quibus haud raro anomaliae occurrunt, corrigunt et perficiunt, ut ita naturalis ferme methodi * idea exsurgat §. 181.

* Naturalem et perfectissimam methodum, in qua nullae anomaliae occurrunt, deprehendi vix posse opinamur, cum varietas characterum nimia sit, et ex consensu omnium signorum characteres vere naturales exsurgent, hinc uno signo variante, vera dispositionis ratio turbatur.

§. 191.

Vegetabilia non nisi perfecta examini subiicienda sunt, cum vero plantae in progressuo incremento mutentur, perfectionem plantae non nisi praesente flore assumere possumus, hic enim omnes partes, ad fructificationem pertinentes, continet, et ut plurimum

mum cum eo reliquae partes plantae simul conspicuntur, in primis vero in amplissimis et inde difficilimis generibus v. c. tetrapetalis regularibus siliquosis, tetrapetalis irregularibus leguminosis siue papilionaceis etc. fructus perfectus simul examinari et ex eo diuisiones ulteriores institui possunt.

§. 192.

Cum omnes plantae partes characteres exhibant, ex omnibus etiam definitiones generum desumi possent; cum autem copia characterum nimia definitiōnem confundat, quantum quidem fieri potest, uni potius parti inhaerendum est. In regno vegetabili floris ratio habeatur, quippe qui et characterum evidētia conspicuus est, et delineationem fructus continet. Omnes itaque recentiores botanici, his argumentis permoti, characteres tantum ex hac parte desumserunt.

§. 193.

Planta quaelibet saepius consideranti, nec satis attente de characterum differentia cogitanti, ideam claram excitat, quae, quoniam plurimis, confuse tamen cognitis, signis ad illam peruenimus, saepius distinctior reddi nequit, in hoc casu ex habitu extero seu facie plantam nos cognoscere dicimus *. Sic quilibet rosam cognoscit, licet characteres, ex quibus eandem cognoscit, recensere nequeat. Haec cognitio, quae in vita communi sufficit, et a botanicis interdum in generibus inferioribus assumitur, attenta characterum disquisitione corrigenda est.

* LEIBNITIUS in epistola ad GACKENHOLZIVM,
quae exstat in Epistolis Lipsiae 1742. 8. editis Vol.
IV. p. 153. ad omnia, quae in planta consideranda
occur-

occurrunt, simul respicere iubet, cum tamen non nisi exercitatissimi et methodo naturali imbuti botanici ad hanc cognitionem pertingant, methodi artificiales tironum in gratiam inuentae omnino admittendae et commendandae sunt.

§. 194.

Ideae, ex characteribus in planta deprehensis formatae et distinctae redditae, accuratum dispositionis et denominationis fundamentum praebent, et ideo prae reliqui attendendae et recipienda sunt. Quoniam vero ex quibusdam genera, ex aliis species definiuntur, sigillatim de iis, et in hoc quidem capite de characteribus generum, in sequenti de characteribus specierum agendum est.

§. 195.

Omnis character est naturalis: formatur enim ex proprietatibus partium plantae, tanquam corporis naturalis; quatenus autem pro arbitrio botanicorum ex hac vel illa parte deducitur, eatenus factius siue artificialis dicitur. Hinc in diuersis methodis pro ratione assumtorum fundamentorum diuerse dispositiones exsurgunt. Methodi prorsus naturalis ideam superius indicauimus. §. 181. 190.

§. 196.

Charakteres omnes inter se oppositi §. 188. et subordinati §. 189. succinctam vegetabilium dispositionem seu methodum sistunt, quae in toto nexus vel sistema omnium vegetabilium, vel dispositionem partialem unius alteriusque familiae exhibit. Cum autem cuncta vegetabilia nobis nondum cognita sint, nec unius hominis labor his peruestigandis et disponendis sufficiat, indeque completum systema formari

formari nequeat, a praestantissimis botanicis affinitates vegetabilium ex characteribus eruantur, ad methodi leges disponantur, quo definitiones accuriores ad optimam et uniuersalem methodum perficiendam componantur.

§. 197.

Quilibet methodi Auctor fundamentum dispositionis ex flore assumat §. 192. inde signa petat, ex quibus ideae uniuersales conuenientiae partium deducuntur, et ita summa et media genera constituuntur. Horum denominations ex definitionibus partium plantae eruantur, nec indeterminatae et allegoricae feligantur, quae discentes confundunt. Denominatio v. c. floris apetali, petaloidei, mono-di et tripetali, plantae monantherae, diantherae etc. ex definitione petali et antherarum immediate fluit, sed plantae diadelphiae, didynamiae, gynandriae denominations, ex corporis animalis et sexus idea de promtae, allegoriam saepius nimis coactam fistunt.

§. 198.

Optimum quidem est, si denominations generum summorum et mediorum unico vocabulo, quod vel simplex est vel apte compositum, exprimantur: si vero hoc commode fieri nequit, tunc ex duabus vel tribus vocabulis componantur, dum modo ideam distinctam exhibeat, v. c. planta monopetala, dipetala, monopetala regularis, monopetala composta lingulata etc. Vti vero ad haec nomina construenda vocabula graeca aut latina commode adhibentur, sic in compositione aut graeca aut latina tantum coniungantur v. c. planta monanthera, dianthera, monostyla distyla, unilocularis bilocularis. Ni
mia

mia tamen vocabulorum compositio ideas magis confundit, quam euoluit. Plantae scheseopetalostemones scilicet staminibus ad corollae diuisionem numero paribus et aliae in methodo Wachendorffiana occurrentes, difficile enunciantur.

§. 199.

Expositis itaque fundamentis superiorum et mediorum generum, ad inferiora progredimur. In his tamen, quoniam limites generum et specierum definiendi sunt, summa saepius oritur difficultas; eo autem modo, quo genera superiora et media ex characteribus assumtis disponuntur, quilibet methodi Auctor etiam examinare debet, quo usque naturalis character limites definiat, et in casu dubio eosdem ex characteribus praecipuis figere.

§. 200.

Hac autem in re insignis deprehenditur varietas, quae, cum ex partium quarundam selectarum conuenientia non satis definiri queat, saepius Auctorum arbitrio relinquenda est. Quidam a flore et fructu non recedunt, sed plantas, quae ratione harum partium conueniunt, in eodem genere coniungunt: alii ad flores tantum, non vero ad fructum respiciunt: alii tandem folia, radicem, aliasque plantae partes simul in auxilium ducunt. Nobis quidem hac in re priores sequi et viam medium eligere placuit.

§. 201.

Ex hac vero characterum diuersa ad genera definienda applicatione, distinctio eorundem in essentiales et accidentales dependet; si enim, ex assumto principio differentiae floris et fructus, genera inferiora

riora distinguo, tunc essentiales characteres exhibeo; si vero alias partes v. c. folia, quae ex assumptis principiis species definire debebant, simul assumo, tunc accidentales characteres sisto.

§. 202.

In examine plantarum et dispositione generum formanda characteres essentiales soli assumendi sunt, in expositione vero generum iam stabilitorum non incongruum esse videtur, accidentales quoque characteres interdum adiungere. Saepius enim planta, quae florem non habet, diiudicanda et in collectione ad usus medicos ex habitu cognoscenda est: v. c. asarum cognosco, si folia reniformia et plantam humifusam considero. Quoniam vero characteres generum accidentales saepius fallaces deprehenduntur, caute illis utendum est, ne discentes decipientur.

§. 203.

Interdum accedit, ut genus quoddam inferius multas species ostendat, in quibus partes, quae characteres genericos exhibent, insigniter variant. Hoc in casu quaerendum est, an non character inueniatur, qui, reliquis quidem maxime discrepantibus, semper constans inueniatur. Hic character essentialis singularis dici potest, et in generibus, in quibus multae species deprehenduntur, magni usus est. Gerania v. c. stylum rostriformem habent, cuius basi semina adhaerent, et inde reliquis etiam floris partibus, in variis speciebus maxime discrepantibus, cognoscuntur. In multis tamen generibus characteres essentiales singulares adhuc disquirendi restant v. c. in valeriana et rhamni genere.

§. 204.

§. 204.

Quicquid vero hac in re accuratius definienda a recentioribus botanicis tentatum fuerit, nondum tam regula uniuersalis inueniri potuit, ad quam in definiendis generibus inferioribus semper attendere queamus, conuenientissimum ideo est, genera ipsa et species eo reducendas attendere, et inde concludere, quaenam species combinandae, quaenam separandae sint. Sic fumarias, fructu adeo diuersas, verbenas, staminibus et fructu diuersas, scabiosas, corolla diuersas, disiungere haud possumus, nisi genera inferiora nimium multiplicare velimus.

§. 205.

Nomina generum inferiorum a primis regni vegetabilis indagatoribus ex consuetudine tantum assumta fuerunt; hi enim ad characteres essentiales raro vel nunquam, ad accidentales saepius, et in his quidem vel ad partes plantae, vel ad alias circumstantias, extra plantam inueniendas, respexerunt. Originem igitur nominum certo semper declarare, labor est immensus et maximam partem inanis. Cum enim restauratores studii botanici ex descriptionibus plantarum imperfectis nomina veterum rite impone-re haud possent, multa ex his ambigua relicta sunt, et homonymiis et synonymiis ansam dederunt, quibus et recentiores saepius confunduntur botanici.

§. 206.

Quoniam **CASPAR BAVHINVS** nomina plantarum, a praecedentibus auctoribus assumta, in pinace theatri botanici digessit, auctoritatem eius inter veteres botanicos maximam esse opinor. Quoniam autem, ad methodi accuratioris leges non attentus,

diuersas saepius plantas sub uno genere combinauit v. c. in trifoliis, multaque genera noua illi incognita fuerunt, ad alium simul Auctorem respiciendum est, qui, methodi legibus obediens, in disquisitione generum diu occupatus fuit, noua genera multa, vel ex propria obseruatione, vel ex aliorum scriptis, collegit et in sistema digessit, hunc, quantum ego quidem opinor, in solo TOVRNEFORTIO deprehendimus *.

* Horum virorum nomina inde etiam assumenda et, quantum fieri potest, retinenda erunt, cum a scriptoribus materiae medicae passim citentur.

§. 207.

Post haec vero tempora multa noua genera addita aliaque accuratius determinata fuerunt, hinc emendatio generum et inde etiam nominum maxime necessaria videbatur. Cum igitur LINNAEVS regnum vegetabile strenuo labore disquisuerit, genera et species in variis scriptis accurate ordinauerit, et in multis nominibus quoque alias botanicos consentientes inuenerit, nulli dubitamus, hunc etiam auctorem prioribus iungendum eiusque vestigiis insistendum esse. Speramus tamen, disquisitionem generum inferiorum maxime dubiorum, ab HALLEERO aliisque botanicis suscepitam, et in posterum fuscipiendam, multa adhuc ambigua relicta emendanturam esse.

§. 208.

Nos quidem, qui nomina ex auctoritate sola et usu assumenda esse arbitramur, et in his compendaria scribendi ratione utimur, multa hic proponenda vix tangere possumus, sed ad Criticam botanicam LINNAEI prouocamus. Cum vero et hac in re

non

non nunquam a laudato Auctore dissentiamus, quae-dam de nouorum generum formatione in medium proferre et denominationis rationem breuissimis per-quirere, e re nostra esse iudicamus.

§. 209.

De plantis, nouiter inuentis, nondum dispositis, nec denominatis, iudicium ferre et singulis genuinum assignare locum, peritioris labor est. No-ua enim genera, non nisi ad normam methodi, per uniuersas plantarum familias stabilitae, ex accurata characterum disquisitione eorumque comparatione tum inter se, tum cum aliis plantis congenibus, disponi et simul denominari debent.

§. 210.

Si planta, cuius character disquiritur, characteres essentiales plantae, sub cuius nomine hactenus exhibita fuit, non habet, tunc primum disquiratur, an non ex indole characterum inuentorum ad aliud genus iam cognitum amandari queat; si hoc non ex voto succedit, characteres accurate describantur et genus nouo nomine insigniatur, sic helleborus niger tenuifolius bupthalmi flore sub helleboro stare ne-quit, nouum vero helleborastri genus non forman-dum est, quoniam ad adonidem referri potest: Sed squamaria nec sub orobanches genere subsistere, nec ad aliud genus notum referri potest, ergo summo iure nouum genus constituat.

§. 211.

In hoc casu non leuiori de causa una alteraque species a genere antiquo seiungenda est, in primis, si character essentialis singularis, vel habitus proprius

contradicunt. Sic nyctanthes ob calicis et corollae
limbum octofidum a iasmino non est sciungenda,
quia reliquae floris conditiones cum iasmino conue-
niunt; nec trifolioides ~~KNAVTHII~~ a trifoliis sepa-
retur, quia planta habitu toto cum his conuenit, et
in flore etiam, monopetalo viso, vexillum alae et ca-
rina distinctae inueniuntur, licet unguis in tubum
concrescant.

§. 212.

Si planta noua, vero nomine generico nondum
adhuc insignita, detegitur, illa per genera superio-
ra et media methodi receptae disquiratur, et inde
ad vicina inferiora ducatur, quo, an ad unum al-
terumque referri possit, cognoscatur, qua in re et-
iam ad characterem essentiale singularem respicia-
tur: si vero illa ad genus cognitum reduci nequeat,
nouum genus formetur, sic v. c. nymphoidem ad
menyanthem retulit LINNAEVS; sic coffea inuenta
minus recte ad iasminum relata fuit, cum floris stru-
ctura nouum genus requirat; si etiam planta inueni-
retur, quae habitum et simul characterem essentia-
lem geranii haberet §. 203. illa, licet tripetala, ad
hoc genus transferenda esset.

§. 213.

Nomina inferiorum generum, incertae originis,
si diuturno usu cognita sunt, optima iudicantur, ut
arum, sedum, nymphaea. Nomina, a veteribus
assumpta et a restauratoribus rei herbariae derelicta,
nouis generibus imponi possunt, si illud aliqua con-
uenientiae specie declaratur, sic silene ad genus a
lychnide separatum denominandum adhiberi potest:
Sed generibus a BAVHINO et TOVRNEFORTIO
stabili-

stabilitis §. 206. nomina veterum substituere incongruum duco v. c. salicaria maneat, lythrum reiiciatur, christophoriana maneat, actaea reiiciatur, vera enim nominis determinatio euinci haud potest.

§. 214.

Nomina veterum, quae a diuersis methodicis diuersis generibus imposita fuerunt, cum simul stare nequeant, in uno genere retineantur, in altero autem eiificantur: sic v. c. leucoium verum maneat illa planta, quae a quibusdam narcisso leucoium dicta fuit, altero ad cheiri amandato. Quod si vero nomina inueniantur, quae pluribus generibus diuersis simul imposta sunt, v. c. consolida, myosotis, ne discentes confundant, omnino eliminentur.

§. 215.

Si ex accuratiore examine cognoscimus, duo genera in unum cogenda esse, tunc certe confunderet, si unum aut alterum nomen retineretur, hinc, si fieri potest, tertium eligatur. sic v. c. millefolium et ptarmica in unum genus coalescunt, ergo antiquum achilleae nomen in scenam reducatur; coniunctio quinquefolii et pentaphylloidis generi optime nomen potentillae datur; antirrhini et linariae genera coniuncta non antirrhini, sed aliud nomen requirent. Forte tamen huic regulae nimia nominum mutatio, in noua semper specierum sub diuersis generibus subordinatione, contradicit, et forte non inepte potioris generis nomen interdum primarium manere posset. Sic lauendulae stoechas, sic coronilae securidaca iungitur.

§. 216.

Officinales plantae nominibus diuersae, nisi characteris diuersitas illud exigat, nouum nomen non requirunt; sic succisa manet inter scabiosas, licet alia quoque species officinalis sit; sic solanum scandens inter solana manet, licet radix eius, radix dulcamarae dicatur. Botanica enim dirigit materiam medicam, non vice versa, et ex characteribus externis plantarum virtus non certo satis cognoscitur.

§. 217.

In nouis nominibus inueniendis ante omnia respiciatur, an character essentialis graeco vel latino vocabulo exprimi posset, ut heliocarpus, cassida; planta enim tunc ex nomine imposito cognoscitur. Quod si vero in his denominationibus aliqua obscuritas sit, vel nomina nimis longa et difficultia comprehendantur, ut stachyarpagophora, obeliscotheca, pterospermadendrum, tunc vix assumenda erunt.

§. 218.

Characteres accidentales fallaces sunt §. 202. nomina tamen a veteribus inde desumpta usuque confirmata non plane reiiciantur; v. c. filipendula et squamaria. Recentiorum quoque nomina, si aliis minus aptis substituuntur, vel ad noua genera designanda adhibentur, dummodo a botanico systematico assumta sunt, tandem hoc ius acquirent. Sic v. c. galanthus, chionanthus, obularia, hydrocharis forte tolerari possent.

§. 219.

Nomina barbara, si idonea sunt et facile pronuncianda, non reiiciantur, non tantum enim graeca et la-

et latina nomina, si certas plantas designant, sed arabica quoque et alia assumimus. v. c. marrubium, harmala, henna, adhatoda. Si vocabula non fletri possunt, indeclinabilia maneant v. c. bonduc, kali, cheiri, lilac; si vero minus apta et pronunciatu difficultima sunt, tunc reiiciantur, ut mailanschi, iaparandiba et varia nomina ex horto malabarico.

§. 220.

Si tandem, nec ex auctoritate veterum nomen imponitur, nec character essentialis, nec accidentalis denominationis fundamentum esse, nec vocabulum barbarum commode recipi potest, tunc nomen summi botanici vel promotoris studii eligatur. Hoc veteres praestiterunt, quos PLVMIERIVS, TOVRNEFORTIVS et alii sequuti sunt, quorum vestigia tantum pressit LINNAEVS: licet hic, ut vera fateamur, nimium processerit, et non nullis locum inter botanicos concederit, quem ex merito nondum occuparunt.

§. 221.

Quod si vero nomen botanici, vel nimis difficile pronunciatu sit, vel genio linguae graecae aut latinae, ex quibus ut plurimum nomina petuntur, non respondeat, vel nimis longum inueniatur, tunc omnino reiiciatur. Sic iusticia HOVSTONI, kigge-laria LINNAEI et alia plura semper mihi incongrua visa fuerunt. Nec conuenire videtur, si nomen longum abbrevietur, vel cognomen assumatur, v. c. gundeliam, in honorem GVNDELSHCEIMERIA TOVRNEFORTIO nominatam, vel pittoniam, a PLVMIERIO loco tournefortiae positam, minime probamus.

§. 222.

Si planta cum genere quodam cognito inferiore magnam affinitatem habet, ad illud amandanda est: si vero quis dubius haereret, annon nouum genus constituendum sit, tunc nomen generis quodam modo mutatum assumatur; v. c. borraginoides BOERHAAVII, aliqua ex parte a boragine distingta, huic generi addi posset: si vero genere summo differt, tunc nulla affinitas est, quae nomen paulo mutatum admitteret. v. c. telephioides TOVRNEFORTII nullo modo ad eius telephium referri posset *.

* Nec timendum est, ab illis, qui omnia genera rite definiunt, plurima talia ambigua induci, cum, non nisi in eo casu assumi queant, ubi una alteraque species diuersa nouum nomen exigere videtur.

§. 223.

Facile igitur apparet, plantas, quae ob characterem accidentalem tantum conueniunt, et in essentialibus maxime differunt, nomina generis recepti quodam modo mutata assumere non posse, sic v. c. plantaginella cum plantagine, myrtillus cum myrto foliorum figura tantum conueniunt, similitudo igitur nominis confundit discentes.

§. 224.

Nomina generica, quae graeca et latina lingua eandem ideam exprimunt, diuersis generibus non addenda, sed potius ut vera synonyma consideranda sunt, hinc v. c. auena, quae graecis bromos dicitur, semperuium, quod graece aizoon appellatur, lentiscus et schinus idem significantia vocabula, diuersis generibus incongrue apponuntur.

§. 225.

§. 225.

Nomina, ex duobus vocabulis distinctis compo-
ita, minus apta habentur, v. c. coma-aurea, lili-
um-conuallium, primula-veris, vitis-idaea, dens-
leonis, hinc commodius substituuntur chrysocoma,
conuallaria, primula, vaccinium, leontodon. Si ve-
ro duo vocabula, apte satis in unum confluunt, tunc
meliora et certe toleranda exhibent nomina: v. c.
corindum, sanguisorba, saxifraga, rosmarinus cet.
Nomina, ex diuersis generibus composita, eodem
forte modo diiudicanda erunt: lilio-narcissus, nar-
cisco-leucoium et alia reiiciantur, cannacorus, ari-
farum, linagrostis admitti forsitan possent.

§. 226.

Si de nominibus longius disputare vellemus,
multa adhuc monenda superessent. Cum autem au-
toritatem summorum botanicorum et quidem sys-
tematicorum assumamus, §. 208. huic obsequendum
est, ita, ut nomina noua, a LINNAEO introducta
§. 207. quamuis non nullis dipliceant, et nos etiam
passim ab eo recesserimus, ex concessa auctoritatis
fundamento tamen concedenda sint, nisi innouandi
studium nimium extendere velimus.

§. 227.

Nomina synonymica generica, non nisi ex au-
toribus methodicis, qui genus definiuerunt, vel ac-
curatius descripserunt, citentur, reliqua enim super-
flua videntur. A re interim alienum non esset, si
quis omnia genera, a variis botanicis stabilita, con-
ferret, et ita generibus cunctis, ad methodum ac-
curatiorem dispositis, omnia genera synonymica
subiiceret. Hoc in definitionibus generum planta-

rum praestare suscepimus; insignis vero generum immutatio et nouorum introductio exigit, ut nouae semper addantur correctiones nouaque supplementa.

C A P V T IV. DE SPECIERVM CONSTITV- TIONE ET NOMINIBVS SPECIFICIS.

§. 228.

Genera inferiora conuenientiam specierum indicant; §. 185 harum igitur accurasier cognitio et dispositio nos ad genera inferiora ducere deberet. Quoniam autem non omnes species cognitae sunt, et nouae semper prioribus adduntur, genera inferiora ex methodo assumta definire et his stabilitis species subiungere et denominare conuenit. Summorum botanicorum laboribus transitus a speciebus ad genera inferiora commendandus est §. 207.

§. 229.

Mutatio generum species quoque mutat. Si enim duo genera in unum coeunt, vel unum in duo vel plura separatur, tunc species alio modo ordinande et denominande sunt; si v. c. melongena et lycopersicum cum solano coniunguntur, quoniam charactere essentiali ab eodem non differunt, in solani genere alia fit dispositio specierum: si e contrario scilla ab ornithogali genere distinguitur, in quolibet genere alia dispositio specierum efficienda est.

§. 230.

Quilibet methodi auctor pro arbitrio suo partes plantarum eligit, ex quibus species describuntur, et ita limites inter species et genera inferiora figit. §. 200. Ex iis igitur, quae in praecedenti tractatione de generibus inferioribus exposuimus, nunc quoque norma specierum definiendarum et denominandarum petenda est, licet fatendum sit, ea, quae in antecedentibus ambigua relata fuerunt, hic quoque accuratius determinari vix posse.

§. 231.

Vti vero in genericis characteribus distinctio in essentiales et accidentales proposita fuit §. 201. sic eadem distinctio paucis mutatis ad characteres specificos referri potest. Si enim hi ex ipsis plantae partibus desumuntur, essentiales dicuntur, si vero interdum ex conditionibus, extra plantam deprehendendis, v. c. loco vel anni tempore petuntur, tunc accidentales vocantur.

§. 232.

Characteres specifici essentiales ex foliis, caudice, modo florendi et crescendi, tandem quoque ex radice sumantur. Ex studiosa nimirum partium plantae perlustratione, superius Cap. II. exposita, patet, definitiones et accuratas partium distinctiones egregias satis ideas subministrare, ex quibus characteres specifici instrui possunt. Nec contradicit vegetations varietas, quae has partes non nunquam mutat, cum a potiori denominationem confidere conueniat.

§. 233.

Interdum characteres specifici essentiales ex flore et fructu desumuntur, si tales sunt, qui cum genericis

nericis non facile confunduntur, v. c. lychnis petalis quadrifidis *, nymphaea calice pentaphyllo vel tetraphyllo. Hoc quoque in eo casu valet, ubi in genere definiendo character essentialis singularis assumitur, in geraniis v. c. pistilli et fructus inde pendentis formam ut characterem assumimus, ergo ex staminibus et petalis quoque species definiri possunt.

* Cauendum tamen est, ne character, ad speciem relatus, in generibus vicinis ad genera distinguenda sumatur; si enim quis lychnides ex laciniis petalorum generice distinguere vellet, tunc nomen lychnidis citatum non esset genuinum specificum.

§. 234.

Figura, proportio, situs, numerus et nexus partium nominatarum §. 232 characteres specificos definiant, hae enim proprietates vocabulis aptis exprimi possunt, et reliquis, a colore, odore et sapore desumptis, constantiores sunt. Sic situs foliorum alternus et oppositus, folia radicalia, caulina et floralia, plantas in species diuersas optime distinguunt. Vti vero numerus partium floris in genericis, sic consideratio figurae et numeri foliorum reliquarumque partium in specificis characteribus non raro anomalies parit, vix satis euitandas.

§. 235.

Si genera multas species sub se comprehendunt, videndum est, an non in una et altera specie vel in omnibus sigillatim character quidam singularis inueniatur, qui non nisi unicae speciei huius generis conuenit, et ita character specificus essentialis singularis dici posset. Sic scrophularia unica, quantum ego scio, radicem tuberosam habet; sic felinum, quod

quod oreoselinum apii folio dicitur, folia in singulis internodiis refra^{ct}a ostendit, selinum autem, quod, thysselinum appellatur, lactescit.

§. 236.

Characteres specificos accidentales locus natalis, tempus florendi, et duratio plantae praebent. In his maxima inconstantia est, ita, ut, cum essentiales vix deficiant, assumendi non sint. Cum tamen a quibusdam botanicis adhibeantur et non nunquam disquisitionem et cognitionem plantae iuuant, eosdem non prorsus reiicimus, sed pauca tantum de illis subiungimus.

§. 237.

In loco natali, ad nomen specificum adhibendo, nec partem orbis, regionem, prouinciam, urbem aut hortum nominare, nec nomina a syluis, aruis, pratis et montibus adducere conuenit, sed tunc demum denominatio haec tolerari posset, si locus natalis non variat, v. c. ranunculus foliis capillaceis fluitans, qui peucedani folio dicitur, aquaticus appellari potest, quoniam non nisi in aquis deprehenditur. Montosae quaedam plantae, quae alpinae dicuntur, interdum certam tantum sibi hanc sedem eligunt.

§. 238.

Sic quoque tempus florendi certissimum sit, si eo in denominatione specifica uti velimus, uti in crocis et colchicis vernalibus et autumnalibus. Licet enim confiteri cogar, denominationem pro climatis differentia maxime variare, in Africa enim septentrionali plantas nostras vernales v. c. hyacinthum et narcissum nouembri mense collegi, varieta-

tes

tes tamen climatis nomina specifica in characteribus specificis essentialibus ipsis multum immutare, mox ostendetur.

§. 239.

Duratio plantae in plurimis incerta quidem est, in non nullis tamen raro vel nunquam variat, v. c. Iolium annum et perenne semper ita deprehenditur. Vix vero his differentiis, per culturam mutandis, insistere possumus, cum arboreae, fruticosae, suffruticosae et herbaceae plantae, licet proprietates in planta ipsa occurrentes exhibeant, §. 48 seqq. et multi summa genera inde constituant §. 162. 173. nominibus specificis non satis apta inueniantur.

§. 240.

Tot sunt species in genere, quōd diuersae formae corporum eo pertinentium inueniuntur §. 185. Hoc licet in omnibus corporibus naturalibus, ergo etiam in vegetabilibus certum sit, difficillimum tamen est definire, quaenam corpora in prima creatione praesentia, quaenam per successivas mutationes causarum accidentalium etiam in regno vegetabili producta vel potius mutata fuerint. Cum autem ad species disquirendas et definiendas alia nobis non relinquatur via, quam crebra obseruatio, huic unice insistendum erit.

§. 241.

Quicunque igitur ex certis quibusdam signis, praecipue in plantis, in loco natali disquisitis, collectis species definiuit, ille certe varietates seu differentias specierum, a culturae, soli et climatis mutatione potissimum ortas, melius dignoscere valebit. Arbores fructiferae, olera et cerealia mutationis huius

ius egregia exempla praebent, ita, ut exercitatissimus etiam botanicus saepius veram illam speciem, ex qua tot ortae fuerunt varietates, inuenire et certo satis determinare nequeat.

§. 242.

Hinc vere intelligitur, quam necessarium et utile sit, si botanici, in studio suo exercitatissimi, examen plantarum in locis natalibus suscipiunt: hinc quoque patet, ideo saepe nouas plantarum species constitui, quoniam plantae, quae in hortis nostris crescunt, descriptionibus botanicorum, qui easdem in loco natali disquisuerunt, non respondent. Cum itaque cultura plantarum, in hortis suscepta, ad commoda studii botanici dirigi debeat, a re alienum non erit, in hac tractatione de speciebus plantarum paucas, de mutationibus earundem subiecte animaduersiones.

§. 243.

Si cultura et mutatio climatis totum plantae habitum mutant et character mutatus in multiplicazione individuorum perennat, tunc noua quidem species formanda non est, sed mutatio plantae adeo insignis accurate notetur. Ricinus v. c. in nostris hortis cultus arboreus dici nequit, caudice enim herbaceo instructus et annuus est, cum igitur sciam, illum ex ricino arboreo calidarum regionum prouenisse, nouam speciem non esse cognosco, attamen habitus plantae diuersus suadet, ut nomen, quod ipsi in Africa imposui, nunc mutem et mutationis rationes subiungam.

§. 244.

Non solum vero climatis differentia tantas mutationes efficit, sed plantae quoque, in nostris terris sponte productae, pro differentia soli maxime variant, syluae umbrosae siccae et humidae, loca uliginosa et fabulosa, non raro easdem plantas fistunt, superficies tamen et habitus in una eademque specie saepe insigniter variant, quae differentiae, nisi curatius annotentur, tironem botanicum maxime confundunt et speciebus, praeter necessitatem constituendis, ansam praebent.

§. 245.

Gradus magnitudinis, hirsutiei, diuisionis foliorum aliaeque variarum partium differentiae, cum causa in varia dispositione plantae quaerenda sit, non species, sed varietates definiunt. Alsine altissima cum media sic dicta in essentialibus partibus conuenit; ranunculus c. B A V H I N O hirsutus dictus non est talis in nostris fossis; sisymbrium aquaticum, quod raphani folio dicunt, incisa et integra habet folia; alchemilla nostra vulgaris foliis lobatis vix hirsuta est, interdum tamen in locis fccioribus talis deprehenditur.

§. 246.

Color, odor et sapor partium plantae, si forma eadem reperiatur, magis varietatem, quam differentiam specificam praebent. Colorem quidem saepius per multas progenies perdurare vidi v. c. in dictamno, vulgo fraxinella dicto, cuius species flore albo et habitu quoque a rubra diuersa est, plura tamen mutationis exempla collegi, in primis si colorrem rubrum nimis distinguimus. Odoris quoque et

sapo-

faporis notae ut plurimum obscurae inueniuntur; serpillum citratum a vulgari vix satis distinguitur, in geraniis diuersi odores vix satis definiuntur; sedum acre et non acre dubia differentia est.

§. 247.

Partes plantae luxuriantes et deficientes, vel alias conditiones morbosae, ad varietates pertinent; sic v. c. flos duplicatus, triplicatus, plenus et prolifer, succo copiosiore, in stamina et pistilla in primis, non nunquam in thalamum delato, redditur. In aliis vero partes essentiales florum deficiunt, ut corolla, stamina et pistilla, quae sexus disquisitionem difficilem reddunt, ut in acere, pistillo destituto et numero staminum variante, vel in non nullis umbellarum pistillis et staminibus deficientibus. Infecta morbos inducunt, uti in gallis a morsu oriundis conspicimus, hinc limonium gallas ferens et non ferens non distinguitur. Et quis omnes has varietates paucis complecti posset animaduerzionibus.

§. 248.

Cum varietates in diuersis individuis unius speciei annotandae sint, ne specierum numerus praeter necessitatem augeatur, multo magis hoc valet in individuis, diuerso tempore mutatis; v. c. hedera sterilis, in sylvis ad arbores accreta, eadem est ac hedera florifera et baccifera, licet praeter flores et fructus accedentes, folia etiam figurae mutationem patiantur; sic paronychia bracteas nitidas in principio minores habet, postea autem magnitudine aetas, male igitur species, nunc dicta, distinguitur.

§. 249.

Singularis autem mutatio in plantis hybridis anno tanda est, in quorum ortu ideo nouae species introducuntur, dum vel plantae diuersi generis vel congeneres, ad nouum corpus vegetabile constitendum, concurrunt. Obscurum generationis negotium non quidem permittit, ut has differentias accurate definiamus, sunt tamen obseruationes certae, a LINNAEO propositae * v. c. Poterium agrimonoides ex poterio inermi filamentis longissimis et agrimonia officinarum, tanquam noua species, exsurgit, et ex seminibus propriis per plures annos in horto propagata fuit.

* Diff. de plantis hybridis Vpsaliae. 1751. 4.

§. 250.

Nomen specificum tot characteres complectatur et nominibus aptis exprimat, quot ad speciem quandam, a reliquis eiusdem generis distinguendam, requiruntur: in selectu tamen characterum et vocabulorum eo respiciendum est, ut, quantum fieri potest, breuitatis habeatur ratio, et, ne nomina specifica descriptionem totius plantae sistant, species definita paucis tantum verbis indicetur.

§. 251.

Quoniam vero in iis generibus, quae multas species complectuntur, nomina specifica nimis longa, descriptionibus similia et saepe in comparatione cum vicinis obscura fiunt, eo quidem elaborandum est, ut character specificus essentialis singularis §. 235. disquiratur et ad speciem declarandam exponatur. Interdum quoque in recensione plurium specierum conuenit, eas ex charactere quodam evidenti in ordines

dines disponere, et cuilibet competentes subiungere; v. c. solana spinosa et inermia sunt, lina foliis alternis et oppositis instructa deprehenduntur, et ita in his generibus primum distributionis fundatum praebent.

§. 252.

Cum characteres essentiales singulares difficile inueniantur, botanici non nunquam species, compendiario saepe nomine, ab accidentalibus etiam characteribus petito, insignire solent, haec vulgo recepta nomina LINNAEVS in speciebus plantarum triuialia dixit et in margine non sine commodo disquientium apposuit. Cum enim in nominibus generum inferiorum, nomina raro essentiam plantae experientia, sed saepe arbitraria admittuntur, forte etiam in speciebus compendiariae denominations tolerandae erunt.

§. 253.

Nullum est dubium, in omnibus plantis tam evidentes characteres vel vere essentiales, vel satis constantes accidentales inueniri, in quos omni studio inquirendum esset, quo nomina compendiaria inde confiantur, ad species generum distinguendas apta; v. c. pyrola rotundifolia maior et minor, spica homomalla, umbellata, uniflora etc. royena lucida, glabra et hirsuta; mollugo oppositis foliis, tetraphylla, pentaphylla, verticillata.

§. 254.

Nomina specifica, a similitudine aliarum plantarum, vel partium plantae, vel ab inuentore et descriptore desumpta non toleranda sunt, si enim

cum plantis obsoletis comparantur v.c. valeriana olufatri folio, ligusticum sampsuchi folio; si nomina multas species inuoluunt et ideo difficile discernuntur, ut geranium myrrhidis folio, sinapi apii folio, tunc ubique obscurae introducuntur ideae. Et quid tandem nomen auctoris ad speciem cognoscendam confert? v. c. aegilops M A T T H I O L I prima vel secunda, in citatis auctorum scriptis valent, in nomine vero specifico non admittuntur.

§. 255.

Si unica species in genere deprehenditur, nomen genericum sufficit, nec opus est, ut specificum addatur, v. c. imperatoria, paris, mandragora hoc solo nomine expresso cognoscuntur. Quod si vero tandem planta in hoc genere inueniatur, quae nouam speciem fistit, tunc et priori nomen distinctum imponendum est. v. c. Chrysosplenium foliis alternis sola erat species, cui nunc altera foliis oppositis addita fuit.

§. 256.

Vocabula, quae nomina specifica ingrediuntur, aut latina aut graeca latinitate donata, in vulgus cognita, vel in definitionibus partium explicata feligenda sunt, quae enim a similitudine aliarum plantarum earumque partium desumuntur, raro satis definita sunt: sic verbascum lychnites cum lychnide nihil commune habet, sic gerania batrachoidea, quae ranunculi flores vel habitum obtinent, male ita dicuntur.

§. 257.

In nominibus synonymicis, speciebus subiiciendis et a scriptore quodam botanico citandis, ad icones

icones et descriptiones aptas potissimum respiciatur. Licet vero nec icones nec descriptiones in C. BAVHINI pinace et TOVRNEFORTII institutionibus deprehendantur, ob rationes tamen superius allegatas §. 206. in usum scriptorum materiae medicae ci-tentur. Hinc etiam ex scriptoribus recentioribus ii non negligendi sunt, qui post accuratum specierum variarum examen nomen specificum certum et con-stans proposuerunt.

CAPUT V.

SPECIMEN METHODI PLANTARVM EX STRVCTVRA FLORIS
DESVMTAE.

§. 258.

Postquam igitur in capitibus praecedentibus prae-cipuas generum et specierum leges, in methodo stabilienda assumendas, exposuimus, unam ex metho-dis capite III. propositis feligere, ulterius perficere et speciminis loco subiungere possemus; in selectu autem instituendo dubii substitimus, ita, ut, licet ad RIVINI et LINNAEI partes maxime accederemus, ea, quae ab aliis quoque auctoribus perfectius elab-orata deprehenderemus, non prorsus negligenda esse cognosceremus.

§. 259.

Flos est illa pars plantae, ex qua signa generi-bus definiendis apta petuntur §. 192. Cum igitur TOVRNEFORTIVS §. 173 et RIVINVS §. 170 ad corollam, MAGNOLIVS et LINNAEVUS §. 176

ad calycem, LINNAEVS §. 177 quoque ad stamina et pistilla respexerint, et HERMANNVS §. 167 fructus conditiones optime expresserit, aliique plures in his methodis perficiendis occupati fuerint, tentandum omnino est, an non ex omnibus, simul sumtis et concinno ordine dispositis, talis methodus formari queat, qui et facilis sit et praestantissimum methodicorum characteres apte exponat, ideoque disquisitionibus, in flore instituendis, maxime accommodata inueniatur.

§. 260.

Fateor equidem, me praeter dispositionem, a reliquis methodicis recedentem, etiam quosdam characteres nouis vocabulis expressisse, cum tamen illa ideis rerum proponendarum respondentia inuenierim, et definitionibus aptis declarata exposuerim, non innouandi studio, sed in commodum eorum, qui rem herbariam addiscunt, me haec suscepisse quilibet perspiciet.

§. 261.

Dispositio methodi sit sequens.

Flores sunt.	Plantae sunt
I. Inuoluti	
A. Perfecti	
I. Petaloidei	
1. monopetali	1. monopetalae regulares.
α. simplices.	2. monopetalae irregulares.
a. regulares.	
b. irregulares.	
β. compositi	3. compositae tubulosae.
a. tubulosi	4. compositae lingulatae.
b. lingulati	5. compositae mixtae.
c. mixti	
2. dipetali.	6. dipetalae
3. tripetali.	7. tripetalae.
4. tetrapetali.	
α. regulares	8. tetrapetalae regulares
β. irregulares	9. tetrapetalae irregulares
5. pentapetali.	
α. regulares.	10. pentapetalae regulares
β. irregulares.	11. pentapetalae irregulares
γ. umbellati.	12. pentapetalae umbellatae
6. hexapetali	13. hexapetalae
7. polypetali	14. polypetalae
II. Apetali	15. apetalae
B. Relatiui	
I. Monophyti	16. relatiuae monophytæ
II. Diphyti	17. relatiuae diphytæ
II. Nudi.	18. nudæ.

§. 262.

Flores in summo genere in inuolutos et nudos distinguntur. Flos enim inuolucris, hoc est vel calyce vel corolla vel utrisque simul instructus, inuolitus dicitur, nudus vero his inuolucris destitutus appellatur. Licet vero stamina et pistilla raro sine membrana succingente §. 104 inueniantur, ea tamen in muscis, fungis et plantis capillaribus vix fatis certo distingui et cum inuolucris aliarum plantarum comparari possunt.

§. 263.

Floris perfecti et relatiui differentiam ex ipsa floris definitione superius §. 135 proposuimus et nomina a sexu petita simul declarauimus, §. 136. nunc tantum porro monemus, flores stamineos et pistillatos, in diuersis inuolucris positos, scilicet relatiuos, interdum simul in una planta, interdum autem in diuersis plantis collocari, in priori casu flores monophyti, in altero diphyti appellantur.

§. 264.

Plantae, quae flores perfectos ferunt, et tamen non nullos flores vel stamineos vel pistillatos separatos habent, commode ad perfectos referuntur: Si vero una planta perfectos, altera stamineos, tertia pistillatos flores fert, tunc ad diphytos flores illae referendae sunt. Hae et aliae similes anomaliae ob assumta principia distinctionis plantarum et vegetationis varietates legibus certis vix circumscribi poterunt, ideoque in disquisitione plantarum ad pluralitatem florum unius alteriusque indolis quam maxime respiciendum erit.

§. 265.

§. 265.

Vt folia plantarum, sic petala, corollam effici-
entia, mira quadam varietate conspicua sunt, et cha-
racteres methodo satis aptos exhibent, qui ideo pri-
mario feligi et ad genera summa referri merentur.
Calyx quidem simili ratione et foliorum et segmen-
torum varia figura, numero et proportione distin-
guitur, cum tamen colorum elegantia, quae et im-
peritos ad corollae considerationem allicit, maximam
partem destituatur, eius characteres vel ad genera
subalterna referri, vel tandem deficientibus petalis
assumi poterunt.

§. 266.

Ex hoc proposito fundamento flores in petalo-
ideos et apetalos diuiduntur; Illi nimirum corolla
instructi sunt et petala habent, hi vero petalis desti-
tuuntur, et ideo ex calyce tanquam altero inuolucro
diuidicandi sunt. Praeter hanc generalem differen-
tiā corollae fabrica in multis plantarum familiis ul-
terius distinguendis summi usus est, uti in monope-
talib omnibus, nec non in tetrapetalis irregularibus
aliisque abunde apparebit.

§. 267.

Figura corollae et petalorum primo quidem in-
tuitu euidentiores characteres offerre videtur, quam
numerus, cum tamen illa haud adeo aptis vocabulis
exprimi queat, sed a similitudine aliorum corporum
illustranda sit, numerum praeferre maluimus, qui,
licet ex succi nutritii incremento et decremento in-
terdum variet, in plurimis plantis tamen constans
deprehenditur, et facili attentione semper et certo
animaduertitur,

§. 268.

Licet monopetalii flores copiosi sint, et distinctione in monopetalos et polypetalos flores admissa, petaloidei flores forte in duo satis aequalia agmina distribui queant, nos tamen polypetalos non citius, quam post hexapetalos ponimus, cum in his numerus petalorum non adeo vagus, quam in tetrapetalis atque pentapetalis non nullis deprehendatur, et ita generibus his subalternis, a numero petalorum petitis et assumtis, plantae melius distinguuntur, quam si insignis copia, in inferioribus ordinanda, relinqueretur.

§. 269.

Ob magnam florum monopetalorum copiam duplarem iterum distinctionem in simplices et compositos admittimus, et simplices quidem in regulares et irregulares, compositos autem in tubulosos, lingulatos et mixtos distinguimus. Antequam vero distinctionis huius rationes ulterius euoluamus, accuratiorem floris monopetali definitionem et distinctionem praemittamus.

§. 270.

Flos monopetalus dicitur, cuius corolla ex membrana continua, scilicet petalo unico, formatur. Licet igitur tale petalum interdum in tres, quatuor, quinque et plures lacinias, easque non nunquam profundiores diuidatur, tamen, si fundus eius vel integer vel perforatus cohaeret, idea floris monopetali manet. A numero vero laciniarum florem monopetalum distinguimus, eundemque tripetaloidem tetrapetaloidem et sic porro appellamus. Floris itaque monopetali idea satis declarata, quid de tri-

tri-tetra-penta-hexa-et polypetalis statuendum sit, facile appareat.

§. 271.

Numerus petalorum ex defluvio eorundem optime cognoscitur; quod si vero petala sine defluvio marcescant, dubium redditur de floris indole iudicium. In his itaque primo flores nondum aperti, porro in ipsa expansione constituti, tandem in marcescente statu disquirendi sunt, quo ex his inter se comparatis floris indoles detegatur. Sic phyllis LINNAEI, quae non nullis monopetala visa et a DILLENIO ad valerianellas relata fuit, accurato examine instituto, pentapetala comprehensa fuit.

§. 272.

Sequens regula disquirentem forsitan aliqua ex parte adiuuare poterit. Si petala non ad eundem calycis vel thalami ambitum, sed quaedam altius, quaedam profundius accrescunt, flos ex numero laciniarum diiudicandus, nec monopetalus est. Ornithogala v. c. quorum petala non defluunt, ex hoc fundamento ad hexapetalas plantas referuntur, et licet orchidum flores supra ouarium marcescant, tamen ex eodem fundamento hexapetalae iudicandae sunt.

§. 273.

Haec data exempla satis demonstrant, corollam, sub ouario marcescentem, non semper florem polypetalum, nec supra ouarium persistentem, monopetalum florem indicare. Nec calyx monophyllus florem monopetalum, nec polyphyllus polypetalum indicat. v. c. Oxys calicem monophyllum et florem monopetalum habet, hermannia vero in calyce

lyce monophyllo pentapetalum comprehendit. Tandem et stamina, petalo adnata, non semper florem monopetalum indicant, licet enim unifolii stamina petalo adhaereant, flos tamen tetrapetalus iudicandus est.

§. 274.

Flos simplex est, qui omnes floris partes, in primis stamina et pistillum, simplici ordine dispositas, continet; Borago v. c. in calyce et corolla monopetala stamina quinque et pistillum comprehendit. Flos compositus dicitur, si plurimi flosculi monopetali * staminibus suis et pistillo instructi, communī calyce comprehenduntur, ut in tanaceto, hieracio, astere, vel ad minimum, si calyx communis evidens non est, uni thalamo inhaerent, ut in echinopo et sphaerantho.

* Flores polypetali communi calyce comprehensi, ex indole floris inter simplices referuntur, et si ob hunc florendi modum distinguendi essent, aggregati appellari possent, ut limonium, astrantia.

§. 275.

Compositorum florū plurimi in flosculis suis antheras in cylindrum coalitas referunt, et inde characterem quendam singularem nanciscuntur, forte igitur ex eorum numero eae plantae eximendaē essent, quarum flosculi stamina et antheras distinctas habent. v. c. scabiosa, dipsacus, cum tamen paucae sint, eas ideo distinguere superuacaneum es-
set, nisi quis easdem ad plautas flore aggregato re-
ferre vellet. §. 274. Flores duplices, triplices et pleni §. 247 cum compositis confundi non possunt, cum in iis non nisi corolla aucta deprehendatur.

§. 276.

§. 276.

Compositos flores ex corollulis flosculorum, eos componentium, ulterius distribuendos esse, idea methodi nostri suadet; praecipui igitur flosculi sunt vel tubulosi vel lingulati. Tubulosa corolla cauum cylindricum format, limbo plus minusque patente, varieque inciso; lingulata autem ex tubo vix conspicuo membranulam siue, lingulam, ad unum latus tubi spectantem, producit *. His tandem flores compositos mixtos, ex tubulosis et lingulatis constantes, subiungimus et interdum non nullos flosculos nudos et neutros accedere monemus.

* Corollulas tubulosas et lingulatas flosculos et semiflosculos appellat TOVRNEFORTIVS, sed lingulatus quoque flos verus et perfectus flosculus est.

§. 277.

Facile quidem largior, propositam in flosculis compositorum florum diuisionem non nullis anomaliis obnoxiam fore, cum autem pateat, dispositiōnem harum plantarum Linnacanam, a staminibus et pistillis petitam *, nec faciliores nec constantiores characteres exhibere, et hos flores ex corolla diuidare maluimus.

* LINNAEO planta compositis floribus conspicua syn-
genesia polygamia dicitur, et quidem 1) aequalis,
quae omnes flosculos perfectos; 2) superflua, quae
flosculos perfectos et pistillatos; 3) frustranea, quae
flosculos perfectos et neutros; 4) necessaria, quae
flosculos stamineos et pistillatos habet.

§. 278.

Antequam florum compositorum disquisitionem dimittimus, pauca de thalamo proferenda sunt.

Hunc

Hunc §. 102. partem fungosam ex expansa pedunculi summitate productam, appellauimus, eumque in compositis floribus potissimum conspicuum esse cognouimus, et porro monemus, eum vel nudum esse et flosculos in poris suscipere, vel peculiaris fabricae cauernulas pro hoc scopo habere, vel tandem pilis et paleis ornatum apparere, ex quibus differentiis una cum seminum variis ornamentiis genera plantarum compositarum ulterius distribuuntur.

§. 279.

Flos regularis est, in quo ambitus corollae undique aequaliter ab eius centro distat; flos irregularis vero dicitur, in quo ambitus corollae non ex omni parte aequaliter a floris centro distat, idque potissimum fit, si petala et laciniae vel diuersae magnitudinis sunt, vel in aequali situ circa centrum disponuntur. In monopetalis, tetrapetalis et pentapetalis haec irregularitas corollae in primis attenditur, quoniam in his multa genera inferiora distribuenda sunt, in reliquis vero classibus ad genera subordinata distinguenda sufficit.

§. 280.

In regularitatis et irregularitatis disquisitione non exacta circuli applicatio requiritur, sed sola inspectio sufficit. Dubias vero plantas ad regulares referimus, nisi forsitan reliquarum floris partium irregularis situs euidenter contradicat. Licet enim regularitatis character tantum ex corolla definiatur, interdum tamen pistilli et staminum situs declinatus irregularitatem inuoluit. Amaryllis v. c. in euidenti satis petalorum aequalitate irregularis iudicanda est.

§. 281.

Ex his characteribus igitur formantur genera summa, quae, ut in tabula §. 261. delineauimus, in octodecim classes disponuntur; genera media vero siue ordines a numero staminum seu potius antherarum desumuntur. Hinc in classe 1. 2. 6. 7. 8. 9. 10. 11. 13. 14. et 15. monantherae, di-tri-tetrapenta-hexa et polyantherae plantae numerantur. In classibus 3. 4. 5. antherae distinctae et cylindraceae distinguuntur et genera media porro a calycis fabrica definiuntur. In classe 12. quae structura florum conuenit et modum florendi plane singularem habet, ad semen figuram maxime respiciendum erit. In classibus 16 et 17. inuolucri scilicet corollae vel petali prima habeatur ratio, post ea antherarum numerus assumatur. In classe 18. partes floris essentiales difficile distinguuntur, hinc ad habitum praecipue respiciendum erit.

§. 282.

Sed in numero antherarum non acquiescendum est, aptius enim haec genera in ordines suos distribuuntur, si pistilli vel potius stylorum numerus attenditur, et monostylae di-tri-tetra-penta, et polystylae plantae distinguuntur. Ipsa vero amplissimarum familiarum ratio exigit, ut et alia passim in generibus mediis feligantur distinctionis fundamenta, sic v. c. in tetrapetalis regularibus hexantheris ad fructus siliculosos et siliquosos, in irregularibus decantheris siue papilionaceis ad petalorum proportionem respicitur.

§. 283.

Genera inferiora tandem a calyce et a quibusdam specialioribus petalorum incisuris, nectariis, antherarum

therarum et stigmatum figura, et sic porro desumuntur et fructus differentia his omnibus vel immiscetur vel subiungitur. In classe 3. 4. 5. thalami quoque habeatur ratio, et seminum structura annotetur. Hi characteres omnes ex specierum, ad diuersa genera referendarum, conuenientia et discrepantia definiuntur, et crebriore obseruatione perficiantur, quo limites tandem certi euadant. §. 199. seqq.

§. 284.

Nimis longum et taediosum foret, si plantarum classes in omnibus generibus suis haetenus inuentis delineare susciperemus: quoniam tamen in delineatione methodi genera summa tantum exhibuimus, operaे pretium esse arbitramur, plantas officinales, culinares et alias, sponte circa Lipsiam crescentes, in generibus mediis atque inferioribus disponere, quo illi, qui omnem methodi ambitum nondum perspicere valent, in plantis, cognitu maxime necessariis, dijudicandis se exercere queant.

§. 285.

Cum vero breuitatis studiosi, et ut memoriae discentium succurramus, plantas has in tabulis concinno nexu dispositis, exhibuerimus, veniam nos impetraturos esse speramus, si forsitan characteres non nulli minus certi, dubii et incompleti irrepserint, de eo enim praecipue solliciti fuimus, ut specimene methodi tantum exhibito, tales characteres proponamus, qui facile disquiri et memoriae imprimi queunt.

§. 286.

§. 286.

Classis prima plantas flore monopetalo regulari fistit, quae sunt:

I. Diantherae, monostylae, tubo corollae

A. breuissimo, OLEA

B. longo

I. capsula biloculari. LILAC

II. bacca, quae continet semina

a. duo, LASMINVM

b. quatuor, LIGVSTRVM.

II. Triantherae, monostylae, stigmate triplici

A. erecto, CROCVS

B. declinato stamina tegente, IRIS

III. Tetratherae

A. Monostylae, stigmate

I. simplici, capsula biloculari

a. horizontaliter dehiscente PLANTAGO

b. quadrigona SANGVISORBA

II. duplo *

a. seminibus binis cortice testis, corolla

1. plana vix tubulosa, cortice seminum

α. tuberculato APARINE

β. leui GALLIVM, Cruciatæ

2. tubulosa seminibus coronatis SHERARDIA

b. bacca duplo RUBIA

B. Distyla. CVSCVTA

IV. Pentantherae

A. Monostylae

I. Thalamo fructifero, fructu delineato in

a. ouulis

* Haec plantæ RAO stellatae dicuntur, quoniam folia in internodiis caulinum verticillata, siue stellæ in modum disposita obtinent.

a. ouulis quatuor. stylo ex medio surgente orifice tubi petali. *

1. nudo, calyce

α. tubuloſo quinque dentato **PVLMONARIA**

β. quinquifido, limbo petali

α. semiquinquifido erecto. **LITHOSPERMVM**

b. tubuloſo, ventricoso, quinquedentato
CERINTHE.

2. squamis ornato petalo ipſo

α. rotato **BORRAGO**

β. infundibuliformi, limbo petali

α. tubulato ventricoso. **SYMPHYTUM**

b. semiquinquifido tubo petali.

α. inflexo **LYCOPSIUS**

b. recto calyce expanso, seminibus

1. planis **CYNOGLOSSUM**

2. oblongis **BVGLOSSUM**

3. ouatis **HELiotropium.**

Myosotis

b. ouario simplici, petalo

1. infundibuliformi, calyce

α. monophyllo

1. tridentato **CORDIA. Sebestena**

2. quadridentato **COFFEA**

3. quinquifido, fructu

a. fucco.

1. uniloculari **PRIMULA**

2. dupli **SPIGELIA**

3. biloculari

a. biual-

* Quoniam plurimae plantae huc referendae folia hirsuta vel aspera habent, RAIUS easdem asperifolias appellauit.

- a. biualui NICOTIANA
- b. quadriualui DATVRA
- b. pulpoſo. ATROPA. *Belladonna*
- β , quinquifido vel pentaphyllo
 - 1. femine unico IALAPPA
 - 2. capsula uniloculari, calycis laciniis
 - a. linearibus HOTTONIA
 - b. oblongis MENYANTHES
 - 2. rotato calyce
 - α . monophyllo quinquifido
 - 1. ventricoso inflato. ALKEKENGY
Physalis
 - 2. erecto acuto, bacca
 - a. pulpofa SOLANVM
 - b. coriacea parciore pulpa. CAPSI-
CVM
 - β . quinquifido vel pentaphyllo, capsula
uniloculari
 - 1. horizontaliter dehiscente ANA-
GALLIS
 - 2. multiualui limbo petali
 - a. expanso LYSIMACHIA
 - b. reflexo CYCLAMEN.
 - 3. campanulato, corolla
 - α . imperforata, calyce nullo, bacca
 - 1. disperma FRANGVLA
 - 2. nucleo biloculari foeta ZIZY-
PHVS
 - β . perforata calyce monophyllo
 - 1. semiquinquifido MANDRAGORA
 - 2. quinquifido CONVOLVVLVS
 - II. Calyce fructifero, corolla
 - a. stellata. RAPVNCVLVS
 - b. cam-

b. campaniformi CAMPANVLA
c. infundibuliformi CINCHONA

B. Distylae fructu

- I. uniloculari biualui GENTIANA *Centaurium*
II. duplii, corolla
a. infundibuliformi VINCA
b. rotata ASCLEPIAS

C. Tristylae, fructu pulpoſo, ſeminibus
I. unico, floribus corymboſis
a. marginalibus neutrī OPVLVS
b. omnibus perfectis VIBVRNVM
II. tribus SAMBVCVS.

V. Hexantherae

A. Monostylae, calyce

- I. nullo, corolla
a. globosa CONVALLARIA
b. rotata ASPHODELVUS
c. tubuloſo ventricosa
1. bacca globosa POLYGONATVM
2. capsula oblonga ALOE
d. infundibuliformi tubo
1. recto HYACINTHVS
2. incurvo POLYANTHES *Tuberofa*

II. Spathaceo NARCISSVS

B. Tristyla COLCHICVM

VI. Heptanthera TRIENTALIS

VII. Octantherae

A. Monostylae calyce

- I. nullo flore imperforato DAPHNE
II. tetraphyllo. ERICA
III. minimo vix quadridentato VACCINIVM
B. Tetraſtyla MOSCHATELLINA *Adoxa*.

VIII. Enneanthera RHEVM.

IX. Decanthera oxyss. *Acetosella*

X. Polyantherae

A. Monostylae filamentis staminum

I. distinctis STYRAX.

II. in tubum coalitis * tuba

a. quadruplici GOSSYPIVM

b. multiplici calyce externo

1. monophyllo nouemfido ALTHAEA

2. triphyllo. MALVA.

B. Trifyla EUPHORBIA, *Tithymalus*, *Eula*.

§. 287.

Classis secunda plantas flore monopetalō irregulari fistit, quae sunt

I. Monantherae, monostylae.

A. Spatha

I. simplici KAEMPFERIA

II. pluribus, filamentis staminum

a. unico. AMOMVM

b. quinque, unico anthera ornato CVR'CVMA

B. calyce trifido, corolla quadrifida COSTVS

II. Diantherae, monostylae, fructu delineato in

A. quatuor ouulis, flore

I. labiato labio superiore

a. integro SALVIA, *Sclarea*, *Horminum*

b. bifido ROSMARINVS

II. ad regularitatem accedente LYCOPVS

B. ouario simplici, calyce

I. quadrifido VERONICA *Beccabunga*.

II. quinquifido GRATIOLA.

H 3

III.

* Ob filamenta staminum coalita *monadelphia* constituit LINNAEVS, a praecipuo genere maluaceae non nunquam dicuntur.

III. Trianthera. VALERIANA.

IV. Tetratherae * monostylae fructu delineato in

A. quatuor ouulis flore labiato, orificio tubi

I. insigniter ampliato, siue flore gulofo praeditae labio superiori

a. nullo inferiori trifido, lacinia media

1. verticaliter cordata AIVGA Bugula

2. maxima subrotunda TEVCRIVM Polium,
Chamaedrys, Chamaepitys, Scordium, Marum, Iua.

b. integro vel leuiter tantum emarginato labio inferiori

1. integro, laciis lateralibus integris, calyce tubulofo.

α. dentato CATARIA Nepeta.

β. bilabiato labio superiori

1. trifido, inferiori diuiso. DRACOCEPHALVS Moldauica

2. galeato CASSIDA Scutellaria

2. diuiso, lateralibus laciis integris labio superiori

α. integerrimo LAMIVM

β. emarginato HYSSOPVS

II. non ampliato labio superiori

a. integro, inferiori tripartito, calyce

1. cincto

* Diantherae et tetratherae huius classis ob modum florendi, in plurimis uniformem a MORISONO et RAO verticillatae dicuntur, et porro in tetragymnosperma et angiosperma diuiduntur, TOVRNEFORTIUS easdem a figura corollae in flores labiatos et personatos distinguit, et LINNAEVS, qui diantheras in diandriis habet, ex tetratheris ob stamina duo altiora duo breuiora didynamia constituit.

1. cincto

α . foliolis imbricatis ORIGANVM Maiorana, *Diclamnus creticus*

β . inuolucro multifeto CLINOPODIVM

2. nudo

α . tubuloſo dentato, laciniis corollae in labio inferiore

1. acutis CARDIACA

2. obtusis VERBENA

β . quinquifio

1. distinete labiato, labio corollae superiore

a. piano erecto MELISSA

b. concauo BRVNELLA.

2. non distinete labiato.

a. cylindrico labio corollae superiore

α . integro

1. fornicato GALEOPSIS

2. erecto BETONICA

β . emarginato tubo petali

1. calyce breuiore SATVREIA

2. calyci aequali THYMVS Serpillum.

3. calyce longiore MENTHA Pu-legium.

b. anguloſo inuolucro verticillis subiecto

a. nullo STACHYS

b. foliis lanceolatis constante BAL-

LOTE.

b. diuiso inferiori trifido calyce instruēto

1. limbo spinoso MARRVBIVM.

2. margine dentato, spica

α , foliosa STOECHAS

β , non foliosa LAVENDVL A.

c. quadrifido inferiori integro. OCYMV M.

- B. ouario, quod mutatur in fructum
- I. unilocularem s Q V A M A R I A *Anblatum*
 - II. bilocularem , calyce
 - a. quadrifido
 - 1. profundius diuiso. MELAMPYRVM
 - 2. subrotundo inflato RHINANTHVS.
 - 3. tubulofo tenui, laciniis labiorum corollae
 - α . integris O D O N T I T E S
 - β . diuisis E V P H R A S I A.
 - b. quinquifido tubo corollae
 - 1. clauso, calcare
 - α . donato LINARIA
 - β . destituto ANTIRRHINVM.
 - 2. aperto , calyce
 - α . minori quinquifido. SCROPHVLARIA
 - β . subrotundo inflato PEDICVLARIS
- C. quadrilocularem. VITEX
- V. Pentantherae monostylae fructu delineatio in
- A. quatuor ouulis ECHIVM
 - B. ouario mutato in
 - 1. capsulam bilocularem, corolla
 - a. rotata VERBASCVM *Blattaria*
 - b. tubulosa HYOSCYAMVS
 - 2. baccam monopyrenam LONICERA
- VI. Hexanthera monostyla ARISTOLOCHIA.

§. 288.

Classis tertia plantas flore composito tubulofo fistit, quae sunt.

- I. Antheris distinctis, foliolis calicis communis flosculos
- A. non superantibus SCABIOSA *Succisa*
 - B. multum superantibus. DIPSACVS.

II.

II. Antheris in cylindrum coalitis * calyce squamoso
thalamo

A. nudo, feminibus

I. nudis

- a. oblongis TANACETVM *Balsamita*
- b. tetragonis SANTOLINA

II. coronatis

a. calyce partiali AGERATVM

b. pappo, calyce uniuersali

1. oblongo EVPATORIVM

2. cylindraceo ventricoso SERRATVL

3. cylindraceo basi imbricata PETASITES

4. conico truncato SENECIO

5. squamis superioribus laxioribus GNA-
PHALIVM, *Elichrysum*, *Filago*.

B. papposo, squamis calycis

I. in apice

- a. hamatis LAPP A, *Bardana*
- b. mollioribus CIRSIUM
- c. spinosis CARDVVS
- d. foliosis CARTHAMVS
- e. spinosis ramosis CNICVS

II. membranaceis

a. interioribus coloratis CARLINA.

b. inferius carnosus CYNARA.

III. squamoso, feminibus denticulatis, BIDENS.

§. 289.

Classis quarta plantas flore composito lingulato
sistit, quae sunt, calyce

H 5

I. simpli-

* *Syngenesia* ob antheras coalitas appellat LINNAEVS
et in specie hi compositi flores *syngenesia polygamia*
eiusdem constituant. §. 277.

- I. simplici octophyllo TRAGOPOGON.
- II. Duplicato, altero flosculos, altero basin prioris cingente, thalamo
- A. nudo, seminibus
- I. nudis LAMPSANA
- II. papposis CHONDRILLA.
- III. calyculo proprio et pappis coronato. HY-
SERIS.
- B. papposo CICHOREVUM *Endiuia*.
- III. Squamoso imbricato, thalamo.
- A. papposo, seminibus papposis. HYPOCHAERIS
- B. nudo, seminibus
- I. ouatis, compressis. LACTUCA.
- II. cylindraceis longioribus SCRZONERA.
- III. oblongis, breuioribus, calyce
- a. in conum conniuente SONCHVS
- b. erecto, cylindraceo HIERACIVM Pilosella
- c. foliolis succinatis ornato LEONTODON,
Taraxacum, dens leonis.

§. 290.

Classis quinta plantas flore composito mixto sifit,
componuntur vero

- I. Ex tubulosis et lingulatis calyce
- A. simplici, siue ex una serie squamarum vel laci-
niarum constante, thalamo nudo seminibus
- I. nudis CALENDVLA.
- II. pappo coronatis T V S S I L A G O.
- B. imbricato vel ad minimum ex dupli serie squa-
marum constante, thalamo
- I. nudo seminibus
- a. nudis

I. oblon-

- I. oblongis, calyce hemisphaerico
 - a. planiore L E V C A N T H E M V M
 - $\beta.$ conuexiore M A T R I C A R I A
- 2. ouatis B E L L I S
 - b. pappo coronatis, calyce
 - I. oblongo cylindraceo, squamis
 - $\alpha.$ imbricatis S O L I D A G O.
 - $\beta.$ squamis ad basin calycis breuioribus I A -
C O B A E A.
 - 2. hemisphaerico, squamis
 - $\alpha.$ imbricatis A S T E R
 - $\beta.$ duplii serie positis D O R O N I C V M A r -
nica
 - II. paleis vel villis, vel setis, vel pappis distincte
seminibus
 - a. nudis
 - I. margine utrinque secante E V P H T H A L -
M V M
 - 2. oblongis C H A M A E M E L V M
 - 3. ouatis A C H I L L A E A, *Millefolium*, Ptarmica.
 - 4. angulosis V E R B E S I N A
 - b. calyculo proprio coronatis H E L I A N T H V S
Corona solis.
 - II. Ex tubulosis et nudis, thalamo
 - A. nudo seminibus
 - I. nudis, A R T E M I S I A, *Abrotanum*
 - II. papposis C O N Y Z A
 - B. villoso A B S I N T H I V M.
 - III. Ex tubulosis et neutris, calycis squamis
 - A. integris R H A P O N T I C V M,
 - B. ciliatis C Y A N V S
 - C. spinosis I A C E A,

§. 291.

Classis sexta plantas flore dipetalo fistit, quae sunt.

I. Monanthera STELLARIA.

II. Dianthera CIRCAEA.

§. 292.

Classis septima plantas flore tripetalo fistit, quae sunt

I. Trianthera monostyla TAMARINDVS.

II. Hexantherae

A. Tristylae, calyce

I. persistente. RVMEX *Lapathum Acetosa*.

II. deciduo TRIGLOCHIM

B. polystylia ALISMA.

III. Polyantherae

A. monostyla POLYGALA

B. hexastyla BVTOMVS.

§. 293.

Classis octaua plantas flore tetrapetalo regulari fistit, quae sunt

I. Tetratherae

A. monostylae, calyce

I. nullo VNIFOLIVM

II. quadripartito fructu

a. sicco quadriloculari EVONYMVS

b. pulpofo nucleo biloculari foeto CORNVS

B. tetrastylia POTAMOGETON.

II. Hexantherae fructu*

A. siliculoso

I. uniloculari silicula oblonga compressa lanceolata. **I S A T I S**

II. biloculari silicula

a. elliptico-oblonga compressa. **D R A B A.**

b. basi angustiore apice latiore margine eminente
1. cincta **T H L A S P I**

2. destituta **E V R S A P A S T O R I S**

c. basi latiore apice angustiore margine eminente
1. cincta **N A S T V R T I V M**

2. destituta

α . turgida **C O C H L E A R I A** *Armoracia*

β . compressa **L E P I D I V M.**

B. Siliquofo, siliqua biloculari

I. non dehiscente fungosa **R A P H A N V S**

II. in duas valvas dehiscente

a. angusta, compressa stigmate

1. remanente **C H E I R I** *Cheiranthus*

2. secedente, valvis

α spiraliter reuolutis **C A R D A M I N E**

β . non reuolutis **H E S P E R I S**

b. tetragona

1. longissima **T V R R I T I S**

2. breuiore **E R Y S I M V M**

c. tereti

* Has a fructu breuiore et longiore in *siliculosas* et *siliquofo*as § 154. distinguit R A I V S; a petalis quatuor cruciatim positis *cruciatas* appellat T O V R N E F O R T I V S; LINNAEVS autem ob sex stamina, quorum duo breuiora, quatuor longiora inueniuntur, *tetradynamia* constituit.

- c. tereti calyce floris
 - 1. patente stylo
 - $\alpha.$ breuissimo SISYMBRIVM
 - $\beta.$ longitudine calycis. SINAPI
 - 2. contracto calyce
 - $\alpha.$ virescente BRASSICA
 - $\beta.$ corollae concolore RAPA *Napus*
- d. articulata RAPHANISTRVM

III. Octantherae

- A. Monostylae calyce posito
 - I. supra ouarium EPILOBIVM *Chamaenerion*
 - II. infra ouarium RVTA
- B. Tetrastylia
 - 1. capsula quadriloculari SAGINA
 - 2. bacca quadriloculari PARIS.

IV. Polyantherae

- A. Monostylae, calyce posito
 - I. supra ouarium CARYOPHYLLVS
 - II. infra ouarium stigmate
 - a. peltato. PAPAVER
 - b. bifido capitato CHELIDONIVM
 - c. obtuso CAPPARIS
- B. Polystylae, calyce
 - I. nullo, antheris
 - a. lateri filamentorum adnatis CLEMATIS.
 - b. filamentis insidentibus THALICTRVM
 - II. monophyllo semioctofido TORMENTILLA.

§. 294.

Classis nona plantas flore tetrapetalō irregulari fistit, quae sunt.

I. Hexanthera FVMARIA.

II. Decantherae*, corollae

- A. Vexillo longiore alas et carinam superante
 I. alis et carina aequalibus, legumine
 a. uniloculari, calyce
 1. quinquedentato
 α. tubuloſo OROBV^S
 β. inflato ANTHYLLIS
 2. semiquinquifido, legumine
 α. plano, conuoluto MEDICA
 β. cornuto FOENVGRAECVM
 γ. cylindraceo a latere depresso LATHY-
 RVS

- b. biloculari
 1. gibbo acuminato TRAGACANTHA
 2. loculis ad alterum latus flexis ASTRAL-
 GALVS

- II. carina alis breuiore, legumine
 a. breui TRIFOLIVM, *Melilotus*
 b. rhomboidali turgido CICER
 c. nodoſo ERVVM
 d. articulato ORNITHOPODIVM
 e. cylindraceo non nihil anguloſo LOTVS
 f. oblongo depresso stigmate
 1. obtuso barbato. VICIA
 2. oblongo villoſo. PISVM
 g. quadragonio. FABA

III. carina alis longiore ANONIS

B. Vexillo

* Has plantas ob fructum leguminosas §. 154. RAIUS
 et alii appellarunt; ob quatuor petala singulari mo-
 do disposita papilionaceas §. 116. dixit TOVRNE-
 FORTIVS; ob decem antheras, quas in filamento
 simplici et nouemfido gerunt, diadelphia constituit
 LINNAEVS.

- B. Vexillo breuiore, carina longiore, alis breuioribus SPARTIVM, Genista.
- C. Vexillo et alis aequalibus, carina
 - I. conuoluta. PHASEOLVS
 - II. oblonga compressa GALEGA
- D. Vexillo, carina et alis aequalibus, flore disposito in
 - I. spica verticillata. LUPINVS
 - II. capitulo CORONILLA.

§. 295.

Classis decima plantas flore pentapetalо regulari sistit, quae sunt

I. Pentantherae

- A. Monostylae calyce
 - I. nullo CERATONIA.
 - II. quinquedentato, petalis
 - a. patentibus HEDERA
 - b. in summitate coalitis. VITIS
- B. Distylae
 - I. flore aggregato ERYNGIVM
 - II. flosculis separatis RIBES Grossularia

C. Tristyla TAMARISCVS

D. Tetrastylia PARNASSIA

E. Pentastylae calyce

- I. squamoſo, flore aggregato STATICE
- II. quinquifido simplici, capsula
 - a. uniloculari DROSERA Ros solis
 - b. decemloculari LINVM.

F. Polystyla MYOSVRVS

II. Octanthera distyla ACER.

III. Decantherae

A. Monostyla PORTULACA

B. Distylae calyce

I. tubulofo quinquedentato, basi

a. squamis cincta. PVNICA *Dianthus*

b. nuda SAPONARIA.

II. monophyllo semi quinquifido SAXIFRAGA

C. Tristylae, calyce

I. monophyllo, quinquedentato, orificio tubi

a. nudo SILENE

b. squamulis ornato. CVCVALVS

II. pentaphyllo petalis

a. diuisis ALSINE

b. integris ARENARIA

D. Pentastylae calyce

I. monophyllo orificio tubi

a. nudo AGROSTEMA.

b. squamulis ornato LYCHNIS

II. pentaphyllo vel profundius quinquifido,
capsula

a. uniloculari, dehiscente

1. in valvas quinque SPERGVLA

2. in apice CERASTIVM

b. quintuplici SEDVM

IV. Polyantherae

A. Monostylae

I. calyce fructifero, qui est

a. bacca mollis. MYRTVS

b. pomum coriaceum semina succulenta conti-
nens. PVNICA *Granatus*

II. thalamo fructifero calyce

a. monophyllo

1. tubuloſo AMYGDALVS *Persica*
2. campanulato
- a. deciduo, ſtigmate orbiculato
- a. integerrimo PRVNVS *Armeniaca*
- b. emarginato CERASVS.
- B. perſiſtente PADVS *Laurocerasus*
3. minimo quinque dentato CITRVS *Aurantium, Limon.*
- b. triphyllum CACAO. *Theobroma.*
- c. pentaphyllo
1. deciduo TILIA
2. perſiſtente CISTVS. *Helianthemum*
- B. Distylae
- I. calyce fructifero, fructu
- a. ſiccо AGRIMONIA.
- b. pulpoſo CRA TAEGVS
- II. thalamо fructifero. POEONIA.
- C. Tristylae ſtaminibus
- I. diſtinctis SORBVS
- II. in fasciculos coalitis HYPERICVM
- D. Pentastylae calyce
- I. nullo NIGELLA.
- II. monophyllo quinquisido
- a. calyce fructifero, fructu pulpoſo,, quinque-loculari, loculis
1. cartilagineis PYRVS, *Malus, Cydonia.*
2. offeis MESPILVS.
- b. thalamо fructifero VLMARIA
- E. Polyſtylae calyce
- I. nullo, neclariis corniculatis
- a. praefentibus HELLEBORVS
- b. deficientibus POPVLAGO *Caltha.*
- II. monophyllo

a. quin-

- a. quinquifido
 - 1. calyce fructifero **R O S A**
 - 2. thalamo fructifero **R V B V S**
- b. semidecemfido, seminibus plurimis nudis
adnatis thalamo
 - 1. in pulpam excrescente **F R A G A R I A**
 - 2. in columnulam excrescente **C A R Y O-**
P H Y L L A T A *Geum.*
 - 3. depresso petalis, calyce
 - a. maioribus **P O T E N T I L L A** *Quinquefo-*
lium Pentaphylloides,
 - β. minoribus **C O M A R V M**
- c. quinquefolio deciduo, nectariis
 - 1. ad unguem petali positis **R A N V N C V-**
L V S
 - 2. nullis **A D O N I S.**

§. 296.

Classis undecima plantas flore pentapetalo irregulari sistit, quae sunt

I. Pentantherae

A. Petalo quinto calcare nectarifero praedito
V I O L A

B. Nectario intra petala sito. **B A L S A M I N A** *In-*
patiens.

II. Heptanthera *H I P P O C A S T A N V M*, *E s c u l u s.***III. Decantherae, calyce**

A. Monophyllo, fructu

I. leguminoso, calyce

a. quinque denticulis ornato **G E N I S T A**

b. bilabiato **G L Y Z Y R R H I Z A**

II. pulpofo nucem continente **G V A I A C V M**

B. diphylo vlex *Genista-spartium*

C. pentaphyllo

I. persistente, stigmate

a. simplici PYROLA

b. quintuplici GERANIUM

II. deciduo, fructu

a. quinque capsulari DICTAMNVS *Fraxinella*

b. leguminoso

I. oblongo dissepimentis transuersis CAS-
SIA

2. gibbo, compresso, infexo SENNA.

IV Polyantherae, tristylae, petalo supremo

A. obtuso, piano DELPHINIUM

B. galeato, tubulofo ACONITUM.

§. 297.

Classis duodecima plantas flore pentapetalo umbellato fistit, quas quidem, cum ut plurimum flores irregulares habeant, cum praecedente classe coniungere potuissemus; quoniam tamen multi flosculi ad regularitatem accedunt, et modus florendi in his plane singularis deprehenditur, ne discentes dubia regularitatis et irregularitatis disquisitione confundantur, hanc classem separatim tradere maluimus.

§. 298.

Habent vero umbellae calycem fructiferum quinquidentatum, petala quinque, stamina quinque, stylos duos et semina bina nuda, planis lateribus inter se arctissime coniuncta. In dispositione igitur generum ulteriori botanici methodici, vel ad seminum figuram reliquasque proprietates, vel ad inuolucri uniuersalis, quod umbellam compositam cingit, et partialis,

partialis, quod umbellulam minorem cingit, differentiam respiciunt. Nos quidem in seminibus tantam signorum constantiam deprehendimus, ut ad illa primaria attendendum esse arbitremur.

§. 299.

Plantarum umbelliferarum semina sunt

I. Lata

A. Compressa, inuolucro uniuersali

I. nullo, partiali

a. nullo, seminibus

1. leuibus PASTINACA.

2. striatis ANETHVM.

b. ex non nullis foliolis constante, petalis

I. in margine umbellae profunde bifidis
SPHONDYLIVM.

2. ferme aequalibus. IMPERATORIA.

II. polyphyllo

a. persistente, partiali polyphyllo

1. maiore SELINV M. Oreoselinum, Thysselinum, Ceruaria.

2. minore PEVCEDANVM.

b. deciduo. FERVLA

B. Turgida.

I. alata, inuolucro partiali et uniuersali

a. praesente ANGELICA

b. deficiente AEGOPODIVM Podagaria.

2. quatuor membranis ornata LASERPITIVM

3. hispida CAVCALIS Echinophora

4. lappacea SANICVL A.

II. Longa**A. gracilia**I. villosa. **CVMINVM.**II. hispida **DAVCVS Staphylinus**

III. superne attenuata.

a. longius producta **SCANDIX**b. ouato-subulata **CHAEROPHYLLVM Cer-**
*folium***B. Turgida.**

I. profundius striata inuolucro uniuersali

a. nullo **FOENICULVM**b. heptaphyllo **LIGVSTICVM**c. polyphyllo **MEVM.****II. leuius striata**a. oblonga **SILER**b. acuminata **PHELLANDRIVM.**c. coronata **OENANTHE.****III. Crassa et ratione crassitiei breuiora nec adeo lata.****A. Glabra CORIANDRVM.****B. Sriata inuolucro uniuersali****I. nullo, partiali**

a. nullo, foliis plantae

1. trilobis non petiolatis **ANISVM.**2. multifidis foliolis ad vaginam positis
CARVI Carum3. pinnatis **PIMPINELLA Tragofelinum**b. foliolis linearibus in margine umbellae extus positis **ETHUSA Cynapium**c. polyphyllo **CICUTA Cicutaria****II. polyphyllo foliolis**a. pinnato acutis **AMMI**

b. angustis simplicibus ramis plantae

1. dichotomis. CONIVM *Cicuta*
2. simplicibus SIVM *Sifarum*
- c. paruis numero incertis. VAPIVM

§. 300.

Classis decima tertia plantas flore hexapetalo sistit,
quae sunt;

- I. Diantherae**, corolla irregulari petalo inferiore
- A. integro
 - I. longiore angusto SATYRIVM.
 - II. breuiore incurvo HELLEBORINE.
 - III in acumen producendo EPIDENDRVM.
 - B. diuiso
 - I. longiore angusto OPHRIS
 - II. breuiore ampliore NEOTTIA *Nidus quis*
 - C. trifido ORCHIS.
- II. Hexantherae monostylae**, calyce
- A. nullo, petalis
 - I. deciduis, stylo
 - a. longo, stigmate
 1. triangulari,nectario ad basin petali
 - α. linea longitudinali LILIVM
 - β. fouea hemisphaerica. PETILIVM *Crona imperialis*
 2. acuto SCILLA
 - b. breuissimo, stigmate
 1. triangulari TULIPA
 2. punctato ACORVS
 - II. persistentibus
 - a. capsula
 1. triloculari ORNITHOGALVM
 2. triplici VERATRVM
 - b. bacca triloculari ASPARAGVS.

B. monophyllo

I. Spatha

a. oblonga **L E V C O I V M**

b. subrotunda, filamentis staminum

I. latis **P O R R V M**

2. angustis

α. cœrolla breuioribus **C E P A**β. longitudine corollae **A L L I V M**II. campanulato **P E P L I S Portula**C. Hexaphyllo **B E R B E R I S.**

III. Polyantherae.

A. Monostylæ, calyce

I. nullo **L A V R V S Cinnamomum. Camphora. Benzoin. Sassafras.**II. cylindraceo dentato **S A L I C A R I A**III. plano sexpartito **T H E A**B. Polystylæ **P V L S A T I L L A.**

§. 301.

Classis decima quarta plantas flore polypetalō
sistit, quae sunt:

I. Polyantherae.

A. Monostylæ, calyce

I. nullo **H Y P O P Y T I S**II. tetraphyllo vel pentaphyllo **N Y M P H A E A.**

B. Pentastylæ calyce

I. nullo, petalis quinque nectariferis **A Q V I L E G I A.**II. monophyllo quinquifido **F I L I P E N D V L A.**

C. Polystylæ calyce

I. nullo **A N E M O N E**II. monophyllo multifido **S E M P E R V I V U M**III. triphylllo **H E P A T I C A.**

§. 203.

§. 302.

Classis decima quinta plantas flore apetalo fistit,
quae sunt.

I. Triantherae

A. monostylae, semine triquetro, villis

I. deſtituto. **CYPERVS.**

II. cincto

a. breuioribus **SCIRPV S**

b. longiſſimis **LINAGROSTIS** *Eriophorūm*

B. distylae, calyce exteriore

I. unifloro

a. biualui calyce interiore

1. uniualui **ALOPECVRVS.**

2. biualui **PHLEV M**

b. triualui **MILIV M**

c. villoſo **SACCHARVM**

II. multifloro.

a. uniualui **LOLIVM**

b. biualui, calyce interiore biualui, valuula

1. utraque

α . acuminata **ARVNDO**

β . acumine deſtituta **BRIZA**

2. exteriori

α . aristata floribus

a . laxis **AVENA**

b . in spicam digestis **SECALE**

β . acuminata. **TRITICVM.**

c . hexaphyllo **HORDEV M.**

II. Tetratherae

A. monostylae calyce

I. octopartito **ALCHIMILLA.**

II. quadripartito floribus

a. in glomerulos collectis **PARIETARIA**
 b. receptaculo communi plano insertis **DOR-
 STENIA.**

B. Distyla **APHANES**

III. Pentantherae

A. monostylae, stigmate
 I. simplici **LINOSYRIS**
 II. duplice, calyce
 a. monophyllo dentato **HERNIARIA**
 b. pentaphyllo colorato **PERSICARIA**
 B. Distylae, stigmatibus
 I. obtusis **CHENOPODIUM**
 II. acutis **BETA**
 III. recurvis, semine
 a. orbiculato compresso **ATRIPLEX**
 b. coquleato **KALI**
 IV. pubescentibus **VLMVS.**

IV. Hexantherae

A. monostyla, stigmate triplici **IVNCVS**
 B. distyla. **ORYZA.**

V. Octantherae

A. distyla **CHRYSOSPLENIUM**
 B. tristylae, stigmate
 I. capitato **FAGOPYRVM**
 II. acuto, limbo calycis
 a. erecto **BISTORTA**
 b. patente **POLYGONVM**

VI. Dodecanthera *ASARVM.*

VII. Polyantherae, calyce

A. in limbo diuiso. **HYPOCISTRIS**
 B. Spatha monophylla, **ARVM.**

§. 303.

Classis decima sexta plantas flore relatiuo mono-
phyto sifit quae sunt.

I. Monopetalae

A. Tetratherae, calyce

I. tetraphyllo VISCUM

II. amentaceo BETULA

B. Pentantherae, staminibus

I. Distinctis XANTHIVM

II. in filamentis vel antheris varie coalitis, anthe-
risa. linearibus sursum deorsumque reptantibus,
stigmate

I. trifido seminibus

α. emarginatis CVCVRBITA

β. margine tumido cinctis PEPPO, *Melopepo*

2. triplici fructu pulpoſo triloculari

α. longo CVCVMIS

β. globoſo, foliis

a. integris MELO

b. laciniatis, carne

a. dulci ANGVRIA

b. amara COLOCYNTHIS

b. duabus bifidis tertia simplici, fructu pulpoſo

I. turbinato MOMORDICA

2. oblongo hispido. ELATERIVM

3. globoſo paruo BRYONIA.

C. Polyantherae, flore stamineo

I. quadrifido PTERIVM

II. sexfido TYGLANS.

II. Dipetala in flore stamineo, tripetala in flore pi-
stillato BVXVS

III. Tripetala in utroque flore SAGITTARIA

IV. Te-

IV. Tetrapetala CISSAMPELOS.

V. Hexapetala SMILAX.

VI. Apetalae

A. Triantherae, monostylae, stigmate

I. simplici, amento

a. subrotundo SPARGANIVM

b. cylindraceo TYPHA

II. duplii CAREX

B. Tetratherae

I. monostylae, anthoris insertis

a. filamentis VRTICA

b. squamis calycis CYPRESSVS

II. distylae floribus digestis in

a. racemum MORVS

b. amentum cylindraceum ALNVS

C. Pentanthera AMARANTHVS

D. Polyantherae

I. monostylae, squamis florum pistillatorum

a. unifloris ABIES

b. bifloris. PINVS Larix

II. distylae, calyce floris staminei

a. amentaceo

1. conico LIQVIDAMBAR

2. cylindrico, nuce

α. ouata angulosa CARPINVS

β. acuminata CORYLVS

b. monophyllo quinquifido. QVERCVS Ilex.
Suber.

III. trifylae, staminum filaments

a. distinctis FAGVS Castanea

b. in varia corpora coalitis RICINVS.

§. 304.

Classis decima septima plantas flore relatiuo diphyto sistit, quae sunt.

I. Monopetalae

- A. Trianthera P H V vid. *Valeriana* §. 287.
- B. Pentanthera C E R V I S P I N A

II. Tripetalae

- A. Hexanthera, tristyla ACETOSA vid. *Rumex* §. 292.
- B. Enneanthera, polystyla H Y D R O C H A R I S.

III. Tetrapetala R H O D I O L A

IV. Pentapetalae, Pentantherae

- A. distyla, bacca cordata biloculari P A N A X.
- B. tristyla, capsula triloculari C L V T I A.

V. Apetalae.

A. Diantherae, calyce

- I. monophyllo quadripartito. F R A X I N V S *Ornus*
- II. amentaceo S A L I X

B. Trianthera I V N I P E R V S. *Sabina. Cedrus*

C. Pentantherae

I. distylae, inuoluero floris pistillati exteriore

- a. nullo C A N N A E I S
- b. quadrifido. L V P V L V S

II. tristyla P I S T A C I A. *Terebinthus. Lentiscus.*

III. tetrastylia S P I N A C I A.

D. Octanthera P O P V L V S

E. Enneanthera M E R C V R I A L I S

F. Polyanthera T A X V S.

§. 305.

Classis decima octaua plantas flore nudo sistit.
Ex plantis hic considerandis P I P E R, quod antheras
duas et gerimen maximum ostendit, forsitan unica vel
notatu

notatu dignissima est. Liceat tamen plantas, in quibus floris structura vel imperfecta vel incerta est, et quas LINNAEVS *cryptogamias* appellat, hic recensere et quidem ob dubiam in plurimis floris fabricam ex habitu externo diiudicare.

§. 306.

Sunt vero plantae

I. Terrestres**A. Herbaceae**

I. calyce flores et semina continent, pulpoſo baccae ſimili. **FICVS.**

II. racemosae, ſpica

a. ouata, squamulis reflexis **EQUISETUM**

b. oblonga, imbricata **LYCOPODIVM**

c. cellulosa

1. simplici, **OPHIOGLOSSVM**

2. ramosa, **OSMVNDA.**

III. Muscosae vafculis, puluere repletis, non nunquam calyptra teftis, **MVSCI** et horum genera inferiora v. c. **POLYTRICHVM.**

IV. Epiphylospermae folio

a. simplici **PHYLITIS** *Lingua ceruina*

b. magis composito

1. laciniato

α. ad basin usque **POLYPODIVM**

β. ad medium partem **ASPLENIUM** *Ceterach*

2. pinnato, pinnulis

α. ad neruum usque ſectis **FILIX.**

β. subrotundis ſeminibus poſitis

1. ad neruum **TRICHOMANES**

2. in ambitu **ADIANTHVM** *Capillus-veneris. Ruta-muraria*

B. coria-

B. coriaceae LICHENES et eorum genera inferiora. v. C. MARCHANTIA

C. carnosae FVNGI et eorum genera inferiora v.
C. LYCOPERDON.

II. Aquaticae

A. Aquis innatantes LENTICVL

B. Ad ripas positae, radice fibrosa ALGAE

C. Submarinae *.

I. mollieris et herbaceae structuræ, FVCI
SPONGIAE etc.

II. corneae KERATOPHYTA et CORALLINAE

III. Lapideæ cortice

a. obductæ CORALLIVM

b. destitutæ. MADREPORÆ, ESCHARÆ etc.

§. 307.

Postquam igitur hactenus generum dispositio-
nem et denominationem in variis exemplis declara-
uimus, species quoque non nullas exhibere instituto
nostro conuenire cognouimus; omnium tamen ge-
nerum, hactenus recensitorum, species in medium
proferre superfluum iudicauimus, ideoque tantum
plantas officinales, ordine alphabetico sistere et no-
mina genuina specifica addere decreuimus, quo Au-
ditores nostri in his potissimum disquirendis se exer-
cere queant.

§. 308.

* Has plantas ex vegetabilium numero eximendas et
ut opus polyporum, domicilia sua exstruentium,
considerandas esse, recentiores statuunt. Nos, qui
in non nullis hoc assertum satis confirmatum vidi-
mus, eo tamen non deduci possumus, ut omnes ex
vegetabilium numero eximamus.

§. 308.

Quoniam vero numerus officinalium plantarum maximus est, relictis illis speciebus, quae ex nomine generico facile cognoscuntur, illas tantum adducturi sumus, quae vel ad aliud genus transferenda, vel ex magno specierum numero feligendae, vel ob synonymiam et homonymiam quandam annotandae sunt; in primis autem exoticas, a recentioribus definitas, plantarum officinalium species adiunximus.

A BRO TAN V M	<i>Artemisia</i> foliis ramosissimis setaceis caule eretto fruticoso.
A BSINTH I V M	<i>Artemisia</i> foliis compositis multifidis subtus tomentosis floribus pendulis.
A BSINTH I V M	— — foliis compositis multifidis floribus subglobosis pendulis.
A CACIA E flores	<i>Prunus</i> spinosa foliis lanceolatis
A CACIA E succus	— — spinis geminis distinctis, foliis duplicato pinnatis.
A CET O S A	— — foliis oblongo sagittatis.
A CET O S ELLA	<i>Oxys</i> radice squamosa articulata.
A CMELLA	<i>Verbesina</i> foliis oppositis lanceolato ouatis petiolis ferratis pedunculis unifloris caule dichotomo.
A COR V S palustris	<i>Iris</i> corollis imberibus, petalis interioribus stigmate minoribus foliis ensiformibus.
A DIANTH V M album	<i>Asplenium</i> frondibus alternatim decompositis foliolis cuneiformibus crenulatis.
A DIANTH V M aureum	<i>Polytrichum</i> capsula parallelipipeda.

- A D I A N T H V M** *Asplenium* frondibus duplicato pinnatis, pinnis subouatis superne crenatis, foliolis inferioribus majoribus.
- A G N V S C A - S T V S** *Vitex* foliis digitatis, floribus verticillatis.
- A L K E K E N G I** — — foliis ad nodos geminatis.
- A L L I V M** — — bulbis radicalibus multiplicibus, capitulo bulbifero.
- A L O E** — — foliis spinosis, confertis, dentatis, vaginantibus maculatis.
- A L T H A E A** — — foliis simplicibus tomentosis.
- A M M I** — — foliis caulinis ramosis, foliolis lanceolatis.
- A M Y G D A L V S** — — foliis petiolatis, ferraturis infimis glandulosis.
- A N A G A L L I S** — — foliis ouatis, flore phoeniceo.
- A N G E L I C A** — — foliis ramosis, lobatis.
- A N O N I S** — — floribus sessilibus, solitariis lateralibus.
- A N T H E L M I A** *Spigelia.*
- A N T H O R A** *Aconitum* foliorum lacinii linearibus ubique eiusdem latitudinis.
- A P I V M** — — foliolis caulinis cuneiformibus.
- A R G E N T I N A** *Potentilla* foliis pinnatis caule repente.
- A R I S T O L O C H I A** rotunda vera — — foliis cordatis integerrimis, floribus solitariis, erectis, radice tuberosa, rotunda.
- A R I S T O L O C H I A** longa vera — — radice tuberosa longa a praecedente differt.

- A**RISTOLOCHIA longa vulgaris — — foliis cordatis, petiolatis, floribus confertis.
- A**RISTOLOCHIA rotunda vulgaris. *Fumaria* caule simplicissimo, diphylo, foliolis ad flores integris.
- A**RISTOLOCHIA fabacea *Fumaria* caule simplicissimo, diphylo, foliolis ad flores incisis.
- A**RMORACIA *Cochlearia* foliis radicalibus lanceolatis, crenatis, caulinis incisis.
- A**RNICA *Doronicum* foliis caulinis oppositis.
- A**RTEMISIA — — foliis pinnatifidis planis, laciniatis, floribus erectis.
- A**RVUM — — foliis hastatis integerrimis spadice clauato.
- A**SPARAGVS — — inermis, foliis compositis, setaceis.
- A**SSA FOETIDA *Ferula* foliis alternatim sinuatis, obtusis.
- A**VRANTIVM *Citrus* petiolis alatis.
- B**ALAVSTIA *Punica* siue *Granatus*.
- B**ECCABUNGA *Veronica* racemis lateralibus foliis ouatis, planis, caule repente.
- B**ELLIS maior *Leucanthemum* foliis oblongis, amplexicaulibus ferratis.
- B**ELLIS minor — — Scapo nudo, unifloro.
- B**ENZOIN *Laurus* foliis eneribus, obuerse ouatis, utrinque acutis, integris, annuis.
- B**ONVS HENRICVS *Chenopodium* foliis triangulari-sagittatis, integerrimis.
- B**ORRAGO — — calycibus patentibus flore coeruleo.
- B**RVNELLA — — bracteis cordatis.

BRYONIA	— — foliis quinquangularibus utrinque scabris.
BVGLOSSVM	— — foliis lanceolatis.
CALAMIN- THA	— — floribus confertis, in pedunculis ex alis foliorum.
CALAMVS aromaticus	<i>Acorus.</i>
CALENDVLA	— — seminibus radii echinatis, disci dentatis, flore minore.
CAMPHORA	<i>Laurus</i> foliis lanceolato ouatis trineruiis, neruis supra basin unitis.
CANELLA alba	<i>Laurus</i> foliis eneruiis obuerse ouatis obtusis.
CANNABIS	— — foliis digitatis.
CAPILLVS veneris	vid. <i>Adiantum nigrum.</i>
CAPPARIS	— — aculeata.
CAPSICVM	— — annum.
CARDAMO- MVM	<i>Amomum</i> scapo bracteis alternis, laxis, caule breuiore.
CARDVVS benedictus	<i>Cnicus</i> caule diffuso, foliis dentato sinuatis.
CARDVVS Mariae	— — squamis calycinis, margine et apice spinosis.
CARTHAMVS	— — foliis ouatis integris, margine aculeatis.
CARVI	<i>Carum.</i>
CARYOPHYL- LATA	— — flore erecto minore, semibus apice uncinatis.
CASCARILLA	<i>Clutia</i> foliis cordato-lanceolatis.
CASSIA fistula	— — foliolis quinque pinnis, ouatis, acuminatis, glabris, petiolatis.

CASSIA	<i>Laurus</i> foliis lanceolatis, trineruiis, neruis supra basin unitis.
lignea	
CATAPVTIA	<i>Euphorbia</i> inermis, foliis oppositis lanceolatis, umbella trifida, uni- uersali polyphylla, partialibus triphyllis, reliquis diphyllis.
CEPA	— — scapo ventricoso, foliis lon- giore.
CHAEROPHYL-	— — feminibus nitidis.
LVM	
CHAMAEDRYS	<i>Teucrium</i> foliis ouatis, inciso cre- natis, petiolatis, floribus laxe verticillatis.
CHAMAEPY- TIS	<i>Teucrium</i> foliis linearibus, trifidis, integerrimis.
CHELIDO- NIV M maius	<i>Chelidonium.</i>
CHELIDONIVM minus.	
CHINA cor- tex	<i>Ficaria. Ranunculus</i> foliis cordatis, dentatis, petiolatis.
CHINA radix	<i>Cinchona.</i>
CICHOREVUM	<i>Smilax</i> farmentis spinulosis, sinuo- sis foliis quinque nerueis utrin- que cordatis.
CICUTA	— — caule simplici foliis angu- stis.
CINNAMO- MVM	<i>Conium.</i>
CITRVS	<i>Laurus</i> foliis subouatis trineruiis basi neruos unientibus.
COCHLEARIA	— — petiolis non alatis. — — foliis radicalibus subrotun- dis, caulinis oblongo sinuatis.
CONTRAIERVA	<i>Dorstenia</i> scapis radicatis.

CORNVS	— — umbellis inuolucrum aequantibus.
COSTI radix	<i>Cofius.</i>
CROCVS	— — tubis longius eminenibus.
CVRCVMA	— — foliis lanceolatis utrinque acuminatis neruis lateralibus numerosissimis.
CYANVS	— — foliis linearibus.
CYCLAMEN	— — foliis cordatis, corolla reflexa.
CYNOGLOSSVM	— — foliis lanceolato-ouatis tomentosis, corollis calycem aequantibus.
CYPERVS longus	— — culmo triquetro folioso, panicula foliosa supradecomposita, pedunculis nudis spicatis alternis
CYPERVS rotundus	— — culmo triquetro subnudo, umbella decomposita, spiculis alternis linearibus.
DICTAMNVS albus	<i>Dictamnus, Fraxinella.</i>
DICTAMNVS creticus	<i>Origanum</i> foliis tomentosis, spicis nutantibus.
DVLCAMARA	<i>Solanum</i> caule inerme perenni flexuoso, foliis superioribus hastatis.
EBVLVS	<i>Sambucus</i> caule annuo simplici.
ENVLA	vid. <i>Helenium.</i>
ERYNGIVM	— — foliis radicalibus pinnatim tripartito diuisis.
ERYSIMVM	— — siliquis cauli appressis.
EUPHORBIVM	<i>Euphorbia</i> aculeata quadrangularis nuda.
FILIX	— — ramosa, foliolis pinnatis.

FOENUGRAE-	— — leguminibus sessilibus erectis.
CVM	— — fructu monospermo.
FVMARIA	<i>Kaempferia</i> foliis ouatis sessilibus.
GALANGA	<i>Bubon</i> foliis rhomboideis, ferratis, glabris, umbellis paucis.
GALBANVM	— — foliis lanceolatis, ramis teretibus striatis.
GENISTA	— — foliis cordatis incisis.
GENTIANA alba	<i>Selinum</i> foliis radicalibus ouatis, inaequaliter ferratis.
GENTIANA nigra	— — floribus lateralibus confertis, pedunculatis, corollis rotatis.
GENTIANA rubra	— — leguminibus glabris.
GLYCYRRHIZA	— — caninum radice repente.
GRAMEN	— — foliis pinnatis foliolis quatuor obtusis.
GVAIACVM	<i>Aster</i> foliis ouatis, rugosis, subtus tomentosis, amplexicaulibus, calycum squamis ouatis, patulis.
HELENIVM	<i>Veratrum</i> caule ramoso.
HELLEBORVS albus	— — caule subnudo bifloro, pendunculo communi bipartito.
HELLEBORVS niger verus	<i>Adonis</i> radice perenni flore luteo magno.
HELLEBORVS niger vulgaris	<i>Hepatica.</i>
HEPATICA nobilis	<i>Marchantia</i> calyce communi quadripartito, laciinis tubulosis.
HEPATICA fontana	<i>Iris</i> corollis imberibus, foliis tetragonis.
HERMODA- CTYLVS	<i>Salvia</i> foliis obtusis crenatis bracteis summis maioribus coloratis.
HORMINVM	

- HYOSCYAMVS** — — foliis amplexicaulibus.
HYPERICVM — — caule annuo foliis punctatis obtusis.
HYSSOPVS — — spicis homomallis flore coeruleo.
IRIS — — corollis barbatis caule foliis longiore multifloro.
IPECACVAN- *Lonicera* caule repente, foliis ob-
HA uerse ouatis, acutis, scabris.
IVNIPERVVS — — foliis sessilibus patentissimis.
KALI *Salicornia* geniculata annua.
KEIRI *Cheiri* foliis lanceolatis acutis gla-
 bris.
LAVENDVL A — — foliis lanceolatis, integris,
 spicis nudis.
LAVRVS — — foliis lanceolatis, venosis,
 rigidis, perennibus.
LEVISTICVM *Ligusticum* foliis multiplicibus folio-
 lis superne incisis.
LILIVM — — foliis sparsis corollis intus
 glabris.
LILIVM *Conuallaria*.
 conuallium
LINARIA — — foliis linearibus sparsis.
LINVM — — foliis alternis, lanceolatis,
 integerrimis, calycibus acuminate-
 natis, angulatis, capsulis mu-
 cronatis.
LINVM — — foliis oppositis, ouato- lan-
 ceolatis, petalis acutis.
LIQVIRITIA vid. *Glycyrrhiza*.
LYCOPERDON — — ore acuminato dentato.
LYCOPODIVM — — caule repente, foliis patu-
 lis.

- MAIORANA** *Origanum* foliis ouatis, obtusis,
spicis confertis, compactis, pu-
bescens.
- MALVA** — — foliis rotundatis, sinu-
atis, ferratis.
- MANNA** *Fraxinus* floribus completis.
- MARRUBIVM** — — denticulis calycinis setaceis,
uncinatis.
- MARVM
verum** *Teucrium* foliis ouatis utrinque acu-
tis, integerrimis, floribus soli-
tariis spicatis.
- MATRICARIA** — — foliis compositis planis, fo-
liolis ouatis, incisis, peduncu-
lis ramosis.
- MELILOTVS** — — caule erecto, leguminibus
nudis, dispermis.
- MELISSA** — — floribus verticillatis, in unum
latus reflexis.
- MENTHA** — — spicis solitariis interruptis,
foliis lanceolatis sessilibus.
- MENTHA
crispa** — — floribus spicatis, foliis corda-
tis, dentatis, undulatis, sessili-
bus.
- MERCVRIA-
LIS** — — caule brachiato, foliis gla-
bris.
- MILLEFOLI-
VM** *Achillea* foliis duplicato pinnatis,
glabris, laciniis linearibus acute
laciniatis.
- MOMORDICA** — — fructu tuberculato, foliis
glabris.
- MYRTVS** — — floribus sparvis.
- NICOTIANA** — — foliis lanceolatis.
- NIGELLA** — — floribus inuolucro tenuiter
laciniato cinctis.

NYMPHAEA	— — calyce tetraphyllo, flore albo.
NYMPHAEA	— — calyce pentaphyllo, flore luteo.
OLEA	— — foliis lanceolatis, ramis te- retiufculis.
OPOPANAX	<i>Pastinaca</i> foliis decompositis pin- natis.
OREOSELI- NVM	<i>Selinum</i> pinnis ad angulos obtusos pinnatis, pinnatis incisis, non ferratis.
ORIGANVM vulgare	— — foliis ouatis spicis laxis, ere- tis, confertis, paniculatis.
ORIGANVM creticum	— — foliis ouatis acutis glabris, venis scabris, spicis tetragonis.
OSTRVTIVM	<i>Imperatoria.</i>
PAPAVER erraticum	— — caule multifloro folioso hi- spido, foliis pinnatifidis, capsu- lis laeuiibus.
PAPAVER album	— — caule multifloro foliis sim- plicibus, glabris, incisis, con- tinuis.
PAREIRA braua	<i>Cissampelos</i> foliis peltatis, cordatis, emarginatis.
PENTAPHYL- LVM	<i>Potentilla</i> foliis digitatis ferratis, cau- le repente, pedunculis unifloris.
PIMPINELLA alba	— — foliis subrotundis.
PIMPINELLA sanguisorba	<i>Sanguisorba</i> spicis ouatis.
PIPER nigrum et album	— — foliis ouatis subseptineruiis glabris, petiolis simplicissimis.
PIPER longum	— — foliis cordatis partim petio- latis partim sessilibus.

P<small>ISTACIA</small>	<i>Terebinthus</i> foliis impari pinnatis, foliolis ouato lanceolatis.
P<small>LANTAGO</small> maior	— — foliis ouatis, spica longiore.
P<small>LANTAGO</small> minor	— — foliis lanceolatis spica fe- re ouata.
P<small>RIMVLA</small> veris	— — foliis denticulatis rugosis, limbo petali concauo.
P<small>OLIVM</small> creticum	<i>Teucrium</i> foliis lanceolato linear- bus integerrimis racemo subspi- cato.
P<small>SYLLIVM</small>	<i>Plantago</i> caule ramoso foliis inte- gerrimis.
P<small>TARMICA</small>	<i>Achillea</i> foliis integris minutissime ferratis.
P<small>VLEGIVM</small>	<i>Mentha</i> floribus verticillatis foliis ouatis obtusis, crenatis, caulibus teretibus, repentibus.
P<small>VLMONARIA</small>	— — foliis radicalibus ouato cor- datis.
P<small>VLMONARIA</small> arborea	<i>Lichen</i> foliaceus, repens, laciniatus, obtusus, glaber, supra lacuno- sus, subtus tomentosus.
P<small>YROLA</small>	— — foliis subrotundis.
R<small>HABARBA</small>	<i>Rheum</i> foliis subuillosis, petiolis
R<small>V M VERUM</small>	aequalibus.
R<small>HAPONTI-CVM</small>	<i>Rheum</i> foliis glabris, petiolis sub- fulcatis.
R<small>IBESIVM</small>	<i>Ribes</i> inerme, corolla planiuscula, racemis pendulis.
R<small>VBVS</small> idaeus	— — caule hispido, foliis terna- tis, raro quinatis.
R<small>VTA</small>	— — foliis decompositis.

- RUTA muraria vid. *Adianthum album*.
- SALVIA — — foliis lanceolato ouatis crenulatis, floribus spicatis, calycibus acutis.
- SAMEVCVS — — caule perenni, foliis compositis, foliolis oblongis, crenatis.
- SAR SAPA-
RILLA *Smilax* caule angulato, aculeato foliis dilatato cordatis inermibus.
- SASSAFRAS *Laurus* foliis integris, trilobisque.
- SATVREIA — — erecta annua.
- SAXIFRAGA — — radice granulosa.
- SCABIOSA — — corollulis quadrifidis, foliis lanceolatis incisis.
- SCAMM MO-
NIVM *Convolvulus* foliis sagittatis, poste
ce truncatis, pedunculis ramosis
bifloris.
- SCILLA — — radice tunicata.
- SCORDIVM *Teucrium* foliis ouato-lanceolatis,
sessilibus, floribus subbinatis.
- SCORZONE-
RA — — caule subnudo unifloro fo
liis neruosis planis.
- SEBESTEN *Cordia* foliis subouatis, ferratoden
tatis.
- SEMPERVI-
VV M — — foliis radicalibus carnosis,
caulinis imbricatis, tenuioribus,
corymbo racemoso, reflexo.
- SENEGA *Polygala* caule simplicissimo, foliis
ouato lanceolatis, erectis, alter
nis, integerrimis, racemo ter
minante, erecto.
- SENNA — — foliolis tripinnibus et qua
drupinnibus subouatis.

- SERPENTA- *Aristolochia* caulis infirmis, angulosis, flexuosis, foliis cordato-oblongis, planis, floribus recuruis, solitariis.
- RIA virginia- — filiis hispidis, apice oblique longissimo.
- na
- SINAPI — caule inermi, annuo, foliis ouatis, angulatis.
- SOLANVM
- STOECHAS *Lauendula* foliis lanceolatis, linearibus, spica comosa.
- arabica
- STOECHAS *Gnaphalium* foliis lanceolatis, inferioribus obtusis, caule herbaceo simplicissimo, corymbo composto.
- citrina
- STORAX *Liquidambar*.
- SVCCISA *Scabiosa* corollulis quadrifidis foliis lanceolatis ouatis.
- TACAMAHACA *Populus* foliis oblongis, acutis.
- TANACETVM — foliis duplicato pinnatifidis, foliis lanceolato ouatis.
- TARAXACVM *Leontodon* calyce inferne reflexo.
- TRIFOLIVM — capitulis subrotundis, caule procumbente, flosculis pedunculatis.
- TRIFOLIVM *Menyanthes* foliis ternatis.
- fibrinum
- TVNICA — floribus sparsis, squamis calycinis subouatis, breuissimis limbo petalorum crenato atro purpureo.
- TVRPETHVM *Convolvulus* foliis cordatis, angulatis, caule membranaceo quadrangulari.

TYSSILAGO	— — foliis cordatis, angulatis, denticulatis.
THYSELINVM	<i>Selinum laetescens</i> , radice unica.
VALERIANA maior	— — foliis radicalibus integris, caulinis pinnatis.
VALERIANA minor	— — foliis omnibus pinnatis.
VANILLA	<i>Epidendrum</i> foliis ouato oblongis neruosis, sessilibus, caulinis, cir- rhis spiralibus.
VERBASCVM	— — caule simplici, floribus spi- catis sessilibus, foliis utrinque villosis.
VERBENA	— — foliis laciniatis, spicis filiformi- bus.
VERONICA	— — spicis pedunculatis laterali- bus, caule procumbente.
VINCETOXI- CV M	<i>Asclepias</i> caule erecto annuo, foliis ouato lanceolatis, floribus con- fertis.
VIOLA	— — repens pedunculis radicatis, flore ex coeruleo purpurascente.
VIRGA aurea	<i>Solidago</i> caule erecto, racemis alter- nis erectis.
VRTICA	— — foliis ouatis floribus perfe- ctis, amentis cylindraceis.
ZEDOARIA	<i>Kaempferia</i> foliis lanceolatis petio- latis.
ZINGIBER	<i>Amomum</i> scapo radicato, spica oua- ta.

§. 309.

Speciebus expositis non nulla quoque exempla,
quae varietates specierum declarant, addere conue-
nit,

nit, quo appareat, varietates coloris, in diuersis plantae partibus conspicuas, praecipue hoc referri posse, licet et augmenta et decrementa partium, ex variis accidentalibus vegetationis causis oriundae, simul in censum veniant.

Agrimonia officinarum

— — odorata

— — fl. albo

Anonis flore purpureo spinosa.

— — — non spinosa

— — — albo spinosa

— — — non spinosa.

Artemisia caule rubro.

— — albido.

— — foliis viridibus.

— — variegatis.

Bellis sylvestris minor

— hortensis rubra flore multiplici fistuloſo.

Cichoreum sylvestre flore coeruleo

— — — — albo

— — — — roſeo

Hepatica flore simplici albo

— — — — coeruleo

— — — — purpureo

— — — — pleno coeruleo

— — — — purpureo.

Matricaria flosculis radii fistulosis

— — — — lingulatis planis

— — — — auctis siue flore pleno

— — — — deficientibus siue disco nudo.

Rosa flore albo sylvestris

— — — — pleno

— — — — rubro sylvestris

Rosa

Rosa flore rubro semiplena siue damascena
 — — pleno siue centifolia.

Scilla radice rubra.
 — — alba.

Solanum officinarum baccis nigris.

— — — puniceis.
 — — — luteis.
 — — — maioribus.

Vinca latifolia maior.

— — officinarum flore coeruleo.
 — — flore albo.

— angustifolia variegata.

— — flore pleno purpureo.

Viola martia flore simplici odorato.

— — pleno.
 — — albo.
 — — ex albo et purpureo variegato.



P A R S II.
C O N S I D E R A T I O V E G E -
T A B I L I V M P H Y S I C A .

§. 310.

Planta est corpus naturale, successiva euolutione partium conspicuum, mutationes igitur, in ea obuenientes, ex ipsa natura siue compositionis ratione, per varias causas externas determinata, dependent et explicantur. Disquirendum itaque est, quomodo hae mutationes partim per structuram et dispositionem partium, plantam componentium, partim per actionem aliorum corporum naturalium in easdem definiuntur; quae quidem doctrina in genere a nobis delineanda est, antequam ad specialem tractationem perueniamus.

C A P V T I.
D E C O N S I D E R A T I O N E V E G E -
T A B I L I V M P H Y S I C A I N
G E N E R E .

§. 311.

Vegetatio est successiva plantae mutatio, quae a definito fluidorum per solida motu producitur; causa igitur praecipua, per quam vegetatio determinatur, in fabrica partium solidarum posita est, intra quarum nimirum interstitia humores, particulis nutrientibus scatentes, suscipiuntur et ita diriguntur, ut non tantum extensionem et incrementum corporis

ris vegetabilis praestent, sed et simul functiones eisdem proprias perficiant.

§. 312.

Particulas has nutrientes, salino-oleoso-terrestres, aqua suscipit, quae in plantam penetrat, aeris beneficio in ea distribuitur et calore vel igne in hoc motu sustinetur. Superfluum omnino esset, si haec corporum principia, siue elementa sic dicta, in se considerare, eorumque indolem per phaenomena explicare vellemus: assumimus potius illorum proprietates ex physica generali, et apto quolibet loco effectus, in vegetatione conspicuos, attendimus.

§. 313.

Cum autem vegetatio a motu fluidorum per solidam dependeat §. 311. fabrica solidorum et mixtio fluidorum non tantum in genere, sed, quatenus in vegetabilibus occurrunt, disquirendae sunt, quo ex hac generali idea speciales partium compositiones, et apta humorum in plantis elaboratio cognoscatur.

§. 314.

In accurata solidorum disquisitione partes plantarum caute dissecentur, quo cultelli ope, quantum fieri potest, ad minimos quoscunque compositionis modos penetremus, eae tamen partes, quae oculis nudis non patent, microscopio disquirantur. Intimam porro partium combinationem non nunquam coctio, maceratio et putredo euoluunt, quibus modis tela cellulosa emollitur et remouetur, aliaeque persistentes partes aptius conspiciuntur. Haec est consideratio plantarum anatomica.

§. 315.

Humores, in plantas suscepiti et pro varia eaurundem fabrica mutati, vel in genere vel in specie disquirendi sunt. Per variam nimirum salis, olei et terrae cum aquosa parte commixtionem humores, cui libet plantae proprii, elaborantur, qui chemico examine disquirendi essent; cum autem nimia planatarum varietas et humorum, in una saepius planta praeparatorum, differentia, verum examen chemicum difficile reddant, in genere tantum ex phaenomenis, in planta obuiis, quaedam conjectaria colligimus, quae fundamenta considerationis chemicae plantarum sistunt.

§. 316.

Ex duplice hac plantae partium consideratione §. 314. 315. physiologica cognitio, scilicet vera vegetationis explicatio, elicetur, qua et incrementi et reliquarum mutationum, in vegetabilibus occurrentium, ratio exhibetur; licet enim haec doctrina nondum satis stabilita et perfecta reddita sit, primae tamen lineae ducendae et semper ulterius elaborandae sunt, quo ex obseruationibus et experientiis repetitis vera cognitio plantarum physica deducatur.

§. 317.

Physica seu physiologica animalium consideratio, magis iam perfecta, normam exhibet, ad quam plantae etiam disquirendae sunt. Si itaque animalia et vegetabilia inter se comparamus, in illis actiones vitales et animales deprehendimus, quarum tamen nulla vel exigua certe vestigia in his obseruamus: si vero ad actiones naturales et sexus attendimus, tunc in essentialibus proprietatibus insignem inuenimus conue-

conuenientiam, licet in accidentalibus maxime differant.

§. 318.

Actiones naturales, vel ad solam euolutionem, vel simul ad nutritionem et incrementum indiuidui iam producti spe<ant; materia enim, nutritioni apta, ex terra assumitur, in progressu per vasa prae-paratur, ita, ut succi superflui expellantur, optimi digerantur et apponantur. Hae functiones in vegetabilibus ex radicis, caudicis et foliorum structura declarantur, quibus praesentibus tota planta quasi perfecta sistitur.

§. 319.

Quando autem planta satis euoluta ad hunc perfectionis gradum accessit, tunc quasdam adhuc partes producit, per quas generatio siue productio noui corporis vegetabilis efficitur. Floris nimirum fabrica praeter inuoluera §. 104 seqq. stamina §. 120 et pistilla §. 128. et speciatim antheram et ouarium sistit, quibus partibus sexus masculini et foeminini idea comprehenditur §. 136. cum mutatione sua successiva semen producant, tanquam partem, in euolutione continua nouam plantam exhibentem.

§. 320.

Magna tamen inter animalia et vegetabilia deprehenditur ratione propagationis differentia, cum in illis non nisi semen, vel potius ouum multiplicacionem siue nouam generationem perficiat, in his vero non tantum propagatio per semen, sed etiam per gemmas absoluatur, quae in surculis immo et in foliis et variis caudicis et radicis partibus propullulant

et noui corporis vegetabilis ideam exhibent. Respe-
ctu igitur actionum sexus, floris et fructus, tandem
et germinis, in semine et gemma latitantis, confide-
ratio fuscipienda est.

§. 321.

Ex his itaque intelligitur, quomodo in hac ve-
getabilium consideratione versandum nobis sit. Cum
autem non unicam vegetabilium speciem, sed uni-
uersas plantarum familias physice perlustramus, ve-
niam nos impetraturos fore confidimus, si singula-
res obseruationes, in non nullis speciebus vel indiui-
duis factae, dictis nostris non semper accurate re-
spondeant, in primis, cum insectorum morsus et
aliae accedentes causae insigne interdum producant
vegetationis varietates.

C A P V T II. DE PARTIBVS VEGETABILIVM SOLIDIS.

§. 322.

Analysis corporum, quounque tandem modo in-
stituatur, nos ad principia eorundem, ex qui-
bus intimae structurae ratio declaranda est, ducere
nequit. Imperfectae, immo saepius fallaces, sunt
ideae, quae ex atomorum et fibrarum ortu, fabrica
et nisu deducuntur, qua propter in hac tractatione
ad phaenomena magis, quam ad assumtas structurac
explicationes, de quibus alibi egimus *, attendimus.

§. 323.

* vid. Institutiones Physiologiae Lipsiae 1752. 8. a no-
bis editas §. 129 sqq.

§. 323.

Fibra vegetabilis, non simplicissima, sed suo modo iam composita, est pars filamento tenuissimo similis, quae tensioni successiue magis magisque usque ad definitum gradum resistit, et in eo constituta, tandem ex instanti rumpitur. Differentia fibrae mollieris et rigidioris gradus huius resistentiae definit. Omnes igitur partes huius fibrae, certa quadam vi, quae distensione augetur, in contactum mutuum tendunt, qui tandem solutione continui tollitur. Hae proprietates, in fibra vegetabili obseruatae, etiam in fibra animali et suo forte modo in omnibus corporibus naturalibus obseruantur.

§. 324.

Est quaedam proprietas fibrae animalis, in viuo corpore euidenter conspicienda, qua, vel sua sponte, vel post irritationem se crispat, contrahitur et gradus cohaesionis auget, quam quidem in mortuo animali et planta viua non conspicimus, nisi laesio continui in quibusdam fibris contractionem vicinorum permittat. Motus quarundam plantarum, quae sensitivae dicuntur, in foliis aliisque partibus conspicuus, ad hanc tractationem non pertinet, sed forte ex turbata perspiratione deducendus est.

§. 325.

Ex fibris, varie in corpore vegetabili distributis, partim laxius positis, partim densius congestis, fabrica plantae membranacea, cellularis et vasculosa exsurgit, in sequenti igitur tractatione de cuticula, superficiem plantarum cingente, de tela cellulosa, interstitia et caua vasculorum replente, et tandem de

vasculis ipsis, varie in planta distributis, dicturi sumus. Hae sunt partes plantarum simpliciores.

§. 326.

Ex his vero, varie inter se iunctis, aliae oriuntur, quae in toto corpore vegetabili omnibusque eius partibus suo modo dispositae sunt, et ideo magis compositae dici possunt. Parenchyma nimis sub cuticula ubique extenditur, vascula cum tela cellulosa condensata in corpus lignosum abeunt, et medulla, ut peculiaris et centralis tela cellulosa, in intima partium fabrica reconditur.

§. 327.

Omnem plantae superficiem cingit lamina tenuis et pellucida, quae cuticula dicitur *, haec densa est et in maceratione plantarum non dissoluitur, licet fibras distinctas nec oculo nudo nec microscopio considerata ostendat. Videtur esse opus aliquod callosum, ex apicibus ultimorum vasculorum, in cute terminorum, compositum. Perspirationem plantae iuuat et moderatur, et forte ostiolis, vix conspicuis, vapores et humores aereos colligit et fugit.

* Exceptio in truncis annosioribus, cortice calloso instructis, arborum non valet, hi enim in teneriori fabrica cuticulam habuerunt inductam.

§. 328.

Haec quidem cuticula, a glabra quorundam foliorum et caudicum superficie separata, cum cuticula humana accurate conuenit. Similis ferme, sed longe tenerior in petalorum aliarumque partium floris superficie conspicitur, non nunquam tamen corrugata asperior et pilosa deprehenditur, prout foliorum

rum superficiem §. 85. variam descripsimus. Pili tamen, glandulae et reliqua corpuscula, quae superficiem plantarum inaequalem reddunt, ex profundiori sede propullulare videntur.

§. 329.

Vti vero corpus animale non tantum externe cuticula, sed et in internis cavis membrana peculiari obducitur v. c. abdomen peritonaeo, sic et caua plantarum vel partes, in illis libere et sine interueniente tela cellulari haerentes, v. c. capsulae et loculi frumentum, vel semina et cotyledones, in illis inclusa, tenui membrana obducuntur, quae ad fabricam cuticulae quam proxime accedit, nec ab ea, quae externam superficiem cingit, adeo diuersa est, ut in animalibus.

§. 330.

Ex fibris, varia directione in interiori plantae fabrica excurrentibus, et in eo tractu in laminas minores coalescentibus, interstitia ceu caua minora formantur, quae humoribus suscipiendis apta sunt, et telae cellulofae nomine veniunt. Haec tela respectu cauorum, in ea formatorum, cellularis appellatur, respectu directionis fibrarum et laminarum reticularis dicitur, et respectu copiae humoris, in ea ut in spongia collectae, spongiosa et succulenta nuncupatur.

§. 331.

Telae cellularis fabrica eiusque differentiae vix satis certo definiri possunt; licet enim vel copia succi vel eius defectus, vel directio varia fibrarum et laminarum aliquo modo attendi, indeque densitas varia in diuersis vegetationis temporibus, et color et aliae

proprietates declarari queant, ex his tamen usus, in variis plantis earumque partibus, nondum certo elicetur.

§. 332.

Quoniam interdum haec tela cellulosa, praecipue per microscopium visa, seriem vesicularum, inter se inuicem connexarum, sifit, quae a M ALPI GHIO aliisque botanicis utriculorum nomine insignitae fuerunt, forte concludi posset, telam hanc interdum ita esse constructam, ut tantum mouendis et eleuandis succis per vasa plantarum inseruiat, interdum autem vesicularum instar succos suscipiat, digerat et ita perficiat, ut in ulteriores usus corporis vegetabilis impendi queant.

§. 333.

Forte tamen in hac idea non subsistendum, sed ulterius progrediendum est, cum in qualibet cellula vel vesicula, non tantum tela cellularis tenerior, parietes cingens, per quasdam obseruationes declarari, sed etiam distributio subtilissimorum vasculorum, in minimis glomerulis glandularum fabricae in animalibus analoga admitti queat, quae distributiones cellulo-vasculosae elaborationi et secretioni subtilissimorum humorum fauent.

§. 334.

Vti vero in corpore animali glandularis fabrica, quae opus cellulo-vasculosum sifit, ita intricata est, ut praestantissimis artis adminiculis nondum extricari potuerit, interim per productos inde humores satis declaratur, sic nullum restat dubium, in vegetabilibus quoque vel simili, vel in essentialibus conuenienti, fabricae locum esse concedendum, licet nec directio

directio nec conuolutio vasculorum, nec mixtio fluidorum inde producenda, sensum ope determinetur.

§. 335.

Quoniam tamen in diuersa ipsius cellulosa tela fabrica rationem earum mutationum, quae in vegetatione obseruantur, nondum determinare licet, ad euidentiores quosdam vasorum tractus respiciamus. Causa nimirum cylindrica *, in vegetabili corpore varie distributa, tela cellulari inter se conexa, et alia simili sed teneriori tela repleta, vascula dicuntur seu fistulae plantarum.

* In quibusdam plantis figuram non vere cylindricam, sed angulosam obseruamus v. c. in aquaticis, non nullis, in quibus certe non vera vasa. sed tela cellulosa, magnis interstitiis praedita, habitum internum efficere videtur: has tamen peculiares structurae rationes hic tangere non possumus.

§. 336.

Ex hac descriptione iam patere arbitror, quantum quidem illi errent, qui analogiam vasorum animalium et fistularum plantarum sibi animo fistunt. Nos quidem in hanc differentiam in capite de motu fluidorum per solida in plantis inquisituri sumus, nunc tantum euidentes quosdam compositionis modos disquirimus et summatim indicamus.

§. 337.

Minima et quae oculo tantum armato in plantarum variis partibus deteguntur vascula, opere cellulari, vel in toto cauo, vel in parietibus expanso, repletur. Illa etiam varie distribuuntur et interdum in ramos minimos diuaricantia inueniuntur, inter-

dum coniunctim excurrunt, et ita nouos cylindros seu vasa maiora constituant, in quibus similis fabrica oculo nudo satis apte detegitur,

§. 338.

Ex his vasculis varie diuaricantibus, et suo modo etiam coeuntibus, rete conficitur, quod foliorum sceleta abunde declarant. Dantur itaque insculationes seu anastomoses vasorum, in quibus tela cellularis, intus contenta, cum oppositis aliis communicat, et succorum progressui fauet. Quanta vero differentia in hoc decursu deprehendatur, in generali hac tractatione vix ostendi, sed in speciali partium disquisitione in exemplis tantum declarari potest.

§. 339.

Ratione substantiae non incongruum erit, vascula plantae in succosa, cartilaginea et lignosa distinguere. Fateor equidem, hanc distinctionem ideo fallacem esse, quoniam succosa vascula, quae in teneris plantae partibus apparent, post ea vel ad flexilitatem cartilagineam vel ad densitatem ligneam accedunt, non obstante tamen hac successiva mutacione, de eius differentia quaedam proponenda et ulterius declaranda sunt.

§. 340.

Vascula succosa mollissima deprehenduntur et in leuiori putrefactione diffluunt, cum succus contents eadem ad putrefactionem et dissolutionem facile disponat. Quo teneriores sunt plantae, vel earum partes, eo moliores deprehenduntur, et eo maiorem copiam succosorum vasorum obtinent. In his quidem

quidem ratione fabricae quaedam differentia locum habet, quae tameu vix aliter, quam a succorum varietate dependet, quam in sequenti capite tangere conuenit. v. c. vascula lactifera plantarum quarundum.

§. 341.

Vascula cartilaginea densiora quodam modo et elastica sunt, haec quidem cum cartilagine animalium non conueniunt, sed respectu lignosarum ob maiorem tantum flexilitatem, uti cartilago ab ossea substantia distinguuntur. Videntur etiam ex vasis succosis, cum proprio contextu celluloſo coalitis, exsurgere, et in teneroribus plantis; vel teneroribus plantae partibus, loco lignosorum vasculorum inueniuntur, v. c. in caulis culmiferarum plantarum, vel in sceletis foliorum.

§. 342.

Vascula lignosa sunt densiora, nec adeo flexilia, in primis, si fasciculatim colliguntur et in variis plantae partibus, praecipue in arborum truncis et ramis disponuntur. Haec interdum quidem cauitatem medium conspicendiā praebent, saepius tamen adeo densa, et compacta videntur, ut magis fibrae ligneae, quam vascula appellari mereantur, sed gradualis haec differentia, quae in ligno querno saepius demonstrari potest, limitibus suis vix circumscribenda est.

§. 343.

Vasa, quae tela cellulosa referta sunt, §. 337. in vegetatione continuata succis tandem destitui et telam illam ad parietes tantum depresso ostendere, obſeruatio docet. Haec itaque, aere plena, trachea-
rum

rum vel vasorum aereorum nomine a MALPIGHIO et aliis insigniuntur, et per varia experimenta ulterius declarantur. Nos vero successuam vegetacionem et deficientem succorum affluxum haec vasa ita mutare asserimus, et hanc mutationem in tractatione speciali quibusdam exemplis demonstraturi sumus.

§. 344.

An dentur vascula plantarum, quae aeri tantum, et in omni vegetationis progressu vehendo adaptata sunt, et quae ideo vere aera dici possunt, dubia nobis videtur quaestio. Spirales illas fibras seu fistulas, quas accuratior plantarum anatome passim microscopio detexit, peculiarem mechanismum vegetationis, nondum satis declaratum, ostendere, nulli dubitamus, an vero fistulae illae spirales aeri tantum pateant, alii disquirant.

§. 345.

Cellulosa tela, sub cuticula undiquaque extensa, copioso succo repleta, et vasculis variis et succosis et cartilagineis intextis conspicua, parenchyma appellari solet. Cuticula igitur, cum parenchymate coniuncta, corticem plantarum constituit. Dantur tamen et strata plura distincta, sibi inuicem incumbentia, et distributio non semper per strata, ut in caudice, sed varia omnino, ut in foliis, floribus et fructibus annotanda est.

§. 346.

Vasculorum cartilagineorum et lignosorum fasciculi adeo compacti sunt, ut tota massa ex fibris et filamentis tantum componi videatur, in quibus cavitates canarium vel obliteratae vel maxime angustatae inue-


inueniuntur. Collectio horum fasciculorum corpus lignosum dicitur, in primis, si in cylindricam formam disponitur et ex utraque parte contextum cellulofsum connexum habet.

§. 347.

Contextus cellulofsum, qui in medio cylindro corporis lignosi, vel intra varia strata lignosa densius compacta conspicitur et vel succulentus vel magis exsiccus est, medulla nuncupatur. Haec itaque non tantum ob tenerorem telae cellulofae fabricam, sed etiam ob situm in interioribus cylindris a parenchymate distinguitur, et in vasculis interioribus distributa optimorum humorum elaborationem praestat. Viae vero, per quas succi ex parenchymate per corpus lignosum ad medullam transeant, in genere definiri nequeunt.

§. 348.

Fundamenta haec fabricae plantarum, quatenus ex firmioribus partibus constant, generalem ideam exhibent, quae in speciali tractatione ulterius evoluenda et ad insignem plantae partium varietatem applicanda est. Haec tamen idea sufficiens est, ex qua motus humorum per corpus vegetabile declarari potest, dum modo generale examen humorum, per plantam mouendorum, praemittatur.



C A P V T. III.

DE PARTIBVS VEGETABILIVM
FLVIDIS.

§. 349.

Aer, fluidum elasticum et graue, corpora naturalia suo modo penetrat, ergo etiam in plantis et in omnibus earundem partibus deprehenditur, hoc non tantum ex ipsis aeris proprietatibus patet, sed etiam per experimenta, cum antlia pneumatica instituta, ostenditur. Cum vero nondum cuiusdam sit, an aer in vasis peculiaribus moueatur. §. 344. nunc in genere tantum assumimus, omnibus plantarum succis aerem immixtum esse, mobilitate insigni variaque expansione et contractione, per calorem inductis, motum succi per plantam adiuuare.

§. 350.

Plantae, quae in calidiore aeris statu marcescunt, et flaccidae fiunt, statim reficiuntur, succo replentur et rigescunt, si pluuiia, rore, vel aqua sufficiente asperguntur. Partes quoque plantarum iterum reuiuiscunt, si vel in loco humido reponuntur, vel aqua consperguntur et eidem immittuntur. Nemo itaque, experimentis his vulgaribus perpensis, de aquae transitu ad plantam dubitabit, cum succus etiam, ex plantis expressus, idem clare ostendat.

§. 351.

Quo vero nullus dubitationi supersit locus, experimenta instituta fuerunt, quibus aquam, terrae aspersam, paeclusis omnibus reliquis viis, per solam plantam transiisse, ostensum fuit. Aliis quoque experi-

experimentis declaratum fuit, aquam illam, postquam per plantam transiit, in vasis aptis iterum colligi potuisse. Prouocamus in his et aliis experimentis praecipue ad ea, quae STEPHANVS HALES in statica vegetabilium proposuit*.

* Statical Essays containing vegetable Staticks or an account of some Statical experiments on the sap in vegetables. London, 1738. 8. in primis Cap. I.

§. 352.

Aer itaque et aqua fluida plantarum uniuersalia dici possunt, quibus vascula plantarum replentur, distenduntur et ex prima delineatione euoluuntur. Aqua vero, licet destillatione aliisque modis purissima reddatur, semper particulas heterogeneas continet, quae salino-oleosae naturae sunt et caloris actione iterum combinantur, hae etiam, licet subtilissimae inueniantur, semper tamen aliquam terrae copiam continent.

§. 353.

Aqua sola plantam ad tempus tantum sustinet, minime vero ulterius euoluit, et vegetationem absoluunt, radices bulbosae quidem, si aquae tantum imponuntur, fibras, folia et flores, emittunt, sed squamae earundem, quae interea flaccidae fiunt, materiam nutritionis praebent. Plantae igitur in vera vegetatione, sub aquae vehiculo, materiam, nutritioni aptam, ex terra acquirunt, et haec dissipatis nutrientibus particulis denuo foecunda reddenda est.

§. 354.

Cum instituti nostri ratio, omnia corpora, quae ad conciliandam terrae bonitatem adhibentur, similes varias

varias species, margas, calcem viuam, et cineres sigillatim disquirere haud permittat, breuissimis tantum monemus, humum siue terram vulgarem, plantis ferendis et nutrientis aptam, non tantum particulas terreas, stricte sic dictas, chemica arte, irresolubiles, sed etiam oleosas et salinas, continere. Hae ex variis corporibus animalibus, vegetabilibus et mineralibus motu intestino, imprimis putredinoffo, resolutis producuntur, et terrae inertis uniuntur, ex qua, mediante aqua extractae et inspissatae, unguinosum succum exhibent.

§. 355.

Vnguinoſa haec materia in crudo illo statu a planta fufcipi non posset, niſi in aerem eleuata, nouas resolutiones et mixtiones subiret, et subtilifata iterum in terram praecepitaretur. Non incongruum itaque eſt, ſi afferamus, fertilitatem terrae ex aere repetendam eſſe, et hoc menstruum fufciendis et euoluendis partibus, vegetationi inferuentibus, aptum iudicamus, qua mutatione peracta corpus vegetabile tandem aquam, his partibus saturatam, fufcipere valet.

§. 356.

Aqua salinas terrae partes soluit, harum ope et oleosas fufcipit, et ita in ipſo ingressu in plantam prorsus peculiarem, ex generali tamen idea faponaceum dicendum, succum fiftit. Hic quidem succus vegetabilis in mixtione sua accurate cognosci nequit, cum humorum, per plantas motorum, differentia nullo modo definiri queat. Liceat itaque in generali hac tractatione succos, ex terra hauſtos, nutrimentum plantarum uniuersale appellare, quod tamen,

pro

pro diuersitate terraे aliarumque accidentium causarum, diuersissimum esse cognoscimus.

§. 357.

In uno eodemque solo diuersae plantae amarae, dulces, acidae, salutares et venenatae crescunt; ergo succi speciales, non a mixtione particularum in terra facta, sed a tubulis et poris plantae, succos suscipientibus, dependent*. Varia quidem in horticultura instituta experimenta docent, peculiares terraे præparationes requiri, si unam vel alteram plantarum speciem in incremento suo adiuuare intendimus, hinc vero differentiam succi, in terra præparati, vix euincere possumus, sed tantum concedimus, alias radices in fabuloſo minus cohaerente, alias in lutoſo et tenaci ſolo melius disponi.

* In locis maritimis et circa falinas quaedam plantae, v. c. kali, falis communis præsentiam ipſo ſapore ostendunt, accurato tamen examine instituto, aliqua eius mutatio respectu mixtionis in planta euincitur.

§. 358.

Succorum vegetabilium natura minime quidem per particularum proportionem ipsiusque mixtionem, sed per varias accidentales proprietates detegitur, praecipue autem ad fluidorum in plantis colorēm, ſaporem, non nunquam ad odorem, immo ad tenuitatem et ſpiffitudinem respiciendum eſt. Ex radice nimirum, vel alia parte non nullarum plantarum, succi mere aquosi, albicantes, laeteti, flavi, leui virore tineti, rubicundi effluunt; hi degustati dulces, amari, acres etc. deprehenduntur: quae quidem proprietates in euphorbia, rapa, raphano,

M

dauco,

dauco, chelidonio, beta, aliisque plantis, facili negotio discernuntur.

§. 359.

Dantur non nullae plantae, quae per omnes partes succos, quoad dotes descriptas, ferme similes habent v. c. foeniculum, cicuta: dantur aliae, quae succos peculiaris indolis, in radice deprhensos, in planta ipsa vix ostensos, in fructu vel potius semine iterum sistunt, ut pimpinella, angelica et aliae umbelliferae: dantur tandem aliae, quae succos, in diuersis partibus diuersos alunt v. c. sambucus, cuius cortex, folia, flores, baccae et semina diuersas virtutes edunt.

§. 360.

Insignis etiam succorum mutatio et perfectior elaboratio, ex cultura plantarum oriunda, obseruantur. Florum elegantia in coloribus variis tuliparum, hyacinthorum, primularum etc. hoc satis ostendit, et flores sylvestres interdum colorum varietate ludunt. Plantae culinares, in solo perfectiori cultae, acres et amaros succos saepius in dulces et nutrientes mutant, apium v. c. acri radice praeditum, eandem et dulcem exhibet, et cichorii et scorzonerae radices amaritatem vel mitiorem vel nullam acquirunt, si in solo pinguiore crescunt. Fructus, horaci dieti, variis artibus a sylvestri in egregiam succorum indolem ducuntur.

§. 361.

Ex his et aliis multis, hic non fusius enarrandis, exemplis cognoscimus, succos, per plantam transeuntes, vario modo mutari, ita tamen, ut in quibusdam

busdam speciebus plantarum maior, in aliis minor, mutatio deprehendatur. Hanc differentiam tamen a structura, exterius visa et in non nullis conueniente, non dependere certa res est, sed interiorem vasorum et telae cellulofae fabricam, per succorum affluxum ipsum forte mutandam, et vel laxiorem vel densiorem reddendam, variam humorum praeparationem praestare arbitramur.

§. 362.

In qualibet plantarum specie diuersi praeparantur humores, qui, licet cum aliarum specierum successis in essentialibus conuenire videantur, tantam tamen cum animalibus non ostendunt analogiam, ut ad definitas classes deduci queant. In animalibus scilicet, pro diuersitate organorum bilis, urina, lac, sperma etc. secernuntur, in plantis vero distincta succorum nomina, ex collectione particularum unius indolis definita non assumi possunt.

§. 363.

In disquisitione physica igitur non ulterius progredi possumus, sed in generali quadam succorum consideratione subsistere cogimur, illi autem, qui succos plantarum diuersos in usus medicos disquirunt, chemico examine instituto, differentiam eorum ulterius examinent. Non inanis tamen labor esset, si quis in plantis, quae euidentem succorum differentiam in radice, foliis, floribus et fructibus ostendunt, examen physicum specialissimum susciperet, mutationes successivas quodam modo explicaret et ex structura solidorum et mixtione fluidorum declararet.

C A P V T. IV.
DE MOTU FLVIDORVM PER SO-
LIDA IN PLANTIS.

§. 364.

Postquam solidas et fluidas plantarum partes in genere considerauimus, de motu fluidorum per solida nunc agendum erit. Hic quidem ex fabrica solidorum et mixtione fluidorum declarandus esset, quoniam vero canarium et succorum in plantis cognitio adhuc imperfecta est, tentandum omnino erit, an ex phaenomenis, in praecedentibus capitibus enumeratis, additisque non nullis aliis, hanc doctrinam paululum explicare queamus.

§. 365.

Aqua, particulis nutrientibus vel copiosius vel parcus saturata, non tantum in causis plantae deprehenditur, sed etiam per ea mouetur. §. 350 seqq. In corpore animali motus fluidi per solida, a corde et vasis inde deductis dirigitur et dependet, machinam vero, cordi similem, qua fluida in plantis mouentur, nullam esse, nec vasa plantarum cum animalium vasis comparari posse §. 336. constat, hinc ratio motus ex aliis causis repetenda erit.

§. 366.

Planta, in aere sicco et calido constituta, humores, quibus terra imbuta est, copiosius assumit et transmittit; si terra circa radicem sufficiente humiditate praedita est, aer tamen circa reliquam plantae superficiem humidior vel frigidior deprehenditur,

tunc

tunc languidior, immo nullus, succorum per plantam motus obseruatur. Hinc motum succi per plantam viuidiorem et debiliorem ab aere, plantam ambiente, dependere discimus.

§. 367.

Si aer, in cauis plantarum contentus, cum aere, plantam ambiente, in aequilibrio est, tunc omnimoda humorum quies obseruatur. Hoc quidem interdum sine detrimento plantae fieri posse, tempus hibernum et plantae, in aere frigidiusculo et humido constitutae, ostendunt. Succi enim vegetabiles, neque ad putredinem, neque ad lentorem contrahendum adeo proni sunt, ac animales, subitae tamen mutationes ex calore in frigus et vice versa plantis exitiosae sunt.

§. 368.

Si humores in planta quiescunt, bullulae aereae, in iisdem contentae, frigore iam quodam modo contractae, a pondere particularum, iis incumbentium, magis comprimuntur et ita pori et fistulae, in plantae superficie positae et hiantes, aliqua ex parte vacuae factae, accedentes quasdam ex aere ambiente particulias recipiunt, ita, ut inde planta ponderosior euadat *; sub leni autem caloris augmento aer iterum expanditur et succos promouet.

* vid. HALES vegetable Statick Exper. I.

§. 369.

Motus fluidorum per plantam primario quidem per aeris ambientis mutationes velocior et tardior redditur, sed superficies quoque plantarum maior et

minor copiam succi transeuntis auget et minuit. Sic planta, quae foliis copiosis et amplioribus praedita est, copiosiores humores transmittit, quam alia, quae illis destituitur *. Sic et radix interdum copiosam aquam circumfusam habet, quam suscipere et caudici tradere posset, si vero planta parciорibus foliis praedita vel iis plane destituta est, succus non mouetur, nec ascendit **, sed circa radicem haeret eandemque ad putredinem disponit ***.

* vid. HALE S. l. c. Exper. VII. VIII.

** vid. idem. l. c. Exper. XIII seqq.

*** Quo inter radicem et folia proportio maneat, hortulanii in transplantandis vegetabilibus vel radicis fibras vel folia non nulla et frondes præscindunt, et ita aequabile incrementum praestant.

§. 370.

Humores plantarum multo tenuiores et fluidiores sunt, quam humores animalium, quod praeter perspirationem copiosam succi expressi docent, hinc illi caloris gradu in aere plantam ambiente quodam modo aucto ad facilem transitum per plantam disponuntur. Vernale tempus mox euoluit gemmas plantarum, et plantae resinosae, quae in frigidiore etiam climate folia conseruant, aliquem motum succi in iis perennare ostendunt, licet tantus non sit, qui incrementum plantae adiuuare possit.

§. 371.

Cum planta humores tenuiores, ideoque copiosis particulis nutrientibus non refertos, obtineat, necesse omnino est, ut illi copiosius et velocius transenant, quo sufficiens particularum elaboratio et appositiō fiat. Molliores et succulentae plantae, vel duriorum

riorum plantarum frondes iuniores, ideo lautius crescunt, et partes delineatas citius euoluunt; in durioribus et rigidioribus plantarum partibus incrementum demum sistitur, et ipse humorum transitus parcior deprehenditur.

§. 372.

Aereae bullulae, succis plantarum immixtae, se expandunt et contrahunt, prout aeris ambientis calidior et frigidior status, aerem succis immixtum afficit, et, ut menstruum, partes ex planta secedentes soluit. In expansione itaque aquosae et reliquae eidem admixtae partes propelluntur et in vasculis ascendunt. Fluida plantarum mota in extremitatibus canalium siue poris minorem resistentiam, quam in interioribus canalibus habent, ideoque versus superficiem mouentur, et in aerem ambientem abeunt, qui motus perspiratio plantarum dicitur, et cum perspiratione animalium quodam modo conuenit.

§. 373.

Difficilior longe et naturae phaenomenis minus conueniens esset perspirationis explicatio, si vasa aerea aut tracheas §. 343. vel vasis succiferis appositas, vel circa haec spiraliter contortas §. 344. assumeremus, et illa ex trachearum expansione pressionem succi in vasis succosis declarare vellemus. Vis contractilis vasorum, in animalibus demonstrata, in vegetabilibus concedi nequit; praeter duriorem enim compagem, quam in parietibus succosorum §. 340. et multo magis in cartilagineorum §. 341. et ligneorum §. 342. vasorum obseruamus, motum vita-

lem non nisi summa cum limitatione, muscularem autem prorsus non admittere possumus.

§. 374.

Attamen pondus succorum in fistulis longius extensis, vel concatenata serie sibi inuicem succedentibus, vim aeris expansiuam, succos propellentem, nimis infringenteret et cohiceret, nisi in vasculis alia quaedam dispositio ad motum facilius praestandum deprehenderetur. Haec quidem in tela cellulosa, interiora vasculorum inuestiente et replente §. 337, unice quaerenda est.

§. 375.

Humores in gossypio vel simili tela cellulosa ascendere et hunc ascensum ex analogia cum vasis capillaribus et ex adhaesione ad latera canarium declarari, ex physices doctrina patet. Telam cellulosam, in cauis plantarum reperiundam, gossypio vel artificiali telae cellulose similem et in hunc usum forte adhuc aptiorem esse, in medulla scirpi experientia docet. Ascensum itaque succorum in plantarum cauis eodem modo fieri, maxima cum probabilitate assumimus.

§. 376.

Canales plantarum in principio et in vegetazione perfectiore toti tela cellulosa repleti sunt, postea eandem ad parietes tantum depressam ostendunt. In priori casu motus humorum longe celerior et perfectior est, ita, ut non tantum viuidam perspirationem efficiat, sed et praestantiores succorum elaborationem, immo delineationem et euolutionem minimarum partium praestet: in posteriori casu aliqualis tantum

tantum et languidus succorum ascendentium motus concedendus erit.

§. 377.

Succi in diuersis plantarum partibus diuersi sunt §. 361: in ipso igitur eorundem motu per plantam variam particularum mixtionem fieri, ex diuersitate succorum elaboratorum ipsa §. 356. seqq. cognouimus, et passim in tractatione speciali ulterius declaraturi sumus. Notandum interim est, celeritatem motus pro varia partium fabrica insigniter variare, porro etiam diuersum canarium diametrum, forte etiam diuersam dispositionem telae cellulosa multum hic conferre.

§. 378.

Ex iis, quae hactenus exposita sunt, patere arbitror, succos plantarum a radice versus superiores partes omnemque superficiem moueri, et, licet vafa, ad hanc plantarum superficiem deducta, non nunquam aliquid ex aere absorbeant §. 368. inde tamen nondum colligi potest, regressum succi ab extremitatibus superioribus ad radicem admittendum esse, * id, quod non nulli demonstrare et circulum, humorum animalium circulo similem, defendere voluerunt. An partialis circulus in foliis vel aliis partibus inueniatur, inferius disquirendum est.

* In plantis, inuerso dispositis, rami radicis gemmas et folia, rami trunci radices et fibras emiserunt, inde tamen tantum concludi potest, telam vasorum cellulosa inuersa directione succos transmittere posse.

§. 379.

Perspiratio in planta viuidior et aucta, facit, ut partes formentur, extendantur et crescant; eadem, in medio gradu constituta, plantam in statu suo conferuat, minime vero euoluit et auget. Flaccescit planta, si perspiratio imminuitur; si ad tempus impeditur, ea marcescit, et ad motum, per quosdam canales iterum inchoandum, inepta fit, si prorsus cessat, planta moritur, ita, ut motus humorum nunquam restitui possit, si muscos et non nullas alias plantas imperfectas excepereis.

§. 380.

Praemissa igitur hac generali tractatione de vegetatione plantarum, per solida et fluida praestanda, ad specialem progrediendum est: in qua primo quidem partes vegetabilium compositae, nutritioni inferuentes, scilicet radix, caudex et folium considerantur, postea autem ad partes vegetabilium compositas, generationi inferuentes, respiciendum et de flore, fructu et germine sigillatim differendum erit.



C A P V T V.

DE PARTIBVS VEGETABILIVM COMPOSITIS, NVTRITIONI INSERVIENTIBVS.

SECTIO I. DE RADICE.

§. 381.

Differentias radicis, respectu habitus externi consideratas, in parte historica §. 52 seqq. disquisimus, nunc usus earundem ratione fabricae internae quoque peruestigandus est. In hoc examine potissimum quidem ad fibrillam §. 53. attendimus, quippe quae essentialis radicis pars nominari meretur. Quoniam vero haec ipsa, cum reliquis crassioribus radicis partibus varie connexa, varias radicum species sistit, ad has quoque respiciendum est, quo essentialiem fabricae conuenientiam declaremus, et usus radicis inde eruamus.

§. 382.

Fibrilla, horizontaliter vel verticaliter secta, tres partes considerandas offert, exteriorem seu corticem §. 345. intermedium seu corpus lignosum §. 346. et interiorem seu medullam §. 347. Si igitur in recenti et succulenta radice proportionem harum partium attendimus, cortex maximam crassitatem habet, corpus lignosum vero et medulla tenuissimae partes sunt, et ambae coniunctae filii instar, per succulentum corticem ductae, apparent, ita tamen, ut in horizontali segmento punctum medullae, circulo corporis lignosi cinctum, reperiatur.

§. 383.

§. 383.

Cortex maximam partem ex succulento parenchymate constat, quod tenera cuticula cingitur; haec in exsiccatione parenchymate contracto quoque corrugatur, et maceratione, in aqua tepida instituta, quodam modo quidem, minime autem ad veram et pristinam crassitatem extenditur. Parenchyma igitur copiosos succos continet, quos per cuticulae poros assumit.

§. 384.

Cuiuslibet plantae fibrillas proprios succos assumere et sapor et color parenchymatis, pro varietate plantarum diuersi, docent. Causa huius differentiae succorum, in diuersitate pororum cuticulae et resorptionis modo inde pendente posita esse, primo quidem intuitu videtur, insignis tamen varietas succi, in lactescentibus et rubro succo tintis fibrillis praecipue conspicua, vix explicari poterit, nisi et vascula parenchymatis, in diuersis plantis varie disposita, praeparationem hanc praestare concedamus.

§. 385.

Prima quidem fibrilla ex semine oritur et radicis delineationem sistit, in delineata autem et euoluta planta eiusque radice ex nodis ramulorum et ex inferiori caudicis parte fibrillae propullulant, omnes autem post eruptionem elongantur, in interstitia terrae descendunt, et ita plantam in sede sua fulciunt et ad nutrimentum conquirendum aptam reddunt. De ortu itaque et descensu radicum breuiter differendum est.

§. 386.

§. 386.

Quo modo semen radiculam ceu primam fibrillam emittat, in tractatione de germine disquirendum erit; in inferiori autem caudicis parte, vel in ramis, inde deductis et iam formatis, medulla copiosior fibras corporis lignosi distendit et minimum tuberculum efficit, in quo parenchyma externe circumductum copiosorem succum suscipit et in extensione hac facta filum corporis lignosi et medullae §. 382. secum rapit et in rimas terrae dedit.

§. 387.

Hic descensus fibrillis et radicibus omnibus adeo proprius est, ut, si tubercula, fibrillas radicales formantia, ex nodo caudicis a terra libero prorumpant, illa tamen in incremento suo nunquam sursum, sed semper deorsum flectantur; quod si vero humum attingant, non in rimas amplas et liberas, sed in angustissima terrae interstitia aliqua vi penetrant, firmiterque adhaereant, et, si lapis vel aliud corpus, quod penetrare nequeant, obicem ponat, tunc circa illud varie se flectant et ulterius descendant.

§. 388.

Variae de hoc descensu sunt physicorum sententiae*, ille tamen ex spongioso parenchymatis habitu declarari debere videtur §. 382. qui, dum copioso humore resorpto extenditur, fibram medianam et densam deorsum ducit. Superficies enim parenchymatis vel aere humido supra terram, vel magis humida terra ipsa attrahitur, et ad copiosam sucui resorptionem disponitur. Hoc potissimum in flabellis

bellis seu ramis lateralibus, fibrillas a parte terrae vicina tantum emitentibus §. 395. conspicitur.

* Has recenset ERNESTVS GOTTLÖB BOSE in Diss. de radicum in plantis ortu et directione Lipsiae 1754. 4. §. VI. seqq.

§. 389.

Ex hac quidem parenchymatis proprietate descensus fibrillarum, quae in bulbosis et tuberosis non nullis simplices deprehenduntur, deduci potest, formatio autem ramulorum in radicibus a medulla dependet. Quando nimirum parenchymate satis extenso, lentior resorptio et aliqualis humorum preparatio incipit, hi per interstitia corporis lignosi ad medullam deferuntur, quae succos suos non tantum caudici tradit, sed etiam ortum ramorum, tanquam fibrillae, ex nodo oriundae §. 386, incipit.

§. 390.

Parenchyma enim spongiosum, non ex meris cellulis, sed ex vasculis quoque constat, quae inter se coniunguntur, densiora cartilaginea et lignosa fiunt et corpus lignosum formant, per quod succi versus medullam diriguntur, hoc in iunioribus radibus egregie conspicitur, quorum corpus lignosum areolis, contextu celluloso repletis, distinctum est, per quas succi ex parenchymate in medullam tendunt. In non nullis post vegetationem absolutam corpus lignosum prorsus condensatum conspicitur, et post macerationem figuram radicis refert.

§. 391.

Ex hactenus propositis itaque colligimus; parenchyma in contextu suo celluloso et vasculoso succos per

per poros cuticulae suscipere, eo ipso expandi, crescere et incrementum radicis efficere; postea vero humores, perfectiores redditos, medullae tradere, quo, partim in ulteriore radicis extensionem, partim in sequentem plantae vegetationem impendantur. Cum autem hoc ex fibrillarum fabrica tantum declaratum fuerit, varia adhuc monenda sunt, quae vegetationis negotium in variis radicibus illustrant.

§. 392.

Dantur multae plantae annuae, quae celeri vegetatione euoluuntur, radicem fibrosam, ramosam, teneram in terram dispergunt, foliola radicalia vel nulla vel parciora formant, mox in caulem, ramos et folia expanduntur, et flore et fructu perfecto perennant. In his mollior est partium fabrica, et facilis perspiratio, hinc succi, vix a radice suscepti, in plantam transfeunt et ibi digeruntur.

§. 393.

Arbores cum his aliquo modo conueniunt, radix lignosior et dura quidem est, sed parenchyma succos continet, quos inter strata corticis caudici tradit, quo in folia deferantur, in quibus, ut infra expositi sumus, perfectior humorum digestio et elaboratio absolvitur. In his itaque et annuis plantis officium radicis esse videtur, succos colligere, minime vero operosiorem, sed aliqualem tantum elaborationem praestare §. 384. Porro quoque ex diëtis patet, radices crassas et lignosas arborum caudici et ramis simile incrementum habere, et teneras fibrillas undiquaque in terram agere, quo succos aptos conquirant.

§. 394.

§. 394.

Non nullae plantae annuae, omnes biennes, et quaedam perennes, radice, ex semine producta, et in terram dimissa, folia radicalia copiosa spargunt, quibus succum ex radice recipiunt, quo ille, uti in tractatione de foliis explicabitur, iterum ad medullam ducatur; hinc vel eodem vel sequenti anno caudicem protrudunt, et vegetationem et fructificationem absoluunt. Hae radices sunt fibrosae, in primis caulescentes et tuberosae non nullae, imperatoria, daucus, rapa et lactuca hanc mutationem egregie illustrant.

§. 395.

Ex fibrosis hue referendis quaedam vel sub terra, vel in eius superficie, flabella, hoc est caules laterales repentes, emittunt, ex quorum nodis in inferiori parte §. 388. fibrillae exeunt, quae succo copiosiori collecto, folia radicalia copiosiora ad superiorem huius nodi partem emittunt, et itidem quoque caulem floriferum formant; ob flabella autem, copiosius acta, fructum non semper perficiunt: Viola, bugula, aegopodium, nec non menthae et campanulae species, radicum harum lateralium exempla praebent.

§. 396.

Radices bulbosae fibrillas ex parte inferiori siue sessili emittunt, et circa hunc nodum, caudicem prudentem, squamas vel circulares vel partiales annexas habent, quae idem praestant, quod de foliis radicalibus §. 394 asservauimus. Squamas has ad radicem magis, quam ad caudicem referri et gemmam radicalem appellari debere §. 58. declarauimus;

nunc

nunc tantum monemus, illas terra tegi et ob nouorum bulborum progeniem huc potissimum referri debere.

§. 397.

Ortus autem nouorum bulborum in radicibus tunicatis et squamosis aliter euenire solet, quam in solidis; in illis enim intra squamas vel tunicas ex nodo, seu crassa basi caudicis, tubercula oriuntur, quae bulbos minores fistunt, et squamis bulbi veteris exsuccis factis demum increscunt, in terra vero delitescentes folium unum vel alterum emitunt, ex cuius succis praeparatis ulterius incrementum capiunt, quo altero vel tertio demum anno scapum floriferum emittere queant.

§. 398.

Accedit interdum, et in tulipis potissimum conspeximus, bulbum veterem nunc marcescentem, partem caudici similem, in cuius fine nouus bulbus haeret, profundius in terram dimittere*. Bulbus sic formatus, ut bulbi minores alii ex superiori parte folium unicum, ex ima autem parte, non nihil plana, fibrillas protrudit et sic proximo anno succos in squamis colligit et praeparat, quo tertio tandem anno scapum floriferum emittere queat.

* Num hic modus bulbum protrudendi naturalis sit, an vero a cultura dependeat, nondum definire possumus.

§. 399.

In radicibus bulbosis solidis cum tuberosis, ratione fabricae internae, quodam modo conuenientibus, bulbus marcescit, putredine siccata vel humida

consumitur, eidem tamen nouus bulbus, interdum unicus interdum duplex vel triplex, infistit, qui succis collectis et praeparatis, ut in praecedenti casu dictum fuit, nouam plantam florentem sistit. Noui itaque bulbi vel circa radicem veterem, vel supra eandem, rarius autem ex basi erumpunt: notandum tamen est, in allii specie, ex apice scapi inter flores, in lilio bulbifero ex alis foliorum, nouos quoque bulbos prodire.

§. 400.

Tuberose radices, quae semper perennes inueniuntur, noua tubera a latera veteris producunt. Pars nimirum radicis, quae copiosos succos collegit, caudicem et inde folia flores et fructus producit, et post ea, dum interior medulla vel exsucca et cariosa fit, vel humiditate nimia putreficit, destruitur. Circa hanc autem radicis destructae partem noua tubercula accrescunt, quae succis collectis et praeparatis augentur, nouam vegetationem incipiunt et absoluunt.

§. 401.

Vsus radicis sunt: plantam fibrillis et ramulis, in terram dimissis, firmam reddere; per fibrillas has ex terrae gremio succos conquirere; praeparationem eorundem in parenchymate inchoare; praeparatos ad medullam ducere, quo tandem vi et copia succi collecti caudex protrudatur, et ulterior plantae vegetatio incipiatur, adiuuetur et absoluatur.



SECTIO II.

DE CAUDICE.

§. 402.

Definitionem et differentias caudicis in historica parte summatim exposuimus §. 61. seqq. nunc in physica tractatione constituti in genere quoque monemus, omnes caudices ex cortice, qui ex cuticula et parenchymate constat, corpore lignoso et medulla componi, hasque partes, ut de fibrilla radicis proposuimus, §. 382 in exteriorem inter medium et interiorem dispesci, cum vero in his partibus insignis deprehendatur varietas, distinctius paulo de iis agendum erit.

§. 403.

Caudicis fabricam internam et usum consideratri, primo quidem de annuis, succulentis, mollibus, qui non nisi circa finem vegetationis quodam modo densiores et quasi cartilaginei euadunt, post ea de truncis, tanquam caudicibus perennibus et lignosis, qui in fruticibus et arboribus occurrunt, acturi sumus, porro nodorum fabricam et inde deducendum ramorum ortum examinabimus, quo tandem ex variis usibus partialibus declaratis, usum caudicis generalem subiungere queamus.

§. 404.

Caudex mollis et succulentus sub cuticula tenera cellulosum opus, undique diffusum, ostendit, vascula vero succosa, subtiliori tela cellulosa repleta, tanquam filamenta per hanc substantiam ducuntur, quae vascula ferme exfucca, vegetatione tandem ad finem

perducta, in euidentiores fasciculos colliguntur, magis compinguntur et cylindrum lignosum formant, in cuius medio tela cellulosa tenerior, parietibus accreta, deprehenditur, cuticula vero extus, vix conspicuo parenchymate intercedente, adhaeret.

§. 405.

Hoc in scapis tuliparum et reliquarum bulbosarum plantarum, vel nudis vel foliis ornatis optime conspicitur, quorum nimirum incrementum copioso fatis succorum accessu ex radice bulbosa, celerique eorum progressu egregie adiuuatur, flore tamen euoluto et marcido facto, rarius enim fructum, rarissime semen perficiunt, succus in foliis adhuc praesens vel perspirat, vel perspiratione tandem deficiente ad radicem reddit, et in formationem nouorum bulborum impenditur §. 397. seqq.

§. 406.

Parum ab his differt formatio caulis in cerealibus sive culmiferis §. 63. aliisque annuis plantis, etiam ramosis. In his enim radix fibrosa vel caulescens, sufficientibus succis collectis, caudicem celeriter protrudit, nodis tamen per interualla formatis, quibus vel caulis firmior redditur, vel ramorum ortus efficitur. Tela cellularis media, quae totum cauum corporis lignosi replet, paulo post euolutioni floris et fructus inferuit, et breui consumit, opere cellulari tantum in parietibus caui conspicuo, succus autem in fistulis lignosis et foliis caulinis superstes, ad florem et fructum perficiendum impenditur, et hoc motu tandem cessante, semine solo, ad ulteriorem vegetationem apto, reliquae plantae partes exsiccantur.

§. 407.

§. 407.

Plantae densiores in radice perennes, caule tamen annuo donatae, scilicet suffrutices §. 50 ut plurimum lentius crescunt et multa cum plantis, caule perenni instructis, ratione formationis nodorum, ramorum et foliorum communia habent, ideoque ex sequenti tractatione melius dijudicantur. Licet autem succi lentius moueantur, et accuratori elaboratione perficiantur, mutatio tamen caudicis post floris et fructus euolutionem seminumque maturitatem, ita absolvitur, ut paulo ante §. 406. declarauimus.

§. 408.

Ad plantas, caudice perenni et lignoso instructas, nunc progrediendum est. Prima quidem euolutio caudicum cum praecedentibus maximam partem conuenit, quoniam autem, formato corpore lignoso, parenchyma sub cuticula et medulla in medio cylindro copiosioribus succis scateat, nec ut in annuis exsiccatur, ulterior vegetatio in iis perficitur. Corticis itaque partes a nobis studiosius disqurendae sunt, antequam ad corporis lignosi et medullae indolem considerandam progrediamur.

§. 409.

Parenchyma in cortice arborum ab ea parte, qua corpus lignosum respicit, vascula cartilaginea magis conuergentia et implicata habet, laminamque densiore format, quae liber vocatur. Interna haec parenchymatis lamina, cum corpore lignoso non per vascula continuata, sed per tenuissimam telam cellulosa cohaeret, quae, si ramos arborum iuniorum, in quibus ob aerem pluviosum perspiratio cohibita est, verticaliter dissecamus, euidentius conspicitur,

cum eo tempore stratum quasi aquosum librum et corpus lignosum intercedat, in successiva vero vegetatione et sub parciori saepius succorum affluxu, haec tela cellulosa siccior redditur.

§. 410.

Vegetatione, per hyemem quiescente, succi vel plane non vel exigua copia per vascula, librum constituentia, et vicinam telam cellulosa mouentur, haec igitur lamina pressius ad corpus lignosum accedit, et cum aestate praecedente tanquam pars parenchymatis considerari poterat, nunc cylindrum exteriorem corporis lignosi efficit, et alburnum vocatur. Hoc autem stratum nondum adeo densum est, uti corpus lignosum, sed per interstitia vasculorum complicatorum et in ipsis eorundem cauis aliquam adhuc succi copiam transmittere videtur.

§. 411.

Opus cellulosum, quod parenchyma ipsum constituit, et inter librum et cuticulam haeret, per augmentum corporis lignosi magis extenditur. Sicior itaque et densior cuticula, quae extensioni non satis cedere potest, finditur, magis exsiccatur, secedit, et alia noua sub priori generatur. §. 327. In maiori vero corporis lignosi augmento exteriora quoque parenchymatis strata magis sicca et distenta vel lamellatim vel granulatim finduntur et corticem sulcatum, fissum, cuticulaque maximam partem destitutum fistunt, quae mutatio in arboribus eorumque truncis v. c. picea et betula, optime animaduer- titur.

§. 412.

§. 412.

Haec extensio corporis lignosi etiam in stratis parenchymatis interioribus, libro vicinis, maiorem extensionem efficit, strata tamen cellulosa contextum adhuc pulposum et succulentum obtinent, ideoque sub ipsa distensione maiorem succorum affluxum admittunt, inter cellulas interea noua vascula formantur, vel formata extenduntur et ita ex coalitu vasculorum, quae cartilagineam quasi indolem assumunt, liber nouus efficitur, qui, ut praecedens §. 410, sequenti anno ad corpus lignosum accedit.

§. 413.

Antequam ad lignosum corpus, in truncis arborum describendum, accedamus, de libro plantarum annuarum pauca addenda sunt. Eadem enim mutatio parenchymatis, quam nunc §. 113 explicavimus, in caulis annuis lini et cannabis aliarumque plantarum quoque absolvitur: hic vero liber, dum in usus plantae futuro anno non impendatur, nec ad corpus lignosum accrescat, sed forte in planta ipsa ad caulem magis firmandum producatur, praeparatione artificiali ad fila inde ducenda aptus redditur.

§. 414.

Sectiones trunci horizontalis et verticales circulos per annorum series, ad corpus lignosum accidentes, demonstrant, qui ex successiva libri et alburni accessione pendent §. 409 seqq. inter haec strata tela cellulosa semper praefens est, a maiori vel minori crassitie ad humiditatem vel siccitatem anni, in quo circulus appositus fuit, concluditur. In densioribus arboribus v. c. quercu, fago etc. circuli

illi angustiora interstitia et cellulosa material parciorem obtinent, in arboribus autem mollioris texturae v. c. pino et populo, circuli magis distant et copiosiori tela cellulosa replentur.

§. 415.

Haec breuiter tantum in arboribus nostri climatis declarauimus, introducuntur tamen aliae mutationes a plaga coeli, cui unum vel alterum latus arboris expositum est, quae in directione arborum transplantandarum annotandae sunt. In arboribus quoque exoticis densioribus et porosis, guajaco, buxo, sassafras et palma multae differentiae annotandae essent, quae tamen cum limites instituti nostri transcant, fusius a nobis non explicantur.

§. 416.

In iunioribus ramulis plantarum arborearum medulla quidem in centro deprehenditur, rariores vero sunt plantae arboreae, quae, ut in sambuco, in crassioribus ramis, multo minus in truncis, medullam in medio continent; in pluribus enim in centro vel exsiccata vel condensata tantum portio medullae conspicitur, tela potius cellularis, quae veram medullam sistit, in interstitiis circulorum, nunc descriptorum, §. 414 disponitur, inter externa tamen strata medulla magis succosa est, quam inter interiora.

§. 417.

Ex hac dispositione patet, succos non in toto trunco et ramis maioribus aequali vi moueri, sed inter corticem librum et alburnum copiosius, inter proximos circulos lignosos autem parcus duci, et in intimis, praecipue annosioribus, truncis motum succi

fucci prorsus deficere. Sunt igitur arbores, quae in medio cauae deprehenduntur, ut oleae et salices, in quibus tamen fucci adhuc promouentur. Experiencia quoque docet, corticem in quibusdam arboribus sine plenaria destructione plantae deglubi. Cortice enim ablato; liber manet, et corpore lignoso maximum partem carioso facto, alburnum succorum motum praefstat: Si vero vel liber vel alburnum laeditur, arboris quoque incrementum cohibetur; si utrumque stratum destruitur, arbor perit.

§. 418.

Ramos in gemmis delineatos esse, infra ostendendum erit. Melius itaque in doctrina de nodis et ortu ramorum, quam nunc explicandam nobis sumimus, versaremur, si rationem formationis gemmarum perspectam haberemus, cum vero ea, quae de ortu ramorum in gemmis declaraturi sumus, non satis perspicua sint, nodos et formatos inde ramos, quatenus in plantis euolutis perspiciuntur, declarare maluimus, cum persuasum habeamus, phaenomena, hanc doctrinam illustrantia, praecipua huius mutationis momenta explicare.

§. 419.

Scapus nullo folio ornatus, ut in allio et iunco, nullum quoque nodum habet, cum omnia vascula unam eandemque directionem sequantur; ubi vero circa inferiora scapi, ut in tulipa, folium oritur, ibi nodus obseruatur. Vascula scilicet succoso cartilaginea a reliquis caudicis sejuncta, anastomosibus inter se complicata et in folii fabricam continuata, nodum simplicem formant. Hunc ideo simplicem dicimus, quoniam anastomoses et nodi inde formati tantum

in strato vasculoſo parenchymatis extero ideoque quasi superficiales ſunt, inde et eſt, quod gemmae in alis horum foliorum, vel nunquam vel rariſſime producantur.

§. 420.

Si vero folium ad alam ſuam gemmam et inde ramum producit, tunc nodus compositus dici potest; non tantum enim exteriora vascula, ſed interiora etiam eorum ſtrata lignoſa, a vi medullae diſiuncta, prodeunt, ita ut nouum quasi et laterale corpus lignoſum, medullam in medio continens et cortice inueſtitum, forment. Hoc quidem in gemma non dum declarari potest, quando vero ramus, ex gemma formatus, tandem in conſpectum prodit, tunc partes indicatae vere diſtinguuntur. Sunt itaque rami §. 61. etiam quoad fabricam internam, partes caudici ſimiles, ſed minores.

§. 421.

Prout itaque vel ramos alternos vel oppofitos in caudice, vel ramulos alternos et oppofitos in ramis habemus, ita etiam nodi vel alternatim vel in oppofitis lateribus caudicis inueniuntur, et nodi laterales, alterni vel oppofiti, dicuntur. His nodi et rami vagi, qui hinc inde ex gemmis, in cortice arborum prorumpentibus, formantur ratione ortus et fabricae ſimiles ſunt. Licet vero nodorum et ramorum ortus in omnibus plantis quoad essentialia ſimilis fit, ob inſignes tamen plantarum differentias et quosdam ſingulares ſtructurae modos non nulla adhuc addenda ſunt.

§. 422.

In plantis nimirum annuis et annuo caudice donatis, medium cauum canalis et ramorum, in quo medulla continetur, continuum est, foramen tamen, ob nodi fibras, arctius coniunctas, angustius comprehenditur, ne omnis vis succi medullaris moti tantum in ramos abeat, sed maxima in ulteriorem caudicis extensionem impendatur: In plantis tamen, celerius crescentibus, foramina nodorum ampliora sunt, quam in aliis, quae lentius euoluuntur.

§. 423.

Rami arborum ab eo circulo lignoso pendent, ex quo gemma, quae ramo originem dedit, protrusa fuit, et strata noua, quae postea trunco in successiuis libri et alburni mutationibus addita fuerunt, etiam ramis accedunt. Hinc rami ex interioribus corporis lignosi partibus oriri videntur, et, quo maiores sunt, eo magis penetrant in lignum trunci, ramo etiam carie destruēto, haec saepius trunco ipso per insertiones rami communicatur. Rami iuniores, ab exterioribus corporis lignosi stratis tantum deducti, reliquis maioribus expansis saepe pereunt.

§. 424.

Radicum in arboribus similis est propagatio, et inde patet, cur transplantatio inuersa ex ramis trunci fibrillas, ex ramis radicis gemmas et folia dimittat. Ex dictis etiam cognoscitur, cur rami iuniores circa truncum et radices praescindendi sint, si laetius crescentem summitatem arboris expectemus: Quoniam etiam nodi circa ramos, fibras lignosas densius congestas et singulari modo complicatas obtinent, aliter certe quam in reliquo ligni tractu, ibidem

dem potissimum copiosior resinosi succi collectio deprehenditur.

§. 425.

Si in caudice folia vaginantia et amplexicaulia §. 75. v. c. in cerealibus et plurimis umbelliferis plantis oriuntur, vascula quaedam lignea recta quidem continuantur et caudicem firmant; alia anastomosis iuncta introrsum coeunt et septum horizontale in medio corporis lignosi formant, quod medullam distinguit; alia tandem extrorsum ducuntur et folia formant, vel etiam, ut in non nullis plantis aquaticis fieri solet, fibrillas emittunt et radices copiosiores protrudunt. In nodosis interdum caulis, v. c. in ialappa, fibrarum in continuato caule progressus parcior est, ita, ut partes caudicis ferme eodem modo inter se coalescant, ut epiphyses ossium cum diaphysi.

§. 426.

Nodi equidem in primis illi, qui septa transuersa in cauis medullae formant, celerem nimis progressum succi in medulla cohibent. Cum vero cerealium caules, quos exempli loco adduximus, breui temporis interuallo extendi supra §. 406 monuerimus, tenendum omnino est, in prima caulis euolutione succos copiosos eundem in insignem saepius, praecipue proportione crassitiei, longitudinem extendere, flumine autem succorum, in media medulla cohibito, idem in tela cellulari, ad parietes caui appressa, lentius mouetur et folia, ad nodos sita, succum magis elaboratum ad nodos et inde ad spicam florum et seminum perducunt.

§. 427.

§. 427.

In his cerealibus circa nodos nouae gemmae et rami formari possent, et circa nodos inferiores sub copioso succi nutritii affluxu saepe etiam formantur; cum vero hoc ipso succus primariae spicae floriferae et fructiferae detrahatur, et ideo spicae laterales tantam vim incrementi et succorum raro vel nunquam obtineant, quanta primariae et mediae tribuitur, haec culturae ratio, cerealium perfectius incrementum sistens, meliori forte iure negligitur, quam suscipitur.

§. 428.

Vnico tantum exemplo in plantis cerealibus mutationes, in caudice perficiendas, fusius declarauiimus, multa forte addenda essent, si alia plantarum genera disquirere et in arboribus exoticis v. c. palmis et variis cacti speciebus simili cura versari vellemus. Quod si vero quis essentiales fabricae rationes, a nobis indicatas, cum accidentalibus differentiis comparare velit, plura certe, quae hanc doctrinam illustrant, subnectere poterit. De petioli et pedunculi structura plurima ex hac doctrina colligenda sunt, alia vero passim in sequenti de foliis tractatione annotanda restant.

§. 429.

Vsus caudicis est folia, flores et fructus sustinere: quoniam tamen in simplici caudice parciora folia et ideo parciор humorum elaboratio est; quoniam porro parciores flores collocari et inde fructus oriri possunt, rami ex caudice emittuntur, qui augmentum superficieи plantae praestant. Sed ipsa caudicis fabrica ostendit, haud leuem mutationem succorum

in iis perfici; licet enim in annuis elaboratio non adeo operosa sit, tamen lignorum et corticum egregii odores et sapores, mixtionis humorum intimis luculenta exhibent testimonia.

SECTIO III. DE FOLIIS.

§. 430.

Insignis foliorum differentia, ratione situs figurae et substantiae, in parte historica §. 71. seqq. fuse declarata suit; cum itaque ad fabricam quoque internam, ad quam in definitione quodam modo prouocauimus §. 68., in praesenti tractatione respiciendum sit, haec quidem aptius euolui vix poterit, quam si primo ad nexus folii cum partibus, ex quibus producitur, hoc est, ad petioli et costarum ortum et distributionem, porro ad membranaceam laminam, quae quasi essentiam folii constituere videtur, attendamus, usum deinde et uniuersalem et accidentales declaremus, tandem appendicis loco de clauiculis, spinis etc. agamus.

§. 431.

De ortu foliorum aeturi ad semen et gemmam attendere deberemus, ex quibus nimirum tenera flora delineata prodeunt; uti vero ramos ex gemma deducere non potuimus §. 418, sic et nunc folii ortum in his obscuris initiis vix deprehendimus, ideoque in folio iam euoluto ad nexus cum radice caudice et ramis attendimus, et neglectis accidentalibus varietatibus, ad essentiales partium plantae productiones oculos nostros conuertimus.

§. 432.

§. 432.

Omne folium eo in loco, ubi ex radice et caule prouenit, ampliori quodam modo basi instructum est, quod, non tantum in vaginantibus, amplexi-caulibus aliisque foliis §. 75. conspicitur, sed et in petiolatis §. 74 appareat. Petiolus enim, licet in progressu attenuetur, in principio tamen tuberculum plus minusue crassum obtinet, et in deciduis et marcidis foliis secedens planam quasi basin, qua mediante adhaesit, conspicientiam praebet.

§. 433.

Folia equidem non, ut rami, ex interna medulla ligno disrupto et nodo composito formato §. 420, sed tantum ex cortice nodo simplici facto §. 419 prodeunt, vascula tamen lignosa, vel potius cartilaginea, ex parenchymate deducta et telam cellularem, medullae similem, continentia, in petiolos et costas excurrunt, et cuticulam et cellulosum parenchymatis stratum secum trahunt.

§. 434.

Haec structurae ratio quidem in annuis plantis v. c. brassica conspicitur, et nos conuincit, in terrima quavis planta, folia ex cortice corpore lignoso et medulla constare, licet in mollibus et succulentis vestigia corporis lignosi saepe adeo exigua sint, ut magis strias fibrosas et succulentas, quam verum lignum detegamus, liceat tamen in fabrica foliorum detegenda ad rigidiora arborum respicere, et ad molliorem fabricam, in aliis deprehensam, limitatione addita, concludere.

§. 435.

§. 435.

Si petiolus ad exortum suum transuersim ita dissecatur, ut gemma proxima nullo modo laedatur, tunc vel unicum, vel tria, vel quinque, vel septem distincta vascula cartilaginea, medulla in medio repleta, in tela cellulosa parenchymatis disposita, obseruantur. Si unicum est, tunc semilunari ductu ostendit, ut in nicotiana rotundifolia; si plura sunt, tunc medium maximum et interdum semilunare, lateralia semper minora, inueniuntur. Ternarius numerus in multis obseruatur, si plura, quam septem, punctula conspicuntur, tunc folia vaginantia et amplexicaulia sunt.

§. 436.

Nodum simplicem, ex intimo corporis lignosi strato non deductum, interdum folium formare supra declarauimus, §. 433 hoc tamen in casu fibrae, ad folii genesis deflexae, ex vasculis caudicis sunt. Saepius tamen vel a libro, cuius praesentiam in annuis quoque plantis ostendimus §. 413. vel etiam ex ipsis corporis lignosi stratis, praecipue exterioribus, in plantis, in quibus hae partes iam coactae sunt, prodeunt. Hae nimirum fibrae nec protrudi nec in cylindrica vascula cogi possent, nisi succus in medulla motus per corpus lignosum, vel potius ex eius stratis exterioribus accedens, hunc motum praestaret et folii delineationem in gemma, et euolutionem in progressu et incremento continuato sisteret.

§. 437.

Ortum hunc folii ex stratis exterioribus lignosi corporis pyri exemplo declarare possumus. Si cortex a ramulo deglubitur foramen amplius conspicitur,

tur, ex quo gemmam flumen medullae recipit. Sub hoc tamen punctulum simile medullare per corpus lignosum erumpit et utrinque paulo inferius duo alia conspicuntur. Productiones hae medullares, quae, ut striae non nihil virides, per corpus lignosum trans-eunt, non tantum folii ortum medullarem, sed et quaedam corporis lignosi vascula protrusa indicant.

§. 438.

Vascula haec cartilaginea magis, quam lignosa, in principio petioli disiuncta atque tenerrima sunt, et, cum ideo praeuia maceratione facile dilacerentur, cauta tantum sectione in recenti planta deteguntur. Ea tamen in petiolo continuato coeunt, et interdum, si petioli teretes sunt, in cylindrum, ut plurimum autem, ubi petiolus in superiori parte depresso, ab inferiori conexus est, in semicirculum disponuntur, interdum etiam in duplice vel triplice cylindro progrediuntur, ita tamen, ut, in hoc casu, in principio petioli fibrae libri anastomosibus iungantur et potissimum ex fibris lateralibus quaedam ad medium et primarium cylindrum accedant. Reliqua petioli structura parenchymate circumfuso et ceticula cincto absoluitur. Non nullae animaduersiones hue referenda post rete duplex foliorum descriptum aptius exponentur.

§. 439.

Ad progressum petioli attendentes perspicimus, eundem vel simplicem esse et in costa principe vel collateralibus quoque continuari, vel, ante quam ad varias folii partes ducatur, in ramos abire. Haec distinctio differentiam folii simplicis et compositi sistit, quam alibi iam indicauimus §. 69. et ex con-

iunctione vasculorum vel in unicum vel in plures petiolos descripsimus. In foliis autem simplicibus vel in foliolis compositorum diuersa ramificationum directio indicanda et quibusdam exemplis declaranda est.

§. 440.

Vascula cartilaginea, in petiolo coacta ad membranaceam folii partem producta, iterum secedunt et in membrana expanduntur; vel enim tanquam ramifications alternae et oppositae ex costa, per medium folium ducta, prodeunt, ut in pyro et centro; vel ad ingressum in partem membranaceam petiolus in tres, quinque vel septem costas diuiditur, quarum media primaria est, ut in acere et bryonia; vel plurimae costae parallelo quasi ductu per folium excurrunt, ut in rusco et non nullis foliis vaginantibus v. c. in gramine. Hi sunt praecipui distributionis costarum modi, a nobis exempli loco commemorandi, alii enim cum his apte comparari possunt.

§. 441.

Vlterior vero ramorum, ex costa prodeuntium, distributio attendenda est; si enim costae primariae magis excurrunt, quam ramifications laterales, folia angulata fiunt, v. c. in acere; in aliis, ut in centro, rami costae primariae, ante quam ad marginem perueniunt, anastomosibus insignioribus iunguntur et ita impetu succi in minimis, ex hac anastomosi oriundis, ramulis cohíbito, folium integrum vel leuiter crenatum redditur; in aliis costae primariae ramifications sine anastomosi insigni usque ad marginem tendunt, et folia incisa vel profundius denta-ta fiunt; in non nullis tandem foliis ramuli costarum minimi, ad marginem ducti, inter se compli-cati,

cati, marginem cartilagineum formant, qui vel integer est, ut in buxo, vel spinosus fit, ut in agrifolio. Exempla adducta, reliquas etiam foliorum differentias, quoad figuram §. 79 consideratas, illustrant.

§. 442.

Folia in semine et gemma delineata sunt, et vegetatione successiva euoluuntur, ita tamen, ut in ipsa delineatione et euolutione varias formas assument, et, non nisi successiva mutatione illam induant, sub qua in planta perfecta conspicuntur, id, quod MALPIGHIVS variis exemplis declarauit *. Folia seminalia ut plurimum a foliis plantae perfectae figura differunt; eadem differentia saepius inter folia radicalia et caulina intercedit, caulina quoque inferiora saepius aliam figuram habent, quam media et superiora: quae cuncta exemplis, ex ranunculorum et conuoluulorum familia desumptis, ostendi, et ex vario succorum in costis eorumque ramis impetu explicari possunt.

* vid. Anatome plantarum Londini 1675. fol. de gemmis p. 22. seqq. tab. IX. seqq.

§. 443.

Rete vasorum ex costarum ramificationibus, vario modo decurrentibus et anastomosi iunctis formatum, non tantum indicatas figurae foliorum mutationes §. 440 seqq. per diuersorum succorum motum efficit, sed et ad reliquam folii fabricam explicandam nos quasi manu ducit: hoc enim in mollissimis foliis pellucidis, in quibus vasa succosa occurunt, conspici, in iis vero, qui densiorem fabricam et vascula cartilagineo-lignea habent, reliquis parti-

bus maceratione ablatis, ita praeparari potest, ut nexus partium accuratius cognoscatur; non nullis itaque de cuticula et parenchymate foliorum praemissis, rete ipsum ulterius disquirendum erit.

§. 444.

Maxima pars foliorum plus minusue succulentam membranam fistit: in his igitur cuticula utramque superficiem et superiorem et inferiorem tegit, costis non nunquam arête adhaeret, in variis tamen tanquam lamella tenuis facile separatur. Tela cellulosa vero, quae parenchyma constituit, undique in areolis, a ramificationibus costae interceptis, ita distribuitur, ut ramuli subtilissimi in eadem finiantur et succorum communicationem, progressum et elaborationem efficiant.

§. 446.

Telae cellulosae differentia et utriculorum vel vesicularum comparatio cum glandulis animalium aliqua cum probabilitate assumi, nondum autem euinci potuit §. 331 seqq. in primis cum vera conuenientia vasorum in plantis et animalibus §. 336. 365. non detegatur. Cum autem succorum per vasa motus et elaboratio ex certissimis phaenomenis cognoscatur §. 377. et in foliis potissimum succi suscepti et mutati ad caudicem et gemmas redire videantur, in hanc rem paulo studiosius inquirendum erit.

§. 446.

Cum autem dissectio ob teneram foliorum fabricam minimos vasorum et vesicularum nexus haud detegat, tentandum omnino est, an maceratione et leuiori putredinis gradu inducto vasorum directiones
et re-

et rete inde formatum aptius disquirantur. In ipsa vero retis praeparatione artificiali varia occurunt phaenomena, quae fabricam et usum foliorum melius explicant, hinc ea omnino accuratiori examine digna inueniuntur.

§. 447.

In succulentis foliis plantarum annuarum v. c. alsine et portulaca, putredo tenera vasa succosa resolut, nec ullum rete sifit, et licet in aliis annuis et multis perennibus firmiora folia occurant, quae soli obuersa rete satis conspicuum ostendunt, tamen, cum nimis siccata et quasi papyracea inueniantur, ut in amaranthis et imperatoria, vascula tenera cum parenchymate et cuticula adeo coalescunt, ut vel omnes partes simul dissoluantur, vel rete tenerum, sub aquis fluctuans, in exsiccatione crispetur, minus nitidum appareat, et ad reliquas disquisitiones ideo ineptum sit.

§. 448.

Plurima dantur folia, in primis arborum, in quibus maceratione instituta rete simplex et elegans praeparari potest, v. c. tilia, celtis, ruscus. Non nulla ex his in ipsa parenchymatis elutione in rete duplex finduntur v. c. agrifolium, pyrus, citrus. In quibusdam v. c. quercus foliis tanta iam partium est siccitas, ut rete quidem, sed non satis purum, eluatur. Non defunt alia plura, in quibus idem labor succedit, nos vulgares tantum, et in quibus rete facilius praeparatur, adduximus. Cum autem non tantum ad selectum plantarum, sed etiam ad diversum incrementi tempus et alias accidentales mu-

tationes respiciendum sit, non nullae adnectendae sunt animaduersiones.

§. 449.

Folia pyri iuniora, vel mense maio disquisita, vel ea, quae mense augusto in arboribus, cultura perfectioribus redditis, ex gemmis ferotinis seu secundariis producuntur, coloris sunt laete virentis in luteolum vergentis, tactu mollia et lanugine tenui pubescentia. Haec in fibris lignosis, rete conficientibus, tantam mollitatem ostendunt, quae omnem praeparationem et exsiccationem recusat; in experimento tamen instituto fibras, ex quibus hoc rete formatur, sub aqua fluctuare vidimus non simplices, sed in fasciculos collectas, ob insignem mollitatem in penicillos quasi dissolutas.

§. 450.

Mense iunio et iulio folia pyri obscurius viridia et paulo rigidiora deprehenduntur, experimento igitur repetito cognouimus, hoc anni tempore folia post breuem macerationem putrefactare, cuticulam facile a parenchymate secedere, et hoc facile ex areolis elui, ideoque rete elegantissimum, ad minimos ferme ramulos productum, exhiberi. In hoc quoque statu rete foliorum duplex facilis separatur, et apta enchiresi praeparatur.

§. 451.

Folia, nec nimis mollia, nec nimis rigida, in eluitione sua sponte in duas laminas secedunt, §. 448. et sub aquis fluctuantia elegantissima sunt, sub exsiccatione tamen tenerae marginis ramifications contrahuntur et crispantur. Folia paulo rigidiora, sub eluitio-

elutione non secedentia, post exsiccationem in duas laminas diuiduntur, si inter duplicitam chartam reposita, instrumento quodam duro, ad laeuigandas chartas apto, perfricantur, et parte quadam in margine vel apice secedente suspensa manu ulterius diuelluntur. In rigidioribus adhuc foliis haec separatio non semper succedit, in exsuccis et marcidis nullum rete praeparatur.

§. 452.

Licet non in omnibus foliis, quorum rete demonstratur, hoc in duas laminas diuidi queat, in omnibus tamen, ad minimum in arborum, foliis illud adesse, sequenti experimento commotus suspicior. Folia mespili seu potius crataegi, quem oxyacantham vulgo dicunt, in sylvis collecta rete densum, nulla arte in duas laminas diuidendum, exhibuerunt, huius autem fruticis in horto culti folia non adeo rigida inuenta diuisionem retis in duas laminas permiserunt. Non incongruum itaque erit, duplicis laminae, in rete foliorum deprehensae, ulteriorem disquisitionem suscipere.

§. 453.

Laminae retis, accurate sibi inuicem superimpostae, directionem ramificationum simillimam referrunt, et si molle adhuc rete separatur, tela cellulosa tenerrima intercurrit, quae has laminas coniungit; haec tela igitur, si sufficientibus succis scatet, separationem laminarum admittit, si vero exsucca est, tunc retia, iam inter se coalita, nulla arte distinguenda, sistit *. Considereremus autem fabricam di-

uersam, laminae superioris, quae apicem et inferiores, quae radicem plantae respicit.

* In citro tertiae laminae superiori incumbentis quedam vestigia reperi, opuntiae folium rete in plurimas laminas diuidendum commonstrauit.

§. 454.

Lamina retis superior ramifications cylindricas vel teretes, cellulari opere a medulla deducto repletas, obtinet. Hae ramifications tenerioris sunt structurae, et facile in fibrosum et cellulare opus dilacerantur, ob nimiam hanc mollitiem, non semper ad ultimos usque ramulos deducitur, sed in maceratione quasi diffliuit. Lamina retis inferior fibris, a libro deductis, respondet, et plasmam potius membranulam, priori cylindro appositam, quam cylindricas productiones ostendit. Huius ramifications cum tenaciores sint, elegantius rete, ad minimas fibrillas deductum, exhibent, nullumque cellulofsum opus fistunt.

§. 455.

Rete superius corpori lignoso respondet; licet enim vasorum substantia tenerima videatur, cylindrica tamen eorum figura, et medullae praesentia hoc abunde confirmant. Rete inferius cum libro conuenit, quod praeter tenacitatem lamina plana ostendit, uti itaque in caudice tenax lamina libri corpori lignoso sicciori et fragiliori, primo quidem intercurrente tela cellulari succulenta adhaeret, §. 409 paulo post autem firmius agglutinatur, sic etiam in foliis laminae, diuersae prorsus consistentiae, vel laxiorem vel sicciorum telam cellulofam intercurrentem ostendunt. §. 453.

§. 456.

§. 456.

Plura quidem circa structuram foliorum et varia cum iis instituta experimenta tradi possent, limites autem tractationis compendiariae haud permittunt, ut ulterius progrediamur, in primis, cum persuasum habeamus, ex dictis usum foliorum intelligi posse. Cum vero ad motum succi per hanc partem plantae unice respiciendum sit, explicandum omnino erit; quomodo succi ad folium dirigantur et in eo moueantur? quomodo succi in folio ipso mutantur et praeparentur? quomodo praeparati succi ad plantam deferantur, vel ex folio perspirent.

§. 457.

Succus medullaris in praecipuis vasculis, a corpore lignoso deductis, folium delineat et euoluit, eiusque vis maxima et librum et parenchyma et cuticulam producit, in his quidem partibus succi simul continentur, non tamen tanto impetu mouentur, in primis autem liber ob tenacitatem suam extensiōni nimiae foliorum resistit. Vernali igitur tempore in primis in locis humidis folia insigniter extenduntur et celerius crescunt.

§. 458.

Succus medullaris, in incremento foliorum exhaustus, vel ad reliquas plantae partes directus, nunc in folio lentius mouetur vel prorsus quietescit; ipsa enim folia, postquam incrementi limites attigerunt, ex mollitie sua in rigidiorem quodam modo statum deducuntur, cum itaque per vias medullares parum vel nihil accedat, liber et parenchyma per sicciorēm factum petiolum parum quoque adducant, interea tamen planta semper perspiret, succus, qui folia in

virore conseruat, praecipue ex aere accedere videtur.

§. 459.

Si plantae, nimio calore applicato marcidae factae, flaccescunt, illae, in humida loca repositae, succo hausto iterum eriguntur, hoc quidem euenire non posset, nisi omnis earum superficies hos succos ex aere susciperet, nullaque pars plantae ad hanc inspirationem magis apta est, quam folia, ampla nimirum superficie praedita. Demonstrant hoc plantae, in calidis regionibus crescentes, saepius maxime succulentae, quae, licet terra raro vel nunquam pluvia humectetur, et tenera radix parum conquirere queat, nutriuntur tamen et crescunt.

§. 460.

Cum autem perspiratio in plantis eueniat et ab aeris ambientis vicissitudinibus dirigatur §. 366 seqq. quaestio omnino moueri posset, an plantae folia simul perspirent et inspirent? et an superficies superior perspiret, inferior autem inspiret? Experimenta hunc in finem facta * non ita comparata esse videntur, ut rem hanc dubiam definiant, qua propter in genere tantum assumimus, folia interdum viuidius perspirare, interdum vasis et cellulis succo destitutis: ex aere humido nouos iterum sugere.

* vid. CHARLES BONNET *Recherches sur l'usage des feuilles dans les plantes.* Goettingue et Leide 1754. 4to, in commentario primo p. 1. de nutritione plantarum per folia.

§. 461.

Folia itaque satis expansa, cum ex caudice parum vel nihil nutrimenti assument, §. 458 vacuam telam cellulo-

cellulosam ex vaporibus, in aere ambiente praesentibus, replent, succos receptos retinent et mutant, aliquam et tenuissimam partem, noua inducta perspiratione, iterum expellunt, alteram vero ad plantam ipsam remittunt, quem quidem regressum ulterius considerabimus, postquam pauca de mutatione humorum praemisimus.

§. 462.

Succi, vel ex radice et caudice in folium ducti, vel inspiratione per omnem superficiem eo delati, non mere aquosi sunt, sed particulis terreo-salino-oleofis scatent; sub quiete igitur in cellulis harum particularum noua fit mixtio et digestio, quae partim per motum intestinum, fermentationi similem, partim per variam vasorum fabricam et directionem determinatur, cum autem motus progressiuus in plantis a vi vasorum non dependeat, calor praecipue, aerem et succos agitans, huic mixtioni perficiendae fauet, quam de reliquo ex ipsa natura particularum non satis definire possumus.

§. 463.

Acidum uniuersale, in aere haerens, partibus terrestribus iunctum et inde austерum redditum, in parciori copia mucilaginosarum et oleosarum particularum in multis foliis gustu austriusculo se prodit. Partes tamen has magis puras fieri et acidum vegetabile inde elaborari, acido succo scatentia folia euincunt, et plantae, foliis aromaticis praeditae, odore et sapore suo satis ostendunt, quanta iam in foliis salinarum et oleosarum particularum euolutio inueniatur.

§. 464.

§. 464.

Quod si vero et folia consideremus, quae specifico sapore et odore praedita non sunt, sed tantum austерum vel aquosum inertem edunt, in iis tamen initia elaborationis succorum fieri abunde cognoscimus. Sic folia radicalia dauci et raphani, peculiari sapore vix praedita, succos tamen, a radice tenera suscepitos, et alias inspiratione acquisitos ita perficiunt, ut radix inde proprios et specificos succos accipiat. In arboribus quoque vel flores, vel, si flores etiam in vernalibus cum foliis erumpunt, fructus non perfici cognoscimus, nisi folia, incremento sufficienti acquisito, succorum praeparationem praestare potuerint.

§. 465.

Quando autem in foliis, tempore inter perspirationem coabitam et denuo incipientem medio, noua mixtio facta fuit, quicquid austерum et terreum est, nec satis euolui potest, in folio remanet, illudque rigidum magis et gustu austерum efficit; aquosa pars subtilissima perspirans particulas oleoso salinas summe volatiles secum abripit, et in odoriferis plantis praecipue se prodit; elaborata magis et ex oleoso, salinis potissimum in aqua solutis partibus, saponacea ideo dicta, succi portio, ad eas, cum quibus folium cohaeret, plantae partes reducitur, et ulteriori vegetationi impenditur.

§. 466.

Regressus itaque succorum ad varias plantae partes, post folia euoluendas, ex phaenomenis ultius illustrandus erit. Rigidiora nimirum ex particulis terreis subsistentibus facta folia non tantum omnem

emnem succi medullaris impulsu, quo eadem primo euoluebantur, sed etiam accessum succorum per inspirationem non amplius admittunt; antequam igitur prorsus marcida et decidua fiunt, alia folia iuniora, vel partes variae, in hoc ramulo, cui folium adhaeret, vel in caudice ipso positae, flores, fructus et gemma continuata vegetatione euoluendae, impetu medullaris succi indigent, qui ideo ad dicta loca deriuatur.

§. 467.

Ad basin folii vel petioli, ubi illud cum ramo cohaeret, medullaris tela cellulosa copiosior est, quam in angustiore petiolo vel costa, et cum medulla ramuli vel caudicis communicat; succus itaque medullaris, velociori motu ad alias partes extendens, dictas has cellulas quasi vacuas relinquit, si igitur in folio succi elaborati deprehenduntur, ad hanc petioli basin regrediuntur, et a flumine uniuersali medullae abripiuntur. In vegetatione itaque folii incipiente succus ex medulla ad folium ducebatur §. 436 seq. nunc vero circa finem vegetationis succi, in folio residui, iterum ad medullam reuertuntur.

§. 468.

Licet igitur circulum humorum uniuersalem per diuersa vasa, arterias nimirum et venas eodem modo, quo in animalibus absolvitur, in plantis assumere haud potuerimus §. 378. partialis tamen humorum regressus omnino concedendus erit. Hunc certe tela cellularis medullae ex natura sua admittit, in ea enim perspiratio folii viridior suctionem efficit, et humores ad peripheriam ducit, quem etiam motum plenius flumen, in caudice et ramulis progrediens adiuuat, si vero hoc cessat, vel ad alia loca dirigitur,
succus

succus in folio subsistens simul deriuatur et suetio illa a parte medullae ramuli efficitur.

§. 469.

Ex iis, quae de foliorum fabrica et nexu haecenus proposuimus et per varia phaenomena illustrauimus, usus foliorum essentialis patet, qui in eo consistit, ut hae plantae partes succos copiosos colligant et digerant, quo, aquosa et volatili parte per superficiem expulsa, elaborati et nutritii succi ad reliquas plantae partes reuehantur. Haec asserta quidem multis exemplis illustrari possent, cum vero alia iam indicata sint §. 464. alia in posterum inferi queant, non nulla tantum summatim addenda erunt.

§. 470.

Folia seminalia, quae saepius ipsi cotyledones sunt, primos succos continent, suscipiunt, praeparant et ulteriori vegetationi aptos reddunt, hinc primo radiculam, paulo post caulem in incremento suo iuuant. Haec itaque folia saepius per plures dies immutata persistunt, ante quam caulis protrudatur, qui postquam prodire incipit, celerius cum foliis suis euoluitur. Si folia seminalia sufficientem succorum copiam ad radiculam, caulem et reliquas plantae partes adducere possunt, uti in multis annuis v. c. phaseolo, tunc circumfusam foliorum radicalium coronam, quae in aliis obseruatur, non exigunt.

§. 471.

Folia radicalia, in orbem circumfusa et capitū radicis adhaerentia, diu subsistunt et pro differentia tardioris et celerioris incrementi plantarum, praeparationem succi per mensē unum et alterum perficiunt,

ficiunt, ante quam caudicem protrudant, saepius etiam una aestate radicem ad caulis incrementum praestandum disponere non possunt, hinc plantae biennes sunt et per hyemem in radice et foliis radicalibus subsistunt, proximaque aestate vegetationem absoluunt, luculento indicio elaborationis succorum, per folia radicalia praestitae.

§. 472.

Folia caulina in caudice elongato et ramis inde productis simul euoluuntur, postquam vero planta satis expansa est, flores et inde fructus prodeunt et successivas mutationes ostendunt, tandem gemmae formantur. Flores vel simul in gemmis prodeunt et delineati tantum euoluuntur, ut in cerasis, violis et aliis plantis, vernali tempore florentibus, hoc in casu succi, in foliis praeparati, tantum fructum et postea gemmam nutriunt; si vero flores tardius erumpunt, tunc et hi succis foliorum in delineatione et euolutione adiuuantur.

§. 473.

Gemmae, in arboribus et fruticibus potissimum, tunc demum in incrementum futuri anni disponuntur, quando fructus, aliqua ex parte perfecti et succis sufficientibus repleti deprehenduntur, hinc in nostro climate mense augusto praecipue intumescunt et delineationem partium, futuro anno exhibendarum, quae iam cum ramulo in vestigio primo gemmae, proxima aestate euoluendae productae esse videntur, quodam modo extendunt, interdum etiam ramos praecoces autumno emitunt. Haec tamen collectio succorum in gemma in aliis citius, in aliis tardius praestatur. Folia itaque succos elaboratos primo

primo ad fructus, ultimo tandem motu succorum languidiore reddito, ad vicinam gemmam mittunt.

§. 474.

In gemmis itaque floriferis folia iam praecedente autumno efficaciam suam praestiterunt, et flores succis adductis vel delinearunt, vel delineationem iam antea factam ad aliquam incrementi vim disponuerunt. Ob hanc rationem et bulbosae plantae, florem vernali tempore mox et citius quam folia emitentes, anno praecedenti ex foliis bulbo circumpositis una cum radice primam vim euolutionis et incrementi receperunt. Idem in aliis plantis, fibrosa radice instructis v. c. in violis obseruamus.

§. 475.

Praeter hunc foliorum usum, ex compositionis ratione demonstratum, alii plures et accidentales recensendi sunt. In gemmis complicata folia teneros flores per hyemem a frigore defendunt, euoluta vero folia aestate teneros flores et fructus saepius a solis ardore defendunt, folia etiam hortos, sylvas et prata, viridi colore ornant, et salutares vapores per aera dispergunt; porro quoque folia ad varios usus oeconomicos v. c. in arte tintoria adhibentur; tandem ad nutrimentum animalium et medicamenta varia inde praeparanda adhibentur.

§. 476.

Non tantum vero folia, ut processus, ex variis plantae partibus deducti, considerandi sunt, sed capreoli, spinae et pili §. 92 seqq. aliaeque eminentiae nostram nunc exigunt attentionem. Capreoli nimirum siue claviculae ex caudice vel a latere nodi vel
passim

passim, immo etiam ex summitatibus foliorum oriuntur, et interdum cum fibris ramiisque ex radice emissis in hedera arborea, interdum cum ramis, qui foliis omnibus destituti sunt v. c. in fumaria capsulis inflatis, quae cysticapnos dicitur, comparari merentur, ex qua analogia genetis forte colligi posset.

§. 477.

Productio telae et succi medullaris in his totum corpus lignosum et ita corticem quoque secum rapit, et strata exteriora non separatim, ut in petiolis §. 437, excurrunt, hinc etiam in progressu et quando clauiculae ramosae fiunt, nunquam nodi laterales, folia emittentes, formantur. Cum etiam clauiculae aliis partibus adhaereant, et illis externe circumvoluantur, celeri quasi progressu extenduntur et medullae motu cessante exsiccantur, nouasque partium euolutiones non sifunt. Usus clauicularum est, teneriores caules minime volubiles in incremento sustinere, id, quod in vite optime cognoscitur.

§. 478.

Spinae §. 93. vel in apicibus ramulorum, vel ad nodos, vel hinc inde in superficie caudicis, ramorum, foliorum, immo et calycis et fructus exsurgunt. Spinae, quae in apice ramulorum conspicuntur, sunt minores et laterales ramuli, qui, cum ex gemmis imperfectis, proximo anno tandem explicandis, accelerata vegetatione oriantur, nouas gemmas producere et vegetationem ulteriorem prae stare non valent, sed exsiccantur et cuspidem spinosum sifunt, v. c. in pruno sylvestri. Hae quidem spinae accelerati incrementi effectus, in cultura arborum evanescunt.

§. 479.

In foliis, calyce et fructibus fibrae quaedam lignosae, anastomosisibus iunctae et stellae in modum dispositae, radiis tamen omnibus in cuspidem convergentibus, coeunt et spinam formant, id, quod in stramonei spinoso fructu optime ostenditur. Aculei vero, superficie caudicis et ramorum inhaerentes, in prima delineatione, ut folia ex gemma euoluuntur, moliores sunt, crescente planta rigidiiores fiunt, et cum parenchymate adhuc firmiter cohaerent, quando vero exsiccantur, sine parenchymatis laesione separantur et in medio spongiosam substantiam, cortice duriore testam, referunt, quod in rosa et rubo optime disquiritur.

§. 480.

Pili §. 94 sunt filamenta tenuissima, quae ex pores cuticulae prorumpunt, et vel erecta, simplicia et ramosa, vel in tomentum complicata, inueniuntur. Iuniores plantae et in primis folia radicalia, non nunquam densis pilis obsita sunt, qui tamen crescente planta vel prorsus exsiccantur et defluunt, vel ex parte obliterantur, vel rarius positi deprehenduntur. Forte telam cellulosam, succorum copia protrusam, sistunt, quae exsiccata tenera folia a frigoris iniuriis defendit; pili enim plantarum cum pilis animalium, cum plantis ipsis comparandis, non accurate conueniunt.

§. 481.

Reliqua tubercula, in plantarum superficie conspicua, quae tanquam fungi minutissimi, vel tanquam glandulae, succo exsudante turgidae cuticulae adhaerent, partim cum nectariis florum inferius considerandis

siderandis comparari possunt, partim ad varietatem vegetationis referri merentur, cum in culturae et loci natalis mutatione maxime varient. De his omnibus nec ratione ortus et structurae, nec ratione usus aliquid certi detegere licuit, quaedam tamen vascula parenchymatis per cuticulam penetrare, et, uti pilos format, sic etiam aliis formae eminentias sistere, ad modum probabile videtur.

C A P V T VI.

DE PARTIBVS VEGETABILIVM
COMPOSITIS GENERATIONI
INSERVIENTIBVS.

S E C T I O I.

DE FLORE

§. 482.

Floris eiusdemque partium definitiones in parte historica §. 101 seqq. exhibitae fuerunt. Licet vero in iis concinnandis ad compositionis rationem praecipue attenti fuerimus, et fabrica et usus ex habitu et nexu partium externo quodam modo cognoscatur, tentandum tamen nunc est, an, internam quoque fabricam perlustrando, structuram et usum plenius peruestigare queamus. Diuersas igitur florium partes sigillatim examinando, usus et partiales et uniuersales exposituri sumus.

§. 483.

Flos ante euolutionem tanquam capitulum variae formae apparet, quod sensim paulatimque par-

P 2 tes

tes delineatas, perfectiores non nunquam, a prima forma mutatas, ostendit, et ita florem euolutum s̄istit. Tenera haec capitula, contra frigus, mortuum insectorum aliasque iniurias externis inuolucris defenduntur; interdum enim squamae gemmarum et folia floralia, hoc officium in se suscipiunt; interdum inuolucra floris, stricte sic dicta, calyx et corolla idem tantum praestant; interdum, si haec vera inuolucra vel desunt, vel non adeo ampla inueniuntur, densior interiorum floris partium aggregatio sufficit. Haec in pyro, anemone, amygdalo, papuere, sparganio et aliis plantis vulgaribus ostenduntur.

§. 484.

Floris capitulum vel summitati caudicis, vel pedunculo varie disposito, uti ex differentia modi florandi perspeximus §. 96 seqq. innititur, hic quidem omnes partes, a caudice productas, scilicet corpus lignosum, quod tamen interdum sub tenero tantum fibrarum strato conspicuum est, medullam, in medio cylindro contentam, et corticem, ex cuticula et parenchymate compositum, et in omni externo ambitu positum, s̄istit. Vis medullaris succi ex caudice et ramis, praecipue ex alis foliorum, raro ex folii costa, ut in rusco, pedunculos producit, et varie ad externas et internas floris partes deriuatur.

§. 485.

Pedunculus, tereti ut plurimum figura conspicuus, ad floris capitulum accedens, quodam modo crassior euadit, et exterioris corporis lignosi fibras, quae a libro quasdam accessiones recipiunt, ad calyce reflectit, vel calyce deficiente ad corollam ducit, interiora tamen corporis lignosi strata, varie compli-

complicata, vel corpus crassum et fungosum thalami §. 102. formant, ex quo, ut in compositis et aggregatis floribus, flosculi emittuntur, vel, si corolla et stamina ex calycis interioribus stratis oriuntur, ad fructum tantum producuntur et in eodem varie distribuuntur.

§. 486.

Calyx itaque, ex pedunculo productus, cuticulam, parenchyma et in hoc distributa vascula succosa, vel cartilaginea et lignosa, contextu celluloso seu medulla repleta, continet, et ita expansionem membranaceam foliis similem efficit. Quoniam calyces in plurimis plantis teneroris structurae sunt, ramifications et variae vasorum directiones in membranacea hac parte soli obuersa apte deteguntur, verum tamen rete vasculosum in alkekengi, stramoneo et non nullis aliis plantis maceratione perficitur.

§. 487.

Superficies calycis exterior cuticula densiore instrueta est, interior vero, aeri non adeo exposita, tenerior obseruatur, illa magis aspera et interdum spinosa, haec vel laeuigata vel tenui villoso opere obducta deprehenditur. Hinc tenerae florum partes in principio a calyce defenduntur, et molliter habentur, donec euolutione facta frigoris et caloris vicissitudines ferre queant: hinc usus calycis, ut inuolucri, patet et simul perspicitur, densius hoc inuolucrum ad sustinendas interiores partes aptum esse.

§. 488.

Sed et succi nutritii praeparatio in calyce absolvitur; cum enim eiusdem fabrica cum foliis conueniat,

niat, §. 486. usus etiam similis ei adscribendus est. Per teneram nimirum corollae et staminum fabricam non in omnibus plantis succi, a pedunculo adducti, fuscipi possent, nisi prius in transitu per calycem digererentur et perficerentur. Hoc quidem potissimum in calyce persistente patet, attamen et in deciduo concedi potest, qui per solam perspirationem non adeo celeriter exsiccaretur et deflueret, nisi corolla et stamina succos, in calyce praeparatos, ad celere incrementum praestandum sagerent. Succorum, in calyce praeparatorum, copiam calyces esculenti v. c. in cynara ostendunt.

§. 489.

Multae vero plantae calyce carent, vel eundem respectu corollae et staminum minorem habent. In his vel corolla satis firma est, ut sine inuolucro externo vicissitudines aeris ferre et succos digerere queat v. c. in lilio et tulipa; vel thalamus satis crassus et fungofus, humores ad teneras floris partes deferendos satis digestos praebet. Dantur etiam plantae, in quibus calyx nullus, et thalamus exiguus est, uti in aconito et aquilegia, in quibus usus partium nunc declarati ad corollam referuntur.

§. 490.

Corolla §. IIII. simili modo, ut calyx et folia expansiones membranaceas sistit, quam ob rem non sine ratione ad similem structuram internam concludimus. Licet enim tenera petalorum fabrica, disquisitiones a nobis indicatas §. 446 seqq. haud admittat, tamen, si figuram, superficiem, nexum cum partibus vicinis, distributionem vasculorum succorum, colorem in primis, per culturam mutatum,

tum, consideramus, analogiam structurae et usus euidenter cognoscimus.

§. 491.

Corollae monopetalae et petala in corollis poly-petalis insignem figurae differentiam ostendunt, quae quidem in parte historica disquisita, §. 112 seqq. in ordinandis plantarum familiis maximi usus inuenta fuit §. 265 seqq. ipsa vero dispositio petalorum, vel laciniarum corollae monopetalae, quatenus ad interiores partes obtegendas in floris capitulo adhuc clauso concurrit, in omnibus ferme plantarum familiis ostendi potest. Carinae v. c. florum tetrapetalorum irregularium, flores labiati, infundibuliformes etc. assertum euidenter probant.

§. 492.

Ad hunc usum aptius praestandum ipsa concurrit petalorum superficies glabra, unctuosa, laevigata, vel tenui sericeo tomento inuestita; ea enim partes internas, in primis antheras, in clausa adhuc corolla interdum euolutas molliter habet, id, quod in primis in teneris et in euolutione constitutis corollis obseruamus. Tubi et limbi corollae in multis monopetalis, vel villis vel squamulis vel similibus eminentiis praediti, hunc usum magis adhuc ostendunt.

§. 493.

Corolla unguibus suis angustis vel brevioribus vel longius productis cum thalamo vel interiori et tenuiori fabrica calycis cohaeret, et ideam petioli foliorum refert; similem itaque fabricam, in nexu et directione vasorum, quam in petiolis foliorum declarauimus §. 440. ex analogia summa cum probabi-

litate assumere licet. Corolla quidem citius defluit, quam folia, non citius tamen, quam succi, in corolla praeparati, ad interiores partes perficiendas deducti fuerunt; in corollis etiam monopetalis, circulare ambitu adhaerentibus, idea foliorum vaginantium fistitur.

§. 494.

Distributiones et ramifications vasculorum, in membranacea foliorum parte visae, in petalis quoque variarum plantarum euidenter conspicuntur. In multis quidem petalis vascula, parallelo non nihil diuergente et in apice conuergente tractu, excurrent, in aliis tamen ramus princeps, ut costa foliorum, in plures minores ramulos, anastomosi iunctos, distribuitur et ad cellulare opus parenchymatis dicitur, ut in lychnidibus. Petala etiam laciniata variae figurae directionem ramificationum, divisionibus proportionatam, fistunt, ex qua ad definitum succorum motum et elaborationem concludere possumus.

§. 495.

Color corollae ut plurimum a colore foliorum plantae differt, et cum a succis transparentibus dependeat, insignem etiam succorum, in petalis elaboratorum, differentiam ostendit, quae eo magis attendenda est, cum unguis, limbos et varias petalorum partes, diverso colore praeditas, deprehendamus et simul cognoscamus, ramifications vasculorum ipsas diuersum colorem fistere v. c. in lychnide coronaria flore albo, pars limbi, ungui proxima, colorem rubicundum, in reliquo progressu autem dilutum et album ostendit. Insignis etiam varietas

et

et mutatio colorum in floribus cultura perfectioribus redditis obseruatur.

§. 496.

Praeter usum igitur, quem corollae in inuoluen-
dis et sustinendis interioribus florum partibus ad-
scripsimus, ille etiam, quem foliis respectu radicis
et gemmarum concessimus §. 471 seqq. nunc corol-
lae respectu partium interiorum, scilicet staminum
et pistillorum, tribuendus est. Cum etiam filamen-
ta staminum in plurimis, in primis tubulosis, flori-
bus cum corolla ipsa coniungantur, vel etiam corol-
lae ouario siue fructui nascenti diu adhaereant, ut in
cucurbitaceis plantis, non incongrue concluditur,
corollam succum praeparatum vel staminibus vel fru-
ctui nascenti tradere. Accedit usus succorum, ex
floribus collectorum, in medicina, et obleetamen-
tum, quod ex aspectu et odore florum percipimus.

§. 497.

Non omnes petalorum eminentias nectarii no-
mine insigniuimus, sed eas tantum, in quibus li-
quor aliquis praefens ostenditur §. 119. est tamen
hac in parte ratione situs, figurae et fabricae, vel
oculo armato saepe assequendae, tanta varietas, est
porro in liquore exfudante respectu coloris, odoris,
saporis et copiae tanta differentia, ut usum huius
partis ratione ipsius plantae vel floris, qui tamen es-
sentialis est, haud definire queamus. Apes et simi-
lia infecta mel bonum et gratum, immo et venena-
tum, ex his florum partibus colligere et forte dige-
rendo quodam modo mutare res cognita est.

§. 498.

Nectarium in variis floris partibus, thalamo calyce et ouario, obseruatur, praecipue tamen in petalis deprehenditur, ita, ut vel ad ungues, vel in distinctis petalis nectariferis, a corolla distinctis, ut in helleboro et parnassia, liquor praeparatus continetur. Forte itaque non errabimus, si nectararia organa secretoria dicamus, quae succos spissiores, motum humoris subtilioris in vasis plantarum impedientes, secernunt, et ita cum glandulis, in varia plantarum superficie occurrentibus, conuenire videntur. Cum vero vix omnia nectararia hunc usum praestent, nec in plantis congeneribus similis semper harum partium fabrica inueniatur, hanc opinionem, ut dubiam, proponimus.

§. 499.

His de inuolucris florum propositis, ad essentiales magis partes, ad stamina scilicet et pistilla, considerandas progredimur, cum in his fructificationis vera ratio contineatur. Praemissa igitur filamenti descriptione antherae nexum cum filamento, struturam antherae variam, pulueremque in ea contentum perlustramus et pistillo, ex ouario et stilo constante, quoque considerato, in usum harum partium inquirimus; ex his enim functiones floris in continuato vegetationis negotio intelligi poterunt.

§. 500.

Filamenta staminum §. 125. vasculis constant, quae ex thalamo, calyce et corolla producuntur, et succum copiosum ad antheram vehunt, illa quidem figura et magnitudine variant, ut plurimum tamen inferius crassiora deprehenduntur, et in ascensu

sem-

semper attenuantur. Succi igitur adducti in ascensu praeparantur, tenuiores redduntur, ita, ut ad antheram ipsam non nisi perfectissimi, et egregie elaborati vehantur: cum etiam filamenta in floribus plenis v. c. papauere saepius in petala mutantur, conuenientiam vasorum succosorum in petalis et filamentis insignem esse perspicimus.

§. 501.

Filamentum ut plurimum apice suo in ipsam membranaceam partem antherae continuatis vasis inseritur et ita in principio arctam cohaesionem sistit, quando autem anthera euoluitur, puluerem dimittit et marcida redditur, tunc vascula, ex filamento in eandem ducta, exsiccantur, et anthera defluit. In non nullis floribus, in primis in illis, qui antheram linearem filamento quasi innatam sistunt, anthera cum filamento marcida fit. Filamenti itaque usus in sustinenda et nutrienda anthera consistit.

§. 502.

Antherae §. 121. in multis floribus ex duabus lamellis sibi inuicem appositis et in medio, ubi filamentum inseritur, coalitis constant. Lamellae adhuc conuolutae superficiem externam glabram internam autem villosam ostendunt; in euolutione igitur superficies externa reuoluitur, et interna fit, interna vero extrorsum vertitur v. c. in tulipa et datura; in biualibus quidem antheris v. c. in solano et anthirrino, in linearibus v. c. in asaro et clematide, in cylindrum coalitis v. c. in flosculis florum compositorum, aliqua quidem structurae differentia obseruantur, lamellae tamen et in his ex una parte glabrae, ex altera villosae, conspicuntur.

§. 503.

§. 503.

Si in floribus nondum apertis v. c. tulipae et campanulae proportio antherarum respectu reliquarum partium disquiritur, et hoc examen in flore tulipae tenerimo in radice tantum delineato instituitur, antherae maxime et crassae inueniuntur. In evolutione floris, partium reliquarum incrementum insigne est, antherae autem parum crescunt, sed saepius celeri pulueris explosione facta marcescunt et contrahuntur, ex quo phaenomeno intelligimus, in ipsa floris delineatione antheram magis, quam reliquias floris partes perfici.

§. 504.

Superficies laminae antherarum interna villosa §. 502. in intersticiis tenuissimorum villorum, vel in illorum apicibus globulos pellucidos adhaerentes ostendit, qui quidem, postquam anthera euoluta et exsiccata fuit, sub pulueris subtilissima forma conspi ciuntur et vario modo disperguntur. Globulos hos adhuc pellucidos, in flore nondum plenarie euoluto summitati stigmatis in heliantho, et lateri styli in campanula adhaerere obseruauimus, et vere cognouimus, tales fuisse, qui ex anthera se euoluente eo deducti fuerunt, nec ex stylo ipso exsudarunt.

§. 505.

Antherae non in omnibus plantis uno eodemque tempore, sed in quibusdam citius, in aliis tardius, euoluuntur et puluerem dimittunt, in datura enim, lilio, campanula aliisque plantis cognoscimus antheram, vel antequam limbus corollae expanditur, vel in ipsa expansione vel paulo post puluerem dimittere et lamellas quasi exsiccatas reuolui. Interdum, ut in

in parietaria, filamentum inflexum sese expandit et violento quasi et elasticō motu antheram concutit, pulueremque ex eadem expellit et dispergit.

§. 506.

Si antherarum puluerem iam excussum microscopii ope disquirimus, non quidem globulos illos pellucidos, sed particulas minimas dispersas diuersam figuram sistere cognoscimus. Facile quidem largimur, hanc figurae differentiam a variis botanicis obseruatam et descriptam*, in negotio generationis, in plantarum flore perficiendo, aliquem usum praestare, quinam vero sit, et an pulueris particulae plantulas ipsas semifinales fstant, definire non audemus. Exsiccatio globulorum pellucidorum, in puluerem mutatorum, non nunquam figuram mutare videtur, in puluere ideo unius eiusdemque plantae diuersam figuram particularum conspeximus, nec in congeneribus plantis, nec in speciebus unius generis talem obseruainus conuenientiam, quae hanc doctrinam illustret.

* vid. GEOFFROI Hist. de l' acad. roy. des scienc. an. 1711. p. 277 - 281. Edit. Amstel. et VERDRIESIVS in Act. Erud. Lips. an. 1724. Mens. sept. p. 409.

§. 507.

Color antherae, non raro a colore petalorum distinctus, continuatam succorum mutationem sifit. Pulus antherarum ipse ut plurimum luteo, in non nullis albo, rubello vel alio colore praeditus est. Is etiam in quibusdam plantis copiosius, in aliis parcius dispergitur, prout vel antherae plures vel pariores adsunt, vel in illis maior aut minor pulueris copia continetur. Cum igitur phaenomena circa colorem

colorem et proportionem ad pistillum, stylos et semina adeo varia sit, usus antherarum ex his cogi nequit, sed post pistilli partes consideratas aliquo modo definiendus erit.

§. 508.

Ouarium §. 129. quod delineationem futuri fructus et ouula siue semina continet, vel fundo calycis vel thalamo adhaeret, et inde vascula, quae primam quasi delineationem fructus sistunt, et siccum sufficientem inde recipit. Hoc quoque valet, si ouula separata thalamo adhaerent, ut in tetragymnospermis et compositis floribus. Cum autem ouarii et ouuli vegetabilis consideratio in fructus et seminis examine aptius, quam in his vegetationis primordiis instituatur, in praesenti tractatione potissimum ad stylos et stigmata respicimus.

§. 509.

Stylus §. 132. non tantum centro ouarii insidet, sed vasis continuatis ex ipsa quoque eiusdem substantia producitur, quod quidem in datura, primula, campanula et aliis ouariis ostenditur; in primis haec vasorum directio in tetragymnospermis euidens est, in quibus nimirum stylus, in medio inter quatuor ouula collocatus, ex substantia pulposa thalami ducitur et a latere cum seminibus communicat v. c. in cynoglossa. Inuersa igitur ratione dici potest, stylum in his ad thalamum et ad quatuor semina descendere et cum illis communicare.

§. 510.

Nec styli nec diuisiones stylorum siue tubae cavitate praeditae sunt, sed medium cauum, quod assumi

sumi posset, cellulosa tela, quae succo turgida est, repletur, in stylis itaque exsuccis et iam marcidis factis interdum cauum deprehenditur. Conueniunt itaque styli cum reliquis plantarum vasis tela cellulosa repletis §. 335, 337. et vegetatione absoluta vacuis §. 343. In stylis itaque, vel oculo nudo vel armato hactenus disquisitis, nullam viam, quae puluerem antherarum recipere posset, inuenimus, nisi eundem per telam cellulosam descendere crederes, quam tamen in interioribus nunquam puluere conspurcatam, sed semper etiam post dimissionem pulueris ex antheris pellucidam et puram conspeximus.

§. 511.

Stigmata in variis stylis v. c. in non nullis monopetalis irregularibus floribus maxime attenuata sunt, in aliis tamen cirrhosa, villosa vel aliis minoribus eminentiis in apice ornata conspicuntur, ut in cerealibus plantis, campanula, onagra et similibus. In non nullis v. c. in violae variis speciebus apex foueam nectariferam ostendit, quae telae cellulari in medio stylō collocatae respondet, in margine tamen huius foueae villosa superficies conspicitur.

§. 512.

Stigmata nitida et pura, puluere per euolutiōnem antherarum discussio magis, quam aliae partes, consperguntur, et puluere hoc suscep̄to marcida fiunt: in campanula v. c. puluerem, villosae lamellae antherae adhaerentem, sub euolutione ad villosam stylī et stigmatis superficiem deduci vidimus, quo facto stigmata reuoluta, et cum stylis eodem modo, ut antherae, marcida reddita fuerunt. Hinc in floribus euolutis vel proxime euoluendis applica-

tio pulueris ad stylum et in primis ad stigma obseruat-
tur, qua mutatione facta negotium fructificationis
absolutum videtur.

§. 513.

Situs autem staminum et pistillorum in variis flo-
ribus varius deprehenditur, lateralem applicationem
pulueris ad stigma in campanula §. 512 et aliis plan-
tis cognouimus, in flosculis compositorum florum
stigma per antheram cylindraceam transit et ita pul-
uerem suscipit. Plurimae tamen dantur plantae, in
quibus applicatio pulueris ad stigmata non euiden-
ter perspicimus, in primis in iis, quae florem stami-
neum a pistillato remotum habent §. 136. Licet
vero hanc applicationem non in omnibus sensu per-
cipiamus, certum tamen est, mutationem antherae
et styli, in primis stigmatis, uno eodemque tempore
fieri.

§. 514.

Functiones harum partium coniunctae et variae
botanicorum obseruationes ostendunt, puluerem
antherarum ad fructus perfectionem omnino neces-
sarium esse, modus vero, quo puluis antherae in
ovarium agit, maxime obscurus est. Et propria et
aliorum experientia cognouimus, palmam dactylife-
ram, flore pistillato praeditam, bonos et edules
fructus proferre, si puluis antherae ex planta, flore
stamineo praedita, adducitur, hac planta autem
non praesente fructus paruos, siccios et imperfectos
fieri: in priori casu etiam semen terrae immissum
nouam plantam, in posteriori nullam produxisse.

§. 515.

§. 515.

Puluis antherarum non incongrue cum semine animalium masculino et prolifero comparatur, licet enim, nec in animali, nec in vegetabili regno, per certa phaenomena et experimenta demonstrari queat, num semen maris et puluis antherarum, an vero tantum subtilissima earundem pars, generationem perficiant, et per quasnam vias haec seminalis vis in ouula ducatur, stylus tamen transitus ad ipsum ouarium et ouulum §. 509. stylus una cum antheris marsecens §. 513. et non nullae obseruationes et experimenta auctorum * hanc rem confirmant.

* In dissertatione mea de sexu plantarum Lips. 1737. edita §. 36. excerpta ex variis auctorum scriptis exempla leguntur.

§. 516.

Tulipae semina matura et perfecta, ex capsula triloculari desumpta, transparentia sunt, ita, ut in plurimis plantula seminalis oblonga conspiciri queat, licet illa in non nullis deficiat, quo igitur cognoscemus, an aliqua cum puluere antherarum sit conuenientia, eundem microscopio disquisiuimus et eius figuram magis subrotundam inuenimus. Dubii itaque redditi fuimus, num puluis ille ipsam plantulam seminalem in se contineat, et an ex subrotunda pulueris figura in ingressu oblonga plantulae figura oritur, vel an alia ratione in negotio generationis concurrat. Certe si plura semina pellucida deprehendarentur, figurae conuenientia vel descrepantia hanc rem magis illustrare posset.

§. 517.

Si igitur conuenientiam sexus in animalibus et vegetabilibus ex antecedentibus, vel ut euictam, vel ut maxime probabilem assumere vellemus, stamen siue potius anthera pars masculina, et pistillum pars foeminina plantae, dici posset. Quicunque difficultates, in negotio generationis animalium explicando obuenientes, perpendit, ille asserto de sexu plantarum, et de generatione animalium et vegetabilium analoga, haud contradicet, licet non omnia huius doctrinae capita perfecte explicari queant.

§. 518.

Quod si vero quis usum floris generatim, sine omni respectu ad generationis negotium attendere vellet, is omnino cognosceret eundem in perficiendo fructu, perfectionem autem fructus in fertilitate feminis consistere; et cum per has mutationes novum corpus priori simile producatur §. 4. coactus quasi ad generationis ideam, per has partes explicandam, duceretur. Generatio itaque certa est in animalibus et vegetabilibus, licet modus nondum explicatus sit, omnes quoque hypotheses, de generatione animalium inuentae, apte quoque ad vegetabilia referri possunt.

SECTIO II.
DE FRUCTV.

§. 519.

Si ovarium in flore, vel oculo nudo vel armato disquirimus, omnes partes fructus delineatas conspicimus et semina praecipue, tanquam partes essentia-

essentiales fructus, suis locis disposita deprehenduntur; cum igitur petala, stamina et styli breui temporis interuallo consuetas mutationes subeant et marcescant, et his excussis vel exsiccatis §. 137. ovarium extendatur et crescat, vere conuincimur, vim vegetationis siue potius fructificationis ab his partibus accessisse, ulteriorem vero extensionem a succis, per pedunculum adducendis, dependere; nisi enim causae accidentales ovarii iam delineati incrementum impedian, fructus et feminis perfectio omnino expectanda erit.

§. 520.

Ovaria et fructus inde ortos et ratione figurae externae et ratione dispositionis internarum partium innumeris ferme modis differre, in parte historica §. 138-159. fusi ostensum fuit, in explicatione igitur physica, quam nunc suscipimus, relictis accidentalibus differentiis, ad essentiales tantum fabricae rationes respiciendum erit. Examinemus igitur partem, cui semen adhaeret, siue receptaculum seminum, et postea integumenta seminum membranacea, pulposa et ossea disquiramus, quo ex his ad usum fructus generalem deducamur. Seminis ipsius descriptionem ad tractationem de germine remittimus.

§. 521.

Thalamus ea est pars, quae semper semina recipit, ea tamen cum differentia, ut in aliis tanquam pars floris, in aliis tanquam pars fructus consideretur: in priori casu definitio §. 102 exposita magis quadrat, in posteriori ad ipsam fructus fabricam internam respiciendum est. In tetragymnospermis et in compositis floribus, in quibus nimirum semina

thalamo adhaerent, haec pars fungosa in flore conspicitur; hinc omnes plantae, seminibus nudis praeditae, huc referri debent et in spicis cerealium et coniferis plantis §. 147 similis ferme adhaesio seminis ad thalamum assumenda erit.

§. 522.

In plantis autem, quarum semina recondita integumento quodam concluduntur, thalamus saepius deficere videtur; pars enim fungosa in medio calyce vix apparet, cum ea in ipsum fructum medium deducatur, ibidemque sub varia forma conspiciatur. Sistit ille interdum massam fungosam vel simplicem, in alsine, vel duplice, in nicotiana, vel quadruplicem, in datura; interdum massam pulposam et succulentam, in medio baccarum et pomorum ita dispositam, ut haec media thalami productio ab externa pulpa, sub cuticula deprehensa, consistentia et saepe etiam colore differat; interdum membranam, in interna fructus pariete extensam, ut in papaveri; interdum lineam fungosam vel ad futuram, ut in leguminibus, vel ad septum, ut in tetrapetalis regularibus siliquosis, vel ad valvas, ut in viola decurrentem.

§. 523.

Ex his, et aliis forsitan dispositionis modis, qui libet cognoscit, in omnibus plantis maximam convenientiam in recipiendo semine deprehendi, licet varia thalami constitutio in variis fructibus inueniatur. Nemo etiam miretur, nos thalamum sub varia forma productum ostendisse, et a loquendi modo, inter botanicos recepto, quodam modo discessisse; ipso enim pedunculi ductu ad thalamum et substantiam

tiam eius fungosam, in diuersis fructibus distributam, peruenimus.

§. 524.

Thalamus, qui vel in fundo calyeis haeret, §.
485. 521. vel pedunculo calyce destituto insistit §.
489 vel diuersimode in ipso fructu expanditur §. 522.
non tantum texturae fungosae et cellulosae est, sed
vascula etiam satis copiosa per eius substantiam distri-
buuntur, ita, ut tandem ultimis ramificationibus,
in eius superficie exsertis, semina adhaereant, quae
ramificationes, tanquam vascula, continuato ductu
succum nutritium, per pedunculum adductum et in
thalamo ulterius elaboratum, semini exhibent.

§. 525.

Non tantum vero accessus succorum ad thala-
mum et semen obseruandus est, sed alia et ad sty-
lum directa vasa, quae a thalamo ad stylum dedu-
cuntur, inuersa tamen ratione considerari possunt
§. 509, communicationem quandam cum antheris
sistunt, et vires, generationi continuandae aptas,
vel veram fertilitatem seminis perficientes, ad hanc
ultimam vegetabilis partem deducunt, quam rem
§. 515. maxima cum probabilitate assumsimus.

§. 526.

His perspectis ad integumenta, quae semina col-
lecta inuoluunt, consideranda, progredimur. Ca-
lyx persistens, qui pericarpii nomine venit, §. 146
et squamae in conis §. 147. membranaceam struc-
turam foliis similem ostendunt; igitur partim perspi-
cationem augent, et succos copiosiores adducunt,
partim succos elaboratores thalamo et semini praæ-
bent.

bent. Hic usus, qui florendi tempore maxime euidentis est §. 488. in semine etiam ulterius nutriendo valet, et nos ad omnia integumenta, quae semina in fructu vario inuoluunt, dicit.

§. 527.

Capsulae nimirum siue integumenta seminum communia membranosa et sicca §. 149 seqq. et in externis parietibus et valuis, et in internis dissepimentis structuram, foliorum fabricae simillimam, ostendunt. Cuticula enim interna et externa parenchyma comprehendit, in quo ramifications vasculorum excurrunt, vascula vero medullam in se complectuntur §. 444. ex qua partium dispositione euidenter cognoscimus, his membranaceis expansionibus succos copiosiores adduci, superfluos perspirare et praeparatos ad thalamum in fructu expansum et semina ipsa duci.

§. 528.

Haec ex iis, quae §. 457 seqq. proposuimus, abunde illustrantur, transitus autem succi, ex fructus membranacei parte ad thalamum, in fructu daturae, ut exemplo, paulo accuratius describendus est. In hoc paucissima vasa immediate ex calyce in thalamum ducuntur, maxima autem eorum pars in valuis distribuitur et elegans rete efficit, ex quo praecipua vascula, ad futuram potissimum posita, regredientia sunt, quae in septum et fungosas thalami massas producuntur, ad semina ipsa, thalamo adhaerentia, deferuntur et his partibus succos tradunt. In papauere idem ostenditur, licet vasa alio modo, quam in datura, excurrent, et in membranam, internum parietem inuestientem et semina recipientem §. 522, inferantur.

§. 529.

§. 529.

Baccae siue integumenta communia membranosa et pulposa §. 149 in essentialibus cum capsulae structura conueniunt §. 527. Vascula nimirum, ex pedunculo in fructibus pulposis v. c. in pyro et malo dedueta, ita quidem diuiduntur, ut quaedam in parenchymate pulpo distribuantur, alia in thalami productione, superius descripta §. 522. excurrant et ad semen ducantur, quaedam vero, inter utraque media, ad illum locum ascendant, cui olim stylus adhaerebat, quod ultimum in fructibus umbilicatis v. c. pyro optime conspicitur. Possunt itaque et superius exposita §. 528 ad fructum pulposum applicari, licet in his parenchyma copiosius sub cuticula distribuatur et tota massa ex tela cellulari, succis repleta, constare videatur.

§. 530.

Capsulae in principio sui incrementi, copiosis humoribus replete sunt, ita, ut non tantum valuae, sed et interior superficies valuarum, cellulosae et succulentae existant, in plenaria autem extensione et maturitate omnis haec succi collecti copia dissipatur, et capsulae exsuccae sunt. Optima certe succi pars ad semen transit et in lobis seminalibus quasi concentrata haeret. Phaseoli et pisi legumina valuae primo esculentas exhibent, et eo tempore semina exigua sunt, his vero auctis et crassioribus redditis, valuae non nisi membranas tenues sicut sunt.

§. 531.

Pulposa pars baccarum et pomorum semper succulenta manet, et in usus alimentares et medicatos afferuatur. Haec tamen pulpa quendam etiam usum,

ratione seminum contentorum, habere videtur, nisi enim hi fructus pulposi conseruentur, semina saepius iusto citius optimas partes perspiratione quadam dissipant, et ad protrudendam nouam plantam inepta fiunt v. c. nuces iuglandes; pulpa itaque, si totus fructus terrae immittitur et putreficit, succos feminibus expandendis et euoluendis aptos praebet.

§. 532.

Seminum membranae propriae in sequenti sectione considerandae erunt, nunc quaedam adhuc circa integumenta seminum accessoria, in fructibus pulposis inuenta, commemoranda restant. Semina enim non in omni superficie succos ex pulpa recipiunt, sed tantum in illa parte, qua vasculis in thalamo continuatis adhaerent. Baccae quidem multis feminibus foetae haec in tota pulpa dispersa habent, ramifications tamen vasculorum, ad omnia semina ductas, membranulam insuper inuoluentem seu loculum minimum, semini continendo aptum, et ordinem quendam in feminibus dispositis accuratiori examine instituto obseruamus.

§. 533.

In reliquis fructibus pulposis loculi, semina condentes, distinctius apparent, et vel cartilaginei vel petrosi vel duriores lamellati et ossei deprehenduntur: cartilagineae enim laminae, quae in fructibus pulposis cauum, feminibus recipiendis aptum, constituunt, ut internae capsularum laminae considerandae sunt. In ipsa iam delineatione densiores sunt, et eum usum habere videntur, ut semina a putredine

ne puluae ambientis non laedantur, uti in mali et pyri speciebus cognoscimus.

* Hanc densitatem olim a pressione succi in pulpa deduximus, sed haec, nec a parte feminis, nec a parte puluae, ostendi potest; semina enim abortiuam densum loculum habent, quam alia perfectiora.

§. 534.

In quibusdam fructibus cartilagineae huic laminae partes densiores et petrosae apponuntur v. c. in mespilo et pyro sylvestri, quae quidem partes ex succis, in pulpa perfectioribus redditis, secedunt et forte cum terreis et tartareis comparari possent, quae in doliorum parietibus ex vino contento adduntur. Huic separationi quidem fructuum austeritas, matritate mitior facta, adscribenda est: sal acidum enim, in fructibus immaturis cum terra coniunctum, austeritatem efficit, quae mitescit vel prorsus tollitur, si terreae particulae crassiores secedunt, vel acida oleosis inuoluuntur et gratum vinosum saporem redundunt. Ex hac etiam mutatione perfectio fructuum, cultura acquisita, dependere videtur, quando nimirum succi, paucis terreis particulis repleti, per vasā non nihil laxiora adducuntur, ut in pyri nobilioribus fructibus.

§. 535.

Simili prorsus ratione ossea seminum integumenta in principio incrementi fructus membranacea sunt, et tandem particulis terrestribus et tartareis accedentibus dura fiunt. Licet enim in nucibus pruni et persicae, hic exempli loco adducendis, materia tartarea non granulata ostendi queat, sed hae potius ex lamellis densioribus constructae appareant, tamen, si

diffinguntur, inter strata fibrarum et laminarum etiam particulae terreae, densius compactae, inueniuntur.

§. 536.

Interdum nuces intra pulpam, non adeo succulentam, sed coriaceam, ut in iuglante, vel tantum intra calycem, sine pulpa externa ambiente, ut in corylo et quercu, continentur, et inde succos, nutritioni seminum sufficientes, vix recipiunt; hoc in casu in ipso cauo nucis pulpa succulenta copiosa haeret, quae succos praeparatos nucleo, ut semini, tradit, et hoc incremente pulpa exsucca et fibrosa fit, et interno nucis parieti adhaeret. Haec semina nutritiendi ratio cum capsulis §. 530. praincipue conuenit.

§. 537.

Vsus fructus est, semen apte dispositum continere et perficere. Perficitur vero semen, si lobi seminales, ut decet, expanduntur, nutritio succo repletur, ut plantulam seminalem appositam iam delineatam defendant et suo tempore nutriant. Copia succi, in omni ouario et fructu immaturo deprehensa, et huius succi transitus ad semina hoc satis euincunt; multiplicata etiam seminum integumenta ostendunt, quantum curam in his protegendi adhibeat natura, quo ad continuatum plantarum prouentum conseruentur.

§. 538.

Fructus ipsi et potissimum semina, cum optimis et praeparatis succis repleta sint, animalibus egregium nutrimentum praebent. Horaei enim sic dicti fructus in pulpa sua nutrientes succos continent, et cereales et leguminosae plantae semina farinacea
praef-

praebent, ex quibus vario modo praeparatis perfectissimum nutrimentum elicetur. Usus fructuum in medicina multis quoque exemplis ostendi potest, cum non gelatinosi tantum succi, sed et nobiliores particularum mixtiones in iis perficiantur, ut exemplo citri et aliorum cognoscimus.

SECTIO III. DE GERMINE.

§. 539.

Successivas plantae mutationes a radice usque ad fructum hactenus considerauimus, ortus itaque plantarum adhuc peruestigandus est. Haec doctrina quidem in principio tractationis nostrae exponi debuisse, quoniam tamen ea difficillima est, et non nisi, variis experientiis praesuppositis, curatius perpendi potest, eandem reliquis subnectere maluimus. Et hoc eo commodius fieri potuit, cum germen in vegetationis negotio, cuius mutationes in circulum quasi redeunt, principium et finem simul constituat.

§. 540.

Plantae, vegetatione peracta, in aliqua sui parte nouae plantae delineationem sistent; haec ex suis principiis se euoluens germen dicitur: communi enim loquendi usu vel plantulae feminales ex terra, vel surculi ex diuersis partibus plantae progerminare dicuntur. Placet itaque hanc vocis significationem assumere, nec germen ouarii synonymon constitueret. §. 130.

§. 541.

Germen vel in semine vel in gemma continetur, et in utroque casu vel ipsam illam partem, quae nouam

uam plantam exhibet, vel varias partes, quae tanquam accessoriae principalem inuoluunt, examinare conuenit, quo pleniorē feminis et gemmae considerationem exhibeamus. Licet vero germinis ortum et generationis ideam uniuersalem vix euoluere queamus, quasdam tamen meditationes, ex consideratione generationis in tribus naturae regnis collectas, huic tractationi praemittere voluimus, quo explicationem generationis vegetabilis eo aptius suscipiamus.

§. 542.

In regno minerali ex vario particularum concursu corpora oriuntur §. 6. quae, licet in mixtione et aggregatione particularum componentium diuersissima inueniantur, licet etiam definitas quasdam figurās sistant, organicam tamen quandam fabricam non ostendunt. In corporibus regni vegetabilis et animalis formandis similis quidem particularum concursus obseruatur, sed organica solidorum fabrica, motus singulari modo determinatos sistit, et ideo etiam generationem magis definitam efficit.

§. 543.

In regno animali unicus tantum generationis modus, in concursu partium generationis utriusque sexus positus, conspicitur, qui quidem, licet tantum per varias hypotheses explicetur, in regno vegetabili, si ad feminis perfectionem respicimus §. 517. quoque locum obtinet. Sed secundaria etiam plantarum generatio in gemmis cognoscitur, quae a praecedente non tantum loco, sed etiam diuerso quodam organorum apparatu differt, ita tamen, ut, in uno et altero casu, noua planta sistatur.

§. 544.

§. 544.

Corpora vegetabilia, ad haec enim omissis reliquis in nostra tractatione tantum attendimus, vel in prima creatione delineata praeexistunt, et successiue in continuata plantarum generatione euoluuntur, vel per concursum particularum, ex canalium dispositione pendentem, formantur: hoc igitur posteriori modo in vegetabilibus summa cum probabilitate asserto, et per varia phaenomena probato, priorem vix assumi posse patebit.

§. 545.

Concursus vero particularum, quem hic assumimus, cum ipse partes organicas efficiat, non fortuitus est, nec a sola mixtione particularum deduci potest, sed ab essentia plantae, scilicet a dispositione canalium, per quos succi mouentur, dependet. Licet igitur directio canalium in minimis, ubi delineatio fit, nec oculo nudo, nec armato conspicatur; tamen in nexus partium iam formatarum luculenta occurrunt phaenomena, quorum alia in formatione fibrillae radicis §. 382 seqq. et in successiua figurae mutatione in partibus plantarum v. c. in foliis §. 442. exhibuimus, alia vero nunc addimus.

§. 546.

Accelerata et aucta partium plantae vegetatio satis ostendit, plures partes in planta quadam produci, quam per determinatam quandam delineationem effici possunt. In salice v. c. frondibus praescissis nouae semper et multiplicatae gemmae in summitate caudicis oriuntur, et in ramos magnos producuntur, quae vel, plane non, vel non in illo loco prorumperent, si planta sibi relicta lentius cresceret.

Plantæ

Plantae annuae, in solo pinguiori nutritae, plures caules, ramulos et flores producunt, quam quidem produxisserent, si in solo arenoso relietae fuissent; sic v. c. secale, ex natura sua monocaule, interdum ex una radice plures caules emittit.

§. 547.

Varia quoque experimenta docuerunt, folia, flores et fructus, in incremento suo impeditos, non ex eo loco propullare, in quo hae partes, per naturalem dispositionem plantae delineatae, assumendaes essent, sed in aliis plane locis erumpere. In phaeolo v. c. praescisis semper superioribus ramulis, in quibus flores et fructus produci deberent, hae partes tandem in alis foliorum inferiorum erumpunt. Eodem modo arbores, quarum frondes, in terram missi, in radices, radices autem in gemmas et folia mutantur §. 424. delineationis successuæ testes sunt.

§. 548.

Prouocamus tandem ad plantas monstrosas, quarum partes vel a consueta delineatione recedunt, vel ad loca minus apta apponuntur. Harum insignis copia est, nullaque suspicio, imaginationis vim corpus vegetabile inuertere posse. In floribus plenis filamenta, ob copiam succi affluentis, in petala mutari, alibi ostendimus §. 500. et loco pistilli folia et nouos flores prodire, in loto et rosa experientia docuit; taceamus alia exempla, passim in obseruationibus descripta.

§. 549.

Si nunc assumere vellemus, delineationes integrarum plantarum, et ita quoque monstrosarum, instar

instar globulorum vel ouulorum vegetabilium in succis plantarum oberrare, vel partes plantae, iam delineatas, in succis vegetabilium haerere, tamen inde mutationes partium plantae in naturali et monstrofa delineatione vix explicare possemus, nisi ex canaliculum indole pendentes partium dispositiones statuemus. Moleculae organicae, quaecunque demum in generationis negotio explicando assumuntur, semper quaestione de causa organicae dispositionis praesupponunt.

§. 550.

Sed mittamus tractationem, in qua euoluenda ideae obscurae nos magis confundunt, quam instruunt, et ad ipsam seminis et gemmae considerationem progrediamur. Cum etiam propagatio plantarum per femina primaria, per gemmam autem secundaria esse videatur, seminis structuram primum inuestigemus. In harum autem fabrica ad tres potissimum partes respiciendum esse cognoscimus, scilicet ad membranas inuoluentes, lobos semifinales siue cotyledones, et plantulam semifinalem, quae futurae plantae delineationem primam exhibet.

§. 551.

Membrana, quae lobos semifinales et plantulam simul inuoluit, ut plurimum duplex est, exterior firmior et quasi cartilaginea, interior tenerior et quasi spongiosa apparet, quod quidem in leguminosis melius, quam in aliis feminibus detegitur, tenendum tamen est, ea semina, quae unam tantum membranam obtinere videntur, maceratione instituta exteriorem superficiem tenaciorem, interiorem pulposiorem ostendere, ut in cerealibus, color quoque in variis

variis seminibus, ubi duplex membrana ostendi nequit, interiorem et exteriorem superficiem diuersam esse declarat.

§. 552.

Notandum omnino est, nos integumenta varia externa, quae semen laxe ambiunt, membranosa, cartilaginea, petrosa et ossea supra descripta §. 532. seqq. huc non referre; licet enim semen obtegant et defendant, tamen, cum eodem nunquam intime combinata sunt, sed ut partes capsulae considerandae erunt. Hoc quoque valet de inuolucris seminum accessoriis, vel secedentibus vel persistentibus, alibi, in seminis nudi idea definienda §. 141. 142. descriptis. Cuticula quoque tenera, quae plantulam seminalem et lobos inuestit, ad proprias seminis membranas referri nequit.

§. 553.

Descriptarum membranarum §. 551. usus est, partes teneriores seminum inuoluere, et a nimia siccitate defendere, quo matura diu conseruari suoque tempore ad nouam euolutionem plantae praestandardam disponi queant. In ipso autem hoc vegetations initio densior et exterior membrana succos, vel prorsus non, vel subtiliores tantum, transmittit, ne copiosior humiditas semina ad putredinem disponat. Interior autem et pulposior membrana colligendis succis praecipue inseruit, dum illa in vaginula, per quam radicula emergit, extensa telam cellularem suggesto replet.

§. 554.

Ornamenta seminum §. 144. varia sunt, varios itaque usus praestare possunt, qui in aggregatis et composi-

compositis floribus praecipue ad flosculos, quos sustinent, spectant; v. c. corona membranea seminum scabiosae est quasi calyx floculi. De pilis et pappis, summitati seminum adhaerentibus, hoc potissimum monendum est, quod teneris saepius seminibus adiumento sint, quo vento agitata ad ulteriorem propagationem in varia loca vehi possint.

§. 555.

Lobi seminales sunt corpora spongiosa, quae maximam partem seminis efficiunt et plantulam seminalem in sinum suum recipiunt; sunt vero vel simplices in monocotyledonibus v. c. cerealibus et palma, vel duplices in dicotyledonibus v. c. leguminosis et pluribus aliis plantis; polycotyledones vel raro, vel nunquam, assumi possunt. In monocotyledonibus plantula seminalis a latere lobi in loco quodam depresso haeret, in dicotyledonibus vero in inferiori parte inter duos lobos in simili quasi fouea depressa, conspicitur.

§. 556.

In exsiccatis et maturis seminibus lobi seminales sicci et diores sunt, incipiente autem vegetationis negotio maximam succi copiam suscipiunt. Succi autem, in lobos recepti, particulas contentas soluunt et sensim praeparatas ad plantulam ducunt. Lobus seminalis v. c. hordei, eundem succum lactescensem circa vegetationis initia continet, quem antea ostendebat, cum instar sacculi, lacte repleti, in fructificatione perficienda disquireretur. In aliis plantis, v. c. leguminosis, lacteus succus non adeo conspicuus est, sed citius ad plantulam seminalem deuehitur; in aliis tandem lobi seminales in ipsa folia seminalia expanduntur et verum officium foliorum suscipiunt.

§. 557.

Lobi seminales essentialem quasi plantae vim inse recipiunt, quo veros succos plantae, huic euoluendae et nutriendae aptos, statim in principio vegetationis exhibere queant. Odor enim et sapor seminum specificus, non tantum in membranis inuoluentibus, sed et in lobis haeret, et oleosi et salini principii vestigia sistit, ex quibus particulis, cum aqua accedente remixtis, succus specificus plantarum efficitur. Si igitur hae particulae in seminibus nimium perspirantibus dissipatae sunt, tunc vis vera seminalis ipsam plantulam euoluere nequit.

§. 558.

Fabrica interna lbororum, primo quidem intuitu, tota cellularis et spongiosa videtur, vasculis tamen instrueta est, quae per totam eius substantiam distribuuntur, et in maioribus seminibus leguminosis v. c. in phaseolo optime conspiciuntur. In his succus, ad seminis perfectionem adductus et in eius cellulis distributus fuit, qui post aliquam stasim in vegetatione incipiente iterum per eadem vascula ad plantulam seminalem ducitur §. 468. Non sine fundamento enim conuenientia lbororum seminalium et foliorum assumitur, cum illi in plurimis plantis cum caule ex terra prorumpant, foliola plantae inferiora sstant §. 470. et ita foliorum etiam officium in se suscipiant §. 556.

§. 559.

Ex haec tenus propositis igitur patet, lobos seminales in fructificatione optimos plantae succos colligere, concentratos continere et ad vegetationem incipientem usque conseruare. Quando enim aqua vel per membranas, semen inuolentes §. 553, vel per radi-

radiculam plantulae seminalis adducitur, illa iam particulis variis oleoso salinis scatet, alias in lobis comprehensas soluit §. 557. et ad plantulam ipsam, modo nunc describendo deducit.

§. 560.

Plantula seminalis in radiculam et plumulam dividitur, et ita primam plantae delineationem sistit. Pars vero plantulae seminalis superior ideo plumula dicta fuit, quoniam foliola teneriora, costis distincta, plumae quasi ramifications vel partes laterales, referre videntur. Eo libentius etiam hanc vocem assumimus, cum plantulam seminalem in radiculam et folia seminalia diuidere non potuimus, lobi enim ipsi, ut supra monuimus §. 558, saepius in foliola seminalia mutantur.

§. 561.

Radicula est illa pars semenis, quae olim cum thalamo cohaerebat et ex continuatis vasis deducebatur §. 524. nunc vero in exsiccatione, a thalamo separata et contracta, inter membranas semenis quodammodo reducta fuit. Hoc in leguminosis in primis cognoscimus, in quibus membranae semenis vaginalm formant, quae radiculam contractam et exsuccam recipit, quo illam in vegetatione incipiente iterum per succos adductos extendere et instar fibrillae vel simplicis vel ramosae §. 385. in interstitia terrae dimittere queat, vegetatio igitur ea in parte iterum incipit, in qua olim finiebatur.

§. 562.

Haec vero radicula non tantum plumulam continuatam sistit, sed a latere quoque vel simplici vel duplice lobo seminali adhaeret. Succi, qui per membranas in lobos penetrant, §. 553. vel per corticalem radi-

culae substantiam in illos ducuntur, materiam nutriendem, in lobis contentam soluunt §. 556. et praeparant, hi itaque ex cotyledonibus ad locum, inter plumulam et radicem medium, siue ad nodum futurum caulis ducuntur et inde radiculae ulteriori extensioni inseruiunt, quo ea ad succos ex terra quoque colligendos apta euadat.

§. 563.

Nullum quidem dubium est, et plumulam aliquos succos ex lobis seminalibus immediate recipere, exigua tamen eorundem copia et vis est, cum potius radix, in terram dimissa, succos copiosos medullares colligat §. 391, et per folia radicalia potissimum perficiat §. 471, quo facto tandem plumula protruditur, quae sub vera plantae specie ex terra prorumpit, caulem et folia annexa sistit, et ita omnes vegetationis mutationes, quas in tota nostra tractatione descripsimus, absoluit. Annuae et perennes plantae, ex semine productae, hoc modo propagantur, perennes vero aliam quoque propagationem per gemmas, ex variis partibus erumpentes, admittunt.

§. 564.

Gemmae sunt tubercula seu capitula squamosa, quae, vel ex radice, vel ex truncō et ramis, et in primis quider ex alis foliorum, prorumpunt; illud in asparago, in arboribus et fruticibus praecipue ostenditur. Gemma, ex radice orta, turio, ex alis foliorum producta, oculus dicitur. Bulbum huc retulit LINNAEVS, quem nos in radice considerauimus §. 58. 396 seqq. et squamas et tunicas cum foliis radicalibus comparauiimus. Si vero cuidam nouum nomen hybernaculi arrideret, tunc forte et bulbus ad turiones referri posset.

§. 565.

§. 565.

In annuis plantis verae gemmae nunquam erumpunt, sed ramuli instar plumulae minoris ex aliis foliorum protruduntur, ibidemque, si plantae scandunt et caudice tantum elongantur v. c. in phaseolis, sine ulteriori expansione marcescunt; si vero plantae, vel per naturam suam, vel per succos, copiosius allatos, ramosae fiunt, tunc rami incrementum toti plantae simile obtinent. Simili prorsus ratione et in arboribus calidaram regionum plumula tantum sine inuolucro squamoso emittitur et ramos fistit, cum tenera haec pars a frigore non defendenda sit.

§. 566.

Turiones in radicibus formantur, quando planta marcescere incipit et caudex et reliquae partes ei adhaerentes, vel nullos vel parciores succos ex radice assumunt §. 400. Hoc in nostro climate, in primis tempore autumnali, obseruatur, quo suffrutes in radice perennes, nouas vires ad vegetationem futuri anni colligant. Huc quoque flabella, quae nouas plantas laterales emittunt §. 395. referri possunt, quae quidem raro veras gemmas producunt, sed, uti in annuis diximus, tantum foliola, plumulae similia edunt, et inde ramos formant.

§. 567.

Gemmae sequentis anni in arboribus et fruticibus, simul cum frondibus, ex gemmis huius anni euolutis, erumpunt, ita tamen, ut tantum sub specie minimae eminentiae in aliis foliorum conspiciantur. Hae eminentiae per aestatem parum crescunt, succi enim in incrementum partium plantae impenduntur; autumnali vero tempore, quando folia marcescere incipiunt, gemmae, in aliis collocatae, crescunt §. 473. et plantula seminalis, in gemma contenta, ita quidem

expanditur, ut foliola et flores, partes in sequenti anno euoluendae, euidenter conspiciantur. Folia in hippocastani, flores autem in corni gemma optime demonstrantur.

§. 568.

Gemmae steriles dicuntur, quando ramos foliis ornatos tantum, nullos autem flores producunt, fertiles vero appellantur, quando cum foliis simul flores continent. In his magna differentia est, dantur enim arbores, in quibus floriferae atque foliiferae gemmae distinctae sunt, ut in amygdalo et corno; dantur aliae, in quibus foliiferae ab iis, quae flores stamineos et pistillatos continent, distinctae sunt, ut in corylo, amentum enim gemmam stamina continentem sistit §. 109. Ex ipsa etiam gemmae magnitudine concludere possumus, num folia tantum, an flores simul contineat, ut in ceraso et pyro.

§. 569.

Squamae, quae gemmas cingunt, ex cuticula et parenchymate potissimum constant; et ad structuram foliorum accedunt. Hae ut plurimum villosae sunt, in primis in margine, et superficies interna eodem modo, ut foliola in gemma contenta, tenui lanugine obducitur. Saepius etiam et squamulae et foliola viscidio succo exudante inunctae sunt, et ita non tantum teneriores plantulae partes a frigore et aliis iniuriis, sed forte etiam in evolutione prima a nimia perspiratione defendunt. Hoc in hippocastani, populi et salicis gemmis cognoscitur. Squamae hoc usu praestito, frondibus evolutis, exsiccateae decidunt.

§. 570.

Nec turiones, nec oculi stricte loquendo, integrum plantae delineationem continent, quoniam radices defunt, et in variis gemmis tantum ramuli foliis, non
vero

vero floribus, ornati continentur. Cum vero ramus, tanquam pars toti plantae similis consideretur, et in ulteriori vegetatione radices aequae ac flores, exhibere possit, gemmam totam plantam continere et adeo cum semine conuenire, non sine ratione afferitur.

§. 571.

Licet gemmae radicula desit, illam tamen certo formaret, si terrae immitteretur. Quoniam vero pars medullaris, cum qua gemma cohaeret §. 437. nimis tenera est, et ita succo copioso, ex terra affluente, ad putredinem disponeretur, gemmae intra corticem alias arboris inseruntur; hae tamen ita apponendae sunt, ut productio medullae, quae iisdem adhaeret, usque ad medullam rami, in quam rima incisa est, inseratur, quo larga succi communicatio fiat. Haec propagatio per gemmas inoculatio dicitur.

§. 572.

Non tantum gemmae, sed et ramuli, ex gemmis protrusi, aliis arboribus inseri possunt, et egregie crescunt. In utroque casu obseruamus, succos in planta sylvestri minus praeparatos, in gemma et ramulo, per culturam perfectioribus redditis, ulterius elaborari et perfectiores fieri. Variae enchires, circa inoculationem gemmarum, insitionem ramulorum aliquosque propagandi modos obseruandae, ad horti culturam pertinent, nec ulterius a nobis explicari possunt.

§. 573.

Plantae, quae vegetationis mutationes una tantum vice absoluunt, non nisi in semine conseruantur. Hae quidem annuae vel biennes dicuntur, licet quaedam mensis spatio et citius etiam, quaedam vero intra biennum, vegetationis circulum absoluant. Si planta annua flores et fructus, vel prorsus non, vel parciores,

producit, et radix nondum exsucca vel putrida redditur, ea iterum nouos succos colligit, et folia radicalia emittit, plantaque biennis vel interdum triennis redditur. In his propagandi rationibus studiosior cultura naturam perficit.

§. 574.

Plantae, quae vel in radice tantum, vel in radice, caudice et ramis simul, conseruantur, perennes dicuntur. Hae non tantum in semine, sed etiam in gemmis multiplicantur et vel turiones, vel oculos copiosius protrudunt, saepius semina matura perficiunt, in primis, si in climate, ipsis conueniente, nutriuntur, non raro tamen abortiua praebent semina, quod potissimum in cultura artificiali, in hybernaculis nostris praestanda, conspicitur. Ricinum arboreum in terris nostris in plantam annuam mutari alibi ostendimus §. 243.

§. 575.

Usus germinis est, nouam plantam sistere: Ex haec tenus autem dictis patet, non semper a natura plantae, sed a variis accidentibus, a differentiis scilicet climatis, soli et culturae, dependere, num noua planta in semine, an in gemma, an in utrisque conseruetur. Hinc etiam cognoscimus, generationem vegetabilium in mutationibus essentialibus generationi animalium analogam esse, licet in accidentalibus mutationes partium insignem quandam differentiam ostendant, et multa in vegetationis negotio eueniant, quae ad propagationem animalium referri nequeunt.





I N D E X.

Numerus §. indicat.

A.

- A**ccidentalis character. 42
- A**cinus 156
- A**ctiones naturales planta-
rūm 318 sexus 319
- A**culeus 93
- A**er in plantis est 349. suc-
cis immixtus 550. expe-
rimentis declaratur 351
- A**la corollae 316. folii 78
- A**lburnum 410
- A**lterna folia 77
- A**mentum 109
- A**mplexicaulia folia 75
- A**natome plantarum 314
- A**nimal 8. horum et vege-
tabilium comparatio 317.
se propagandi differentia
320
- A**nnuae plantae in biennem
mutatio 573
- A**nthera 121. a situ non est
definienda ibid. filamen-
to praeferri meretur 126.
eius structura 5c2. incre-
mentum 503. proportio
ibid. lamina villosa 504.
puluis 505. huius figura
506. color 507. ad stig-
ma et stylum applicatur
513. ad fructus perfe-
ctionem requiritur 514.
cum semine animalium
comparatur 515. in tulip-
pa disquiritur 516
- A**petalus flos 266. apetalae
plantae 302

Apex corollae 122

Aqua transit per plantam
350. varias particulas
continet 353

Arbor 49. eius radix 393

Articulata folia 76

Artificialis character 195

Aryllus 155

B.

Bacca 149. eam dijudicandi
ratio 150. eius structura
520 cum capsula con-
ueniens ibid. usus 531

Barba corollae 114

Battarrae methodus 180

Bauhini, Casp. methodus 160

Boerhaauii methodus 168

Boehmeri methodus 172

Botanica 9

Botanologia 51

Braetea 68

Bulbosa radix 58. bulbo-
rum ortus 397

C.

Caesalpini methodus 162

Calcar corollae 115

Calyptra 109

Calyx 106. Tournefortii 107.
eius differentia 108. stru-
ctura 486. usus 487. 526

I N D E X.

Capillacea radix	55	Color corollae unde	495.
Capreoli	92	eius mutatio a cultura	ib.
Capsula 149. eam dijudicandi ratio 150. 153. eius fabrica	527	Columnae methodus	161
Carina corollae	116	Compositus flos 274. eorum dispositio Linnaei	277
Carnosa folia 80. radix	59	Connata folia	75
Caudex 61. eius differentia 62. 65. fabrica 402. usus 429. mollis et succulentus	404	Conus	147
Caulescens radix	57	Corolla 111. eius color 495. structura 490. cum thalamo et calyce cohaesio	493.
Caulina folia 73. eorum usus	472	493. usus	491 seq.
Caulis 63. eius formatio in cerealibus plantis	406	Corpus artificiale 3. ex generatione cognoscitur 4. lignosum 346. huius circuli 414. naturale 3. huius differentia 6. limites 13 seq. distinctio Linnaei 11. consideratio duplex 15. principia	16
Cellulosa tela	330	Cortex 345. eius fabrica 383	
Cerealium plantarum gemmae 427. nodi	406	Corymbus	100
Character 19. per visum cognitus reliquis praferendus 21. ex omnibus partibus desumi potest 27. certissimus est eligendus 29. 30. accidentalis 201. hic saepe fallax est 202. artificialis 195. naturalis ibid. essentialis 42 seqq. ab accidentalis est distinguendus 34. essentialis singularis 202. genericus essentialis 201. specificus essentialis unde 232. singularis 235. specificus accidentalis 231. eorum examen perficit genera 190. selectus 192. varietas	187	Costa 70. harum distributio	440
Circulatio succi in plantis nulla	378	Cryptogamiae plantae 305. 306	
Cirrus	92	Culmus	63
Classes plantarum	186	Cuticula plantarum 327. huius et humanae comparatio 328. nouae generatio	411
Clauicula 92. eius usus	477		
		D.	
		Dalibardi methodus	177
		Datura fructus descriptio	528
		Decurrentia folia	75
		Definitionum difficultas 41. examen	42 seqq.
		Dendrologia	51
		Dillenii methodus	165
		Dipetalae plantae	291
		Diphy-	

I N D E X.

Diphyta planta	263	irregularis 279. lingula-
Drupa	157	tus 276. masculinus 136.
E.		
Ernstringii methodus	168	mixtus 276. monopeta-
Essentialis character	42	lus 270. monophytus 263.
Eunuchus flos	136	neuter 136. nudus 262.
F.		
Fasciculata folia	77	perfectus 136. petalo-
Faux corollae	115	deus 266. pistillatus 136.
Fertilis flos	136	polypetalos 301. regula-
Fibra vegetabilis 323. huius		ris 279. relatiuus 136,
et animalis differentia 324		ringens 115. simplex 274.
Fibrilla 53. essentialis radi-		solitarius 97. stamineus
cis pars 381. eius struc-		136. sterilis ibid. tubu-
ra 382. directio 385. de-		losus 276. verticillatus
scenius	387	99. umbellatus 298. hu-
Fibrosa radix	54	ius semina 299
Figura	22	Fluida plantarum uniuersa-
Filamentum 125. unde defi-		lia 352
natur ibid. interdum de-		Foemininus flos 136
ficere videtur 126. eius		Foliolum 69. eorum diffe-
strutura 500. usus 501.		rentia 89
in petalum mutatio 500		Folium 68. eorum differen-
Flabellorum formatio 395		tia unde desumenda 71.
Floralia folia 73. pro calyce		differentia ratione volu-
assumi nequeunt 110		minis 80. ratione cir-
Florendi modus	96	cumferentiae 81 seqq. ra-
Floris involucrum 105.		tione marginis 48. ra-
partes 101. receptaculum		tione superficie 85. ra-
103. usus 518		tione apicis 86. ratione
Flos 95. 135. ante euolutio-		similitudinis cum alio cor-
nem 483. genera optime		pore 87. ratione sub-
definit 259. apetalos 266.		stantiae 88. euolutio et
compositus 274. dipetalos		incrementum 436. figu-
291. diphytus 263. eunu-		ra a directione costae 440.
chus 136. fertilis 136. fo-		seq. incrementum quan-
emininus ibid. hermaphro-		do 457. ortus 436 seq.
ditus ibid. inuolutus 262.		perspiratio 460. structu-
		ra 433 seq. succulento-
		rum parenchyma 444.
		tabula synoptica 91. usus
		essentialis 469. acciden-
		tal 475
		Frons

I N D E X.

Ftons	63	Gesneri methodus	161
Fructus 137. delineatio in ouario 508. 519. perfectio unde 534. usus	537. 538	Glandulae plantarum	94
Frutex	49	Gleditschii methodus	179.
Fusiformis radix	57		180
		Gluma	109
		Gmelini methodus	178
		Gronouii methodus	177

G.

Galea corollae	114
Gemma 66. 564. in annuis plantis nulla	565.
eius in arbore et frutice	
eruptio 567. cum semine	
conuenit 570. nouae ortus	546.
radicalis 396. sterilis 568. eius	
inoculatio	571
Genus 35. eius differentia	
36. mutatio species mutat	229
Genera summa 184. media	
et inferiora ibid. striete	
dicta 186. eorum	
constituendi ratio 189.	
seqq. characteres unde	
desumendi 192. medio-	
rum limites 187. sum-	
morum et mediorum	
denominatio 198. infer-	
riorum definiendi ratio	
204. 213. nouorum for-	
matio 209. horum dis-	
quisitio 210. 212 seqq.	
Generatio plantarum in gem-	
mis	543
Germen 66. 540. Linnaei	
130. eius situs	541.
usus	575

H.

Habitus plantae	193
Halleri methodus	166
Hebenstreitii methodus	172
Heisteri methodus	166
Herba	50
Hermannii methodus	167
Hermaphroditus flos	136
Heucheri methodus	170
Hexapetalae plantae	300
Hillii methodus	177
Historia naturalis	20
Humorum in plantis disqui-	
sitio	315
Hybridae plantae nouas spe-	
cies introducunt	249

I.

Imbricata folia	77
Individuum	32
Inoculatio plantarum	571
Insitio plantarum	572
Involucrum floris 104.	eius
diuisio	105
Irregularis flos	279
Iuba	100

K.

Kleinii methodus	180
------------------	-----

Knau-

I N D E X.

- Knauthii Christoph.** methodus 165
Knautii Christian. methodus 171
Krameri mathodus 175

L.

- Labium corollae** 114
Laminae cartilagineae in fructu pulpoſo uſus 533
Legumen 154
Lignosa radix 55
Lignosum corpus 346. eius circuli 414
Liber 409. noui genesis 412
Limbus corollae 114
Lingulatus flos 276
Linnaei methodus 177
Loborum seminalium fabrica 555 seqq. uſus 559
Loculi in fructibus pulpoſis 533
Ludwigii methodus 172

M.

- Magnolii methodus** 176
Masculinus flos 136
Medulla plantarum 347. arborum 416
Membranacea folia 80
Membranae seminum 551. earum uſus 553
Methodici botanici 159
Methodus 38. eius requifita 18. plantarum ex floris structura desumpta

261. naturalis 181. 190.
 perfecta non datur 190
Methodus Battaruae 180.
Boehmeri 172. **Boerhaauii** 168. **Bauhini Casp.**
 160. **Caefalpini** 162.
Columnae 161. **Dalibardi** 177. **Dillenii** 165.
Ernſtingii 168. **Gesneri**
 161. **Gleditschii** 179.
 180. **Gmelini** 178. **Gronouii** 177. **Halleri** 166.
Hebenstreitii 172. **Heisteri** 166. **Hermannii** 167.
Heucherii 170. **Hillii**
 177. **Kleinii** 180. **Knauthii Christoph** 165. **Knautii Christian** 171. **Krameri** 175. **Linnaei** 177.
Ludwigii 172. **Magnolii** 176. **Michelii** 174.
Montii 180. **Morandi**
 168. **Morisoni** 163.
Pontederae 174. **Plumierii** 174. **Raii** 164.
Riuini 170. **Royerii** 178.
Ruppii 170. **Sauuages**
 179. **Scheuchzeri** 180.
Seguierii 175. **Tournefortii** 173. **Vaillantii** 174.
Vitaliani 180. **Wachendorfii** 179. **Wedelii** 172
Michelii methodus 174
Minerale 10
Mineralogia 10
Modus crescendi 65. florendi 96 seqq.
Monopetalae plantae regulares 286. **irregulares**
Monopetalus flos 287
Monopetalus flos 270

Mono-

I N D E X.

Monophyta planta	263	mica	227.	specifica a
Montii methodus	180	charactere essentiali	232.	
Morandi methodus	168	seqq.	a charactere acci-	
Morifoni methodus	163	dentali	236.	a loco na-
Motus succi in planta ab aere dependet	366.	tali	237.	a florendi tem-
aere in aequilibrio posito		porre	238.	a duratione
cohibetur	367.	239.	quot characteres	
caloris		complecti	250.	
augmento restituitur	368.	quae non toleranda	254.	
celeritatis variatio	377.	trivialia	252	
non fit per machinam		Nudus flos	262	
cordis similem	365.	Numerus	25	
a superficie plantae varius	369	Nutritamentum	plantarum	

N.

Naturalia corpora 3.	eo-	Oculus	564
rum differentia 6.	distin-	Officinales plantae	308
ctio Linnaei 11.	duplex	Opposita folia	77
consideratio 15.	princi-	Ordines plantarum	186
pia 16.	limites	Ouarium	129.
	13 seq.	eius situs	
Naturalis character	195	131.	519.
Nectarium 117.	eius diffe-	usus	508.
rentia 118.	497 seq.		519
queae partes nectaria dici		P.	
non possunt	119	Panicula	110
Neruus	70	Pappus seminis	144
Neuter flos	136	Parenchyma	345.
Nexus	24	succos	
Nodus simplex 419.	com-	continet	383.
positus 420.	eius for-	ex vas-	
men	422	culis	390.
Nodosa radix	57	eius usus	
Nomina generica unico vo-			391
cabulo constent 198.	ni-	Pedunculus	64.
mis longa reiicienda 221.	mis	eius fabri-	
veterum 213.	a Botani-	ca	484
co defumenda 220.	co	Peltata folia	76
ambigua 222.	barbara 219.	Pentapetalae regulares plan-	
officinalia 216.	synony-	tae 295.	irregulares 296.

trivialia		umbellatae	297
Nudus flos	262	Perennes	
Numerus	25		
Nutritamentum	plantarum		
uniuersale	356		
Nux	155		

O.

Oculus	564
Officinales plantae	308
Opposita folia	77
Ordines plantarum	186
Ouarium	129.
eius situs	
131.	519.
usus	508.
	519

P.	
Panicula	110
Pappus seminis	144
Parenchyma	345.
succos	
continet	383.
ex vas-	
culis	390.
eius usus	

	391
Pedunculus	64.
eius fabri-	
ca	484
Peltata folia	76
Pentapetalae regulares plan-	
tae 295.	irregulares 296.
umbellatae	297

Perennes

I N D E X.

Perennes plantae	574	gulares 287. flore com-
Perfectus flos	136	posito tubuloſo 288.
Perfoliata folia	75	flore composito lingula-
Perianthium	106	to 289. flore mixto
Pericarpium	146	290. dipetalae 291.
Perspiratio plantarum	372.	tripetalae 292. tetrape-
per tracheas explicari ne-		talae regulares 293. te-
quit 373. a tela cellu-		trapetalae irregulares
loſa adiuuatur 374. eius		294. pentapetalae re-
usus	379	gulares 295. pentape-
Petaloideus flos	266	talae irregulares 296.
Petalum III. eorum nu-		umbellatae 297. hexa-
merus quomodo cognos-		petalae 300. polypeta-
cendus 271 seq. vascula		lae 301. apetalae 302.
	494	flore relatiuo monophy-
Petiolum 64. eius structura		to 303. diphyto 304.
438 seq. vascula ad		flore nudo 305. offici-
membranam folii ducta		nales 308. perennes
	440	574
Petiolata folia	74	
Physiologia plantarum	316	Plantarum cognitio anato-
Phytologia	9	mica 314. physiologica
Pili 94. eorum ortus 480.		316. generatio in gem-
cum pilis animalium non		mis 543. perspiratio 372.
conueniunt	ibid.	superficies motum succo-
Pistillum 128. pars foemi-		rum variat 369
nina plantae 517. a situ		
optime definitur	123	Plantulae seminalis diuisio
Pistillatus flos	136	560
Placenta	103	Plumierii methodus 174
Plana radix	60	Plumula 560. 562. eius
Planta 9. eius vita et in-		usus 563
crementum II. annuae		Polypetala planta 301
structura 392. examen		Pomum 156
in loco natali suscipien-		Pontederae methodus 174
dum 242. perfectio		Proportio 26
quando assumenda 191.		Pyxidata folia 76
denominationis funda-		
mentum 194. plantae		R.
monopetalae regulares		
286. monopetalae irre-		Racemus 100

Radi-

I N D E X.

Radicalia folia	73.	eorum usus	471						
Radix	52.	eius differentiae	54-60.	usus	401.				
		in arbore officium	393.						
		eius in gemmas et folia							
		mutatio	424.	rami a medulla	389				
Radicula	561.	eius usus	562						
Raii methodus		164							
Ramea folia		73							
Ramus	61.	eius annuarum plantarum	422.	arboreum ortus	423				
Ramosa radix		55							
Receptaculum floris		103.							
seminum		520							
Regularis flos		279							
Relatiuus flos		136							
Rete foliorum	443.	maceratione detegendum							
	446.	duplex	448.	451.					
		eius differentia	449 seq.						
		lamina superior	454.						
		corpori lignoso respondeat	455.						
		lamina inferior	454.						
		cum libro conuenit	455						
Rictus corollae		115							
Ringens flos		115							
Riuini methodus		170							
Royenii methodus		178							
Ruppii methodus		170							
S.									
Sauvages methodus		179							
Scapus		63							
Scheuchzeri methodus		180							
Seguierii methodus		175							
Semen	138.	essentiam fructus constituit	139.	nudum	140.	unde diuidetur	141.	tectum	140.
		eius differentiae	144.	integumenta accessoria	532.				
		integumenta ossea	535.						
		membranae	551.	huius usus	553.	ornamenta	144.		
		eorum usus	554						
Seminalia folia	73.	eorum usus	470.	lobi seminales	555.	eorum usus	559		
Septum capsulae		151							
Sessilia folia		74							
Silicula		154							
Siliqua		154							
Simplex flos		274							
Situs		23							
Solitarius flos		97							
Sparsa folia		77							
Spatha		109							
Species	33.	mutatur mutato genere	229.	quot?					
		240.	nouae, quae reicienda	244					
Spica		98							
Spina	93.	eius fabrica	478						
Squamæ gemmarum fabrica et usus		569							
Stamen	120.	pars masculina plantæ	517						
Stamineus flos		136							
Sterilis flos		136							
Stigma	133.	interdum numerum stylorum definit							
	134.	puluerem antheræ recipit	512.	stigmatum figura	511				
Stipes									

I N D E X.

Stipes	63	278. <i>fabrica</i> 522. 524.
Stipula	68	<i>usus</i> 521
Strobilus	147	Thyrsus 100
Stylus 132. <i>eius structura</i>		Tournefortii <i>methodus</i>
et <i>situs</i> 509. <i>cavitas</i>		173
<i>nulla</i> 510		Tracheae <i>plantarum</i> 343
Succorum differentia a plan-		Transuersa <i>radix</i> 58
ta dependet 357. quo-		Tripetalae <i>plantae</i> 292
modo sit comparata 358.		Truncus 63
<i>diuersitas</i> in <i>diuersis par-</i>		Tuba <i>pistilli</i> 133
<i>tibus plantae</i> 359. <i>mu-</i>		Tuberosa <i>radix</i> 54. <i>eius</i>
<i>tatio ex cultura</i> 360. <i>in</i>		<i>formatio</i> 400
<i>foliis mixtio</i> 462. <i>cir-</i>		Tubulosus <i>flos</i> 276
<i>culatio nulla</i> 378. <i>mo-</i>		Tubus <i>corollae</i> 114
<i>tus in arboribus</i> 417. <i>ex</i>		Turio 564. <i>eius formatio</i>
<i>medulla ad folium trans-</i>		566
<i>itus</i> 436. <i>ex folio ad</i>		
<i>medullam regressus</i> 467.		
<i>ex folio ad fructum et</i>		
<i>gemma transitus</i> 473.		
<i>ex capsula ad thalamum</i>		
<i>et semina regressus</i> 527.		
530. <i>in datura descri-</i>		
<i>ptus</i> 528. <i>transitus per</i>		
<i>plantas velox</i> 371		
Suffrutex	50	
Sutura capsulae	151	

T.

Tela cellulosa 330. <i>spon-</i>		
<i>giosa</i>	ibid.	
Terra <i>plantarum</i> <i>nutriens</i>		
	354	
Tetrapetalae regulares plan-		
tae 293. <i>irregulares</i>	294	
Thalamus 102. <i>columna-</i>		
<i>ris</i> ibid. <i>eius differentia</i>		

278. fabrica 522. 524.		
usus	521	
Thyrsus	100	
Tournefortii <i>methodus</i>		
	173	
Tracheae <i>plantarum</i>	343	
Transuersa <i>radix</i>	58	
Tripetalae <i>plantae</i>	292	
Truncus	63	
Tuba <i>pistilli</i>	133	
Tuberosa <i>radix</i> 54. <i>eius</i>		
<i>formatio</i>	400	
Tubulosus <i>flos</i>	276	
Tubus <i>corollae</i>	114	
Turio 564. <i>eius formatio</i>		
	566	

V.

Vaginantia <i>folia</i>	75	
Vaillantii <i>methodus</i>	174	
Valua <i>capsulae</i> 151. <i>hori-</i>		
<i>zontalis</i>	152	
Varietates 34. <i>a colore,</i>		
<i>odore et sapore desum-</i>		
<i>tae</i> 246. <i>a differentia</i>		
<i>graduali</i> 245. <i>indivi-</i>		
<i>duorum</i> 248. <i>morbosae</i>		
247. <i>varietatum exem-</i>		
<i>pla</i>	309	
Vascula <i>plantarum</i>	335.	
<i>intus sunt cellulosa</i> 337.		
376. <i>aerea</i> 343. <i>carti-</i>		
<i>laginea</i> 341. <i>lignosa</i> 342.		
<i>succosa</i>	340	
Vasculum <i>seminale</i>	149	
Vasorum <i>in plantis anasto-</i>		
<i>moses dantur</i> 338. <i>vis</i>		
<i>contractilis nulla</i>	373	

S

Vege.

I N D E X.

Vegetabilium et anima-		
lum comparatio	317.	
se propagandi differen-		
tia	320	
Vegetatio	311	
Verticillata radix	55.	fo-
lia		W.
Verticillus	99	Wachendorfii
Vexillum corollae	116	methodus
Vitaliani methodus	180	Wedelii methodus
Viticulus	92	179
Vmbella	298.	172
eius semina		
299. composita	100	Z.
Vngues	113	
Volua	109	Zoologia
		8

E M E N D A N D A.

Pagina 60. Linea 18. Caput III. lege Caput II. p. 62.
 l. 1. Caput I, l. Caput II. p. 64. l. 1. Caput I. l.
 Caput II. p. 120. l. 19. delineatio l. delineato.
 p. 134. l. 22. friata l. striata. p. 212. l. 17. §.
 446. l. 445. p. 215. l. 14 - 15. suspicior l. sus-
 picor.

